

龍舒增廣淨土文

宋國學進士王日休撰



## 凡例

按凡例是在書的開頭，說明它的內容、要旨和編輯體例的文字。

### 一 前言

今人見古版書，往往興趣缺缺，致將寶藏當面錯過。古大德對龍舒淨土文，多有讚歎，宋、元、明皆有善知識發心重刻，其中元朝重刻，木板竟刻出舍利，故將此書重新打字排版，加上注音，希望此一版本，能引起讀者的興趣，而不致錯過此千古奇書。

### 二 所用藏經簡稱

凡例及註中，中華大藏經簡稱中華藏，卍字續藏經簡稱卍續藏，乾隆大藏經簡稱龍藏，註中凡中華藏及卍續藏二處經文相同之文簡稱二藏原文。另香港佛經流通處出版之龍舒淨土文單行本簡稱香港本。

### 三 校對藏經之主從

龍舒增廣淨土文係錄自中華藏第二輯中，卍續藏中也有收錄，然因中華藏中之第二輯，係影印嘉興續藏經，而嘉興續藏經年代較早，故校對時以中華藏為主，以卍續藏為輔。中華藏與卍續藏，台北市中央圖書館皆有收藏，有興趣之讀者可至該館借閱參考。

#### 四 經文取捨

校對時，二藏經文中，若有難以取捨；或疑中華藏有誤，卍續藏較可取者，另註於後，若卍續藏疑有誤，中華藏較可取者，不另註出。若二藏原文雖同，但仍覺文意不屬者，則參考香港本之文改之。凡有改動，必於該文句下。註出中華藏原文及改動之根據。

#### 五 新註

此次排版所加之註，皆以按字冒之，以別於經文中原有之小註。

#### 六 異體字或古字

異體字或古字如鐵及鏤，皆依康熙字典取電腦字集中有之同字或今字代之。除所取之字與二藏原文之一所用相同者之外，皆於該文句下，註出原字。若原字無同字可代，或為電腦字集中所無者，則於註中描述該字之寫法，如曜字係左側從日部右側上羽下佳，不另造字。且於後文再取代時，不再註出。不另造一電腦外字集，則此檔案任何電腦皆可讀出，不會有讀不到字的情形，將有利於電腦文字檔案之交換流通。

#### ※七 流通

本電腦檔案經多次逐字校對，歡迎免費索取流通，若有錯誤，懇請連絡印刷廠或直接來電指正，以便於再版時更正，功德無量。

排版者王為正 電話：(0二)六00一四一0。



第四卷	修持法門一	十五篇	六二
	修持法門二	六三	六二
	修持法門三	六四	六三
	大菩薩修行兼修淨土法門四	六五	六四
	大菩薩修淨土法門五	七〇	六五
	修持法門六	七三	七〇
	拔一切業障根本往生淨土真言	七四	七三
	修持法門七	七五	七四
	修持法門八	七七	七五
	修持法門九	七九	七七
	修持法門十	八〇	七九
	修持法門十一	八一	八〇
	修持法門十二	八二	八一
	修持法門十三	八三	八二
	修持法門十四	八四	八三
	修持法門十五	八四	八四
	食肉說	八五	八四
	觀音坐相說	八六	八五
第五卷	感應事跡	三十篇	八七
東晉遠法師			八七

東晉劉遺民	八九
東晉闕公則	九〇
晉翰林學士張抗	九〇
宋江陵僧曇鑒	九一
南齊楊都僧慧進	九二
後魏壁谷僧曇鸞	九二
隋開覺寺僧道喻	九三
唐京師僧善導	九四
唐台州僧懷玉	九六
唐汾州僧啓芳圓果	九七
唐真州僧自覺	九八
唐睦州僧少康	九九
唐并州僧惟岸	〇一
唐長安尼淨真	〇二
唐房翥	〇二
唐長安李知遙	〇三
唐上黨姚婆	〇三
唐并州溫靜文妻	〇四
唐張鍾馗	〇四
唐張善和	〇五
石晉鳳翔僧志通	〇五

國初永明壽禪師	：：：：：：：：：：：：：：：：：：：	一〇六
宋明州僧可久	：：：：：：：：：：：：：：：：：：：	一〇七
宋會稽金大公	：：：：：：：：：：：：：：：：：：：	一〇八
宋潭州黃打鐵	：：：：：：：：：：：：：：：：：：：	一〇八
宋臨安府仁和吳瓊	：：：：：：：：：：：：：：：：：：：	一〇九
宋荆王夫人	：：：：：：：：：：：：：：：：：：：	一一〇
宋觀音縣君	：：：：：：：：：：：：：：：：：：： <small>按縣君係古時婦人封號</small>	一一二
宋馮氏夫人	：：：：：：：：：：：：：：：：：：：	一一三
第六卷 特為勸諭 三十七篇		一一五
勸士人	：：：：：：：：：：：：：：：：：：：	一一五
勸有官君子	：：：：：：：：：：：：：：：：：：：	一一六
勸在公門者	：：：：：：：：：：：：：：：：：：：	一一七
勸醫者	：：：：：：：：：：：：：：：：：：：	一一八
勸僧	：：：：：：：：：：：：：：：：：：：	一一九
勸參禪者	：：：：：：：：：：：：：：：：：：：	一二一
勸富者	：：：：：：：：：：：：：：：：：：：	一二二
勸貪吝者	：：：：：：：：：：：：：：：：：：：	一二二
勸孝子	：：：：：：：：：：：：：：：：：：：	一二三
勸骨肉恩愛者	：：：：：：：：：：：：：：：：：：：	一二四
勸婦人	：：：：：：：：：：：：：：：：：：：	一二五
勸僕妾	：：：：：：：：：：：：：：：：：：：	一二六

勸農者	：：：：：：：：：：：：：：：：：：：	一二六
勸養蠶者	：：：：：：：：：：：：：：：：：：：	一二七
勸商賈	：：：：：：：：：：：：：：：：：：：	一二八
勸工匠	：：：：：：：：：：：：：：：：：：：	一二九
勸多屯蹇者	：：：：：：：：：：：：：：：：：：： <small>按蹇乃卦名。險阻之象。屯蹇者艱阻欠順通貌。</small>	一二九
勸骨肉怨憎者	：：：：：：：：：：：：：：：：：：：	一三〇
勸漁者	：：：：：：：：：：：：：：：：：：：	一三一
勸網飛禽者	：：：：：：：：：：：：：：：：：：：	一三二
勸為廚子者	：：：：：：：：：：：：：：：：：：：	一三二
勸作福者	：：：：：：：：：：：：：：：：：：：	一三三
勸誦經人	：：：：：：：：：：：：：：：：：：：	一三三
勸貴人	：：：：：：：：：：：：：：：：：：：	一三四
勸大聰明人	：：：：：：：：：：：：：：：：：：：	一三四
勸賣酒者	：：：：：：：：：：：：：：：：：：：	一三五
勸開食店者	：：：：：：：：：：：：：：：：：：：	一三六
勸屠者	：：：：：：：：：：：：：：：：：：：	一三七
勸在風塵者	：：：：：：：：：：：：：：：：：：：	一三八
勸罪惡人	：：：：：：：：：：：：：：：：：：：	一三九
勸病苦者	：：：：：：：：：：：：：：：：：：：	一三九
勸疾惡欲為神者	：：：：：：：：：：：：：：：：：：：	一四〇
勸軍中人	：：：：：：：：：：：：：：：：：：：	一四一

勸惡口者	勸童男	勸室女	八八兒口生蓮華	第七卷 指迷歸要 七篇	青草堂後身曾魯公	戒禪師後身東坡	哲老後身多憂苦	古老後身耽富貴	西方如現受官	三菩薩修兜率	法華尼後身作官妓	十二緣圖 三界六道輪迴圖	第八卷 現世感應 十八篇	見殺生念佛得福	陳企念佛卻鬼	鄒賓王念佛夢覺	張繼祖念佛薦亡	劉慧仲念佛安寢	阮嫂念佛眼明	閻羅王勸婆念佛		
一四四	一四五	一四六	一四七	一四九	一四九	一五〇	一五一	一五三	一五四	一五五	一五六	一五七	一五九	一五九	一六〇	一六〇	一六一	一六一	一六一	一六一	一六二	一六二

按二藏原文哲字作二吉字並列。乃哲古字。

按二藏原文聽字左耳右作上勿下心。

邵安撫念佛脫難	念佛風疾不作	夢中念佛脫恐懼	念佛屋不壓死	念佛店疾遂愈	念佛痼疾皆愈	繡佛舍利迸出	佛像常有舍利	夢佛遂得聰辯	念佛治病得愈	念佛孫兒免難	第九卷 助修上品 十六篇	習說	葛守利人說	施報說	至人延年說	食肉說	戒殺盜淫說	飲食男女說	貪折前程說	福慧說
一六三	一六三	一六四	一六四	一六四	一六五	一六五	一六六	一六六	一六七	一六七	一六八	一六八	一六九	一七一	一七三	一七四	一七七	一七八	一八〇	一八一

習慈說	爲君子說	爲聖爲佛說	阿羅漢說	楞伽經說	二天人說	小因果說	第十卷 淨濁如一 十篇	情說	即是空說	六根說	真性說	心乃妄想說	五蘊皆空說	癡心用形說	用形骸說	齊生死說	我說	參政周大資跋	狀元劉待制跋	妙喜老人跋
……	……	……	……	……	……	……	……	……	……	……	……	……	……	……	……	……	……	……	……	……
一八二	一八四	一八五	一八六	一八七	一八八	一八九	一八九	一八九	一八九	一九〇	一九二	一九三	一九五	一九六	一九七	一九八	一九九	一九九	二〇〇	二〇一

龍舒增廣淨土文卷十一	天台智者大師	勸修行人專修淨土	真州長蘆蹟禪師	勸參禪人兼修淨土	杭州永明壽禪師	戒無證悟人勿輕淨土	承相鄭清之勤修淨土文	廬陵李氏夢記	盱江 聶允迪 跋	四明斷佛種人跋	龍舒增廣淨土文卷第十二附錄	師子峰如如顏丙	勸修淨業文	慈照宗主臨終三疑	善導和尚臨終往生正念文	慈雲懺主晨朝十念法	讚佛偈	超脫輪迴捷徑	念佛報應因緣	
……	……	……	……	……	……	……	……	……	……	……	……	……	……	……	……	……	……	……	……	……
二〇二	二〇二	二〇二	二〇四	二〇四	二〇四	二〇四	二〇二	二〇二	二〇二	二〇二	二〇二	二〇二	二〇二	二〇二	二〇二	二〇二	二〇二	二〇二	二〇二	二〇二

普勸修持 ..... 二四〇

口業勸戒 ..... 二四一

重刻龍舒淨土文跋 ..... 二四二

王龍舒國學傳 按自此傳起，其後各篇皆係錄自香港本。 ..... 二四三

王虛中傳 節錄 知歸子彭際清撰 ..... 二四四

附錄 淨土指導 ..... 二四六

導師阿彌陀佛 ..... 二四六

釋迦世尊 ..... 二四七

觀世音菩薩大悲心陀羅尼經 ..... 二四八

大勢至菩薩 ..... 二四八

淨土聖賢錄 ..... 二四九

蓮池大師 ..... 二五〇

徹悟大師 ..... 二五〇

善導大師 ..... 二五二

覺明妙行菩薩 ..... 二五三

紫柏大師 ..... 二五四

截流大師 ..... 二五六

印光大師 ..... 二五六

道需大師 ..... 二五九

悟開大師 ..... 二五九

妙空大師 ..... 二六〇

△淨土雜詠 ..... 二六二

論飭終念佛助生之重要 ..... 二六六

人生之最後 ..... 二六八

第一章 緒言 ..... 二六八

第二章 病重時 ..... 二六九

第三章 臨終時 ..... 二七一

第四章 命終後一日 ..... 二七三

第五章 薦亡等事 ..... 二七五

第六章 勸請發起臨終助念會 ..... 二七六

第七章 結語 ..... 二七六

發願文 ..... 二七八

念佛立化龍舒王居士像



## 印造佛經像之十大利益

弘一釋演音示綱

節錄印光大師文鈔卷四附錄印造經像文

一從前所作種種罪過。輕者立即消滅，重者亦得轉輕。

二常得吉神擁護，一切瘟疫、水火寇盜、刀兵牢獄之災，悉皆不受。

三夙生怨對，咸蒙法益，而得解脫，永免尋仇報復之苦。

四夜叉惡鬼，不能侵犯，毒蛇餓虎，不能爲害。

五心得安慰，日無險事，夜無惡夢，顏色光澤，氣力充盛，所作吉利。

六至心奉法，雖無希求，自然衣食豐足，家庭和睦，福祿綿長。

七所言所行，人天歡喜。任到何方，常爲多眾傾誠愛戴，恭敬禮拜。

八愚者轉智，病者轉健，困者轉亨，爲婦女者，報謝之日，捷轉男身。

九永離惡道，受生善道。相貌端正，天資超越，福祿殊勝。

十能爲一切眾生，種植善根。以眾生心，作大福田，獲無量勝果。所

生之處，常得見佛聞法。直至三慧宏開，六通親證，速得成佛。

印造經像，既有如此殊勝功德，故凡遇○祝壽○賀喜○免災○祈求○懺悔

○薦拔之時，皆宜歡喜施捨，努力行之。

像贊及序

丞相周益公贊

皇皇然而無求。惕惕然而無憂。閔頹風之將墜。攬眾善以同流。導之以仁義之原。誘之以寂滅之樂。人見其有作。而莫識其無爲。故中道奄然而示人以真覺。

晉軒李居士贊

心焉遺塵。跡則混俗。龐居士之修持而無家。何子季之精進而

按安養即極樂世界之簡稱。

龍舒淨土文序

按由序內文知。此序係元朝呂大夫所作。重刻付印。木板竟刻出舍利。請看此序。

華嚴經云。信為道元功德母。長養一切諸善根。然世之所謂  
 修淨土者。不可以不信也。淨土乃西方極樂世界。其中種種  
 殊勝莊嚴。阿彌陀經載之詳矣。阿彌陀乃彼中之佛。未成佛  
 以前。有四十八願。願願度人。眾生願生彼國者。一稱其名  
 隨念往生。末世之人。皆於命終氣絕之後。令他人稱念十聲  
 。謂之十念。何益於事。卻不知于平日諸惡莫作。眾善奉行  
 。念念不離西方淨土。念念願見彼佛彌陀。直至命終。不差  
 不亂。蓮臺上品決定化生。五濁惡世更不再入。但闡提之流  
 不信有之。按闡提者梵語一闡提之略。華言信不具。不成佛之義。被惡業昏翳。既不能自修又障他人  
 修。此入地獄如箭射。誠可憫也。譬如遐邦絕域之人。居處

服食不異禽獸。安知有中國富貴快樂。一旦或有語之者。咸  
 以爲妄。其中乃至一人。聽而信之。念慕中國。大厭彼土。  
 願身歿而生焉。今生中國之人。豈無若輩乎。此世界中豈無  
 遐邦絕域乎。既有南瞻部洲便有西方淨土。又安知不同在此  
 天地之間哉。捨此生彼亦理之常。烏得而不信。諸佛無妄語  
 。佛語不誤人。先賢達士及禪門宗師亦多修淨土。惟龍舒王  
 居士信之篤。修之勤。正念現前臨終明白。淨土之歸無疑矣  
 。自利利他又作淨土文十三卷。引三教經書爲證。方便利益  
 開導後人。可謂一念萬年。歲久板翳不任披閱。吾姪元益遜  
 齊。自號康廬隱客。乃先兄道山左丞之子。夙植善本。來生  
 我家。行已立身靡不在道。飢寒病苦。周恤有恒。道釋諸經

。印施饒益。修行淨業。惟己自知。紛紛盆盎中。見此古墨  
 洗余甚嘉之。宜其咸稱為善人君子也。發心重為刊梓。欲壽  
 其傳。願一切眾生悉歸淨土。刊至第四卷第九第十板。鐵筆  
 有礙。出舍利三顆。嵌罅深隱。光彩璀璨。按二藏原文璀璨二字左側皆從火部。眾驚異  
 焉。此皆阿彌陀佛悲智示現。龍舒居士願力不泯。吾姪信心  
 堅固所致。謂佛法無靈驗。西方無淨土。可乎。  
 舊板重刊。善緣圓滿。諸仁者切忌莫於紙上板上作背向兩般  
 錯會。雖然本性彌陀惟心淨土豈欺我耶。仁智之見有不同  
 。中人以上可語也。於是乎書。延祐三年。按延祐三年係元朝仁宗時代合西元一三一六年。歲  
 次丙辰中秋日。同修淨土信士。奉訓大夫。前江淮等處。財  
 賦都總府副總管。按元續藏管作官。古壽呂師。說書于潯陽寓舍之信堂。

狀元歷陽張孝祥序

按由序文知此序係宋朝張狀元所作。

阿彌陀如來。以大願力。攝受群品。繫念甚簡。證果甚速。或者疑之。余嘗為之言。阿彌陀佛。即汝性是。極樂國土。即汝心是。眾生背覺合塵。淪於七趣。立我與佛。天地懸隔。佛為是故。慈悲方便。開示悟入。現諸無量如幻三昧。莊嚴其國。備極華好。復以辯智而為演說。令諸眾生歡喜愛樂。於日用中能發一念。念彼如來。欲生其國。即此一念。清淨堅固。還性所有。與佛無異。當是念時。不起于坐。阿彌陀佛。極樂國土。悉皆現前。如是修習。乃至純熟。幻身壞時。此性不壞。金蓮華臺。由性種生。往生其中。如歸吾廬。諸佛菩薩。即我眷屬。性無異故。自相親愛。友人龍舒王

虛中。端靜簡潔。博通群書。訓傳六經諸子數十萬言。一旦  
 捐之。曰。是皆業習。非究竟法。吾其西方之歸。自是精進  
 。惟佛惟念。年且六十。布衣蔬茹。重趼千里。以是教人。  
 風雨寒暑。弗皇恤。閒居日課千拜。夜分乃寢。面目奕奕有  
 光。望之者。信其為有道之士也。紹興辛巳秋。  
 。過家君於宣城。留兩月。始見其淨土文。凡修習法門。與  
 感驗章著。具有顛末。將求信道。鋟木傳焉。諉余序其書。故  
 為之題其端。云虛中名日休。十月旦狀元。歷陽張孝祥序。

龍舒淨土文序

按由前呂大夫序知。此序係元朝呂元益所作。

淨土之說乃超脫輪迴捷徑。龍舒居士著為成書。廣行流布。  
 蓋欲勉人以必為。要人以必至。其用心誠非淺淺。凡欲披閱

須詳味其言。諦思其義。若大概涉獵過目。二藏原文概字本部在既下方，不在左側。殆亦徒然。苟為他事所汨或覺心意稍懈。姑置少時。然後再觀。則庶無遺意。否則非但意義不相屬而信心亦無自而起。茲文如其無用。望轉施信士。勿徒束之高閣。庶不負龍舒居士之用心。而予區區鋟木之勤。殆亦不虛設矣。呂元益書。

重刊龍舒淨土文序

按此明朝重刻之序。中華藏所無。特錄自己續藏。供讀者參考。

如來設教之不同也。兼但對帶。顯密偏圓。三乘五行。隨自隨他。種種差別。功高易進。念佛為先。在凡具惑用三觀智顯本性佛法。智祖曰心境叵得。故染可觀淨。不礙緣生。故想成相起。唯色唯心。故當處顯見。此觀佛三昧之正訣。具眼者能之。若夫稱唱瞻禮。讀誦持戒。皆淨業之正因。正觀

之助行。雖登臺之有金銀。入品之有上下。趣無生而階不退。則一也。有宋王龍舒作淨土文并附錄總十三卷。嘉禾僧登。點校釐為十二卷。漏澤僧誦特刊行之。終日念心終日念佛。介爾有心。三千具足。心想彼境。復了此心。念心是佛。全佛是心。然後般若德顯。解脫德彰。法身德圓。法界圓融。不思議體。即此論功不在禹下。時

成化十七年歲次辛丑按成化係明憲宗年號。辛丑年係西元一四八一年。佛成道日鄞江南溪秋月序

重刻龍舒淨土文題詞并序

代王弘願作

按此序二藏所無。特錄自佛敎出版社出版之印光大師全集。第一冊卷三。供讀者參考。

眾生心性與佛同儔。由迷背故輪迴不休。

如來慈愍隨機說法。普令含識就路還家。

無ク奈ヲ根ク性ト萬ノ有レ不ク齊ク。非レ出ク格セ人ト決シ難ク出ク離カ。  
 因レ茲ヲ特ニ開キ淨ク土ト一ノ門ヲ。普ク攝ス一レ切ク上ト中ト下ト根ヲ。  
 五ノ逆ト十ノ惡ト地ト獄ト相シ現ル。一ノ念ヲ投ス誠ニ即チ登ル彼ノ岸ヲ。  
 等ク覺ス菩ツ薩ヲ德ヲ與ス佛ト齊ク。尚モ須ク往シ生ス方ニ證ス菩ツ提ヲ。  
 博ク地ト凡ノ夫ト具ス足ク煩ク惱ル。不ク肯ク念ス佛ト如ク何ニ是レ好シ。  
 寄シ語ル世ノ人ト同ク生ス信ヲ願フ。執シ持ス佛ト號シ始メ終ニ莫ク變ル。  
 待シ至ル臨シ終ニ蒙シ佛ト接シ引ク。頓チ出ス五ノ濁ト直チ登ル九ノ品ヲ。  
 見シ佛ト聞ク法ヲ親ク證ス無ク生ル。乘シ大ノ願ヲ輪シ普ク度ス有ク情ヲ。  
 淨ク土ト法ト門ト者ト。如ク來ニ徹シ底ニ悲シ心ヲ。普ク度ス眾ノ生ノ之ノ法ト門ト也ト。令シ彼ノ無ク力ク。  
 斷シ惑ヲ具ク縛ス凡ノ夫ト。信ヲ願フ持シ名ヲ現シ生シ了シ脫ス。與シ觀シ音ヲ、勢ヲ至シ同ク為シ伴ノ侶ト。  
 上ニ而シ至シ於テ等ク覺ス菩ツ薩ヲ。位ニ鄰シ佛ト果ヲ尚モ須ク往シ生ス。方ニ成シ正ク覺ス。至シ頓チ

至圓。徹上徹下。超越一代時教所說一切法門。印光大師全集切作方。此依香港本。以

故當佛說阿彌陀經時。印光大師全集無阿字。此依香港本。六方諸佛出廣長舌。一音讚

歎。稱為不可思議功德一切諸佛所護念經。又謂我釋迦世尊

。能為甚難希有之事。而我世尊。自敘宿因。謂我於五濁惡

世。行此難事。得證菩提。為一切世間說此難信之法。是為

甚難。令其聞者。信受奉行。以究竟暢已出世之本懷而已。

然此法門。甚深難測。雖經諸佛本師。交相勸信。而世之疑

者。猶復甚多。不但世智凡情不信。即深通宗教之知識。猶

或疑之。不但知識不信。即已證真諦。業盡情空之聲聞、緣

覺。猶或疑之。不但小聖不信。即權位菩薩。猶或疑之。即

法身大士。雖能諦信。尚不能窮源徹底。良以此之法門。以

果覺爲因心。全體是佛境界。唯佛與佛。乃能究盡。非彼諸  
 人。智所能知故也。我輩凡夫。仰信佛言。依教奉行。自獲  
 實益。若得聞此不思議法門。便是多劫。深種善根。況信受  
 奉行乎哉。  
 溯自大教東來。遠公創開蓮社。嗣後宗教高人。無不弘贊。  
 如智者、慈恩、清涼、永明等。以其爲初機入道之第一要門。  
 華嚴成佛之末後一著也。由是具縛凡夫。仗佛力以了生死  
 者。非算數譬喻所能知也。  
 當南宋時。吾宗先德有龍舒居士。名日休。字虛中者。乘願  
 再來。以身說法。雖在塵俗。不納妻室。雖入國學。不履仕  
 途。發揮儒佛之心宗。教授具信之子弟。又欲同人咸生淨土

作為此書。普遍倡導。言淺而典。理深而著。俯順劣機。  
 循循善誘。曲盡婆心。無所不至。恐其畏難不入。故以晨朝  
 十念。作普攝群機之最勝方便。待其漸入漸深。如得嘉肴。  
 既知其味。則日用云為。自能拳拳服膺。唯佛是念。非限於  
 一茶之頃。以為定章也。倘能具真信願。畢生堅持十念。決  
 定往生。況更能加功用行者乎。不但此也。即絕無信願。絕  
 不修持。知有彌陀聖號。亦為不可思議善根。何以故。以由  
 知故。遇境逢緣。便能提起。如陳企被所殺之怨鬼見逼。由  
 念佛而鬼遂不現。因茲畢世念佛。臨終往生。且能歸而敘述  
 前因。親現生西本身妙相。使先未預聞。則便被鬼奪命。永  
 劫沉淪矣。所以觀經三福。初則世善。皆堪回向。及至九品

。末則獄現。尚獲往生。至于一心不亂。妙觀圓成。證三昧而往生者。更不須言矣。是知淨土法門。普攝群機。了無棄物。猗歎大哉。

其書以真信切願。持佛名號。即生決定往生為宗。詳觀斷疑生信。普勸修持。往生事跡。特為勸喻等。以及居士一生所行。末後所現。則上中下三根。無根不被。信願行三法。無法不彰矣。爰付剞劂。普偏流通。企酬釋迦說法。諸佛證明。列祖傳燈。居士著書之大慈悲心于剝塵海滴云耳。

林居士俠菴序

按此序二藏所無。係錄自香港本之龍舒淨土文。供讀者參考。

阿彌陀佛於往劫中。發四十八願度脫眾生。有一願云。若有眾生聞我名號。求生我國乃至十念。若不生者不取正覺。阿

彌陀佛誓願度生。若眾生不求接引。佛亦無可奈何。倘志心  
 稱名。誓求出離娑婆者。無一不蒙垂慈攝受也。故淨土法門  
 乃超脫輪迴之捷徑。倘能真信切願。持佛名號。求生西方之  
 誠。必能與佛感應道交。臨終親蒙接引。即得帶業往生。  
 龍舒居士著成此書。曲盡婆心。勸人修行念佛。語意懇切。  
 循循善誘。蓋欲勉人以必為。要人以必至。其愛人之心。可  
 謂懇且切矣。普願讀者詳味其言。諦思其義。息心實求其益  
 。發菩提心。生真信願。勇猛精進。持佛聖號。求生西方。  
 臨命終時。蒙佛接引。如願往生極樂世界。庶不辜負龍舒居  
 士勸人念佛之婆心焉。戊戌年元旦日林俠菴頓首敬勸

龍舒增廣淨土文卷第一

國學進士王

日休

撰

予遍覽藏經及諸傳記。取其意而為淨土文。無一字無所本。幸勿以人微而忽其說。欲人人共曉。故其言直而不文。予龍舒人也。世傳淨土文者不一。故以郡號別之。

淨土起信一

淨土之說。多見於日用之間。而其餘功。乃見於身後。不知者。止以為身後之事而已。殊不知其大有益於生前也。何則。佛之所以訓人者。無非善。與儒教之所以訓人。何以異哉。唯其名有不同耳。故其以淨土為心。則見於日用之間者。意之所念。口之所言。身之所為。無適而非善。善則為

君子為大賢。現世則人敬之。神祐之。福祿可增。壽命可永。由是言之。則從佛之言。而以淨土為心者。孰謂無益於生前乎。

其次為業緣所奪。而不能專志於此。苟有志焉者。亦惡緣可以自此而省。善緣可以自此而增。惡緣省而不已。終必至於絕其惡。善緣增而不已。終必至於純乎善。惡既絕矣。善既純矣。非為君子而何。非為大賢而何。由是言之。則從佛之言。而以淨土為心者。孰謂無益於生前乎。又其次。不知禮義之所在。不知刑罰之所畏。惟氣力之為尚。惟勢力之為趨。苟知以淨土為心。則亦必知省己而自咎。所為雖不能皆合於禮義。亦必近於禮義矣。雖不能盡超乎刑

罰。亦必遠於刑罰矣。漸可以脫小人之域。而終爲君子之歸。庸人稍知佛理者。世必目爲善人。此其效也。由是言之。則從佛之言。而以淨土爲心者。孰謂無益於生前乎。或曰。從孔子之言。而以儒教爲心。豈不益於生前。何必淨土哉。曰。此世間法耳。非出世間法。世間法則不出於輪迴。出世間法。則直脫輪迴之外。淨土既益於生前。又益於身後者。以其兼世間、出世間法故也。

淨土起信二

淨土之說。有理有跡。論其理。則見於日用之間。而未嘗離。前篇所言是也。論其跡。則見於早晨一茶之頃。而不必終日泥。十念法門是也。蓋修持法門有九品。人人皆可以修。

雖罪惡之人。佛亦不棄。回心向善。則為善矣。故此十念法  
 門。人皆可以通行。譬如久為暗室。一燈照之。則為明矣。  
 故雖殺牛屠馬之人。放下屠刀亦可以修。所以修者不難。亦  
 不妨一切俗事。故在官不妨職業。在士不妨修讀。在商賈不  
 妨販賣。在農人不妨耕種。在公門不妨事上。在僧徒不妨參  
 禪。凡一切所為。皆不相妨。故曰。其修持工夫。見於早晨  
 一茶之頃耳。遂可以為萬萬劫不壞之資。人何為而不修乎。  
 今有販物者。一錢而得兩錢之息。則必自喜。以為得息之多  
 矣。行路者。一日而及兩日之程。亦必自喜。以為及程之多  
 矣。是於外物小有所得而知其喜也。或兩錢而得一錢之價。  
 必憂之。以為喪本。兩日而及一日之程。亦必憂之。以為費

日。是於外物小有所失。而知其憂也。何於吾身之光陰有限。則汨沒以過。其失大矣。而不以為憂。於淨土之因緣難遇。幸而知之。其得大矣。而不以為喜。是徒見小得失。而知憂喜。及得失之大者。則不能知。何不思之甚也。況不費時刻。用力甚少。而收功有不可盡言者。人何為而不修乎。此時不修。可痛惜哉。可痛惜哉。

淨土起信三

人驟聞淨土之景象。多不信之。無足怪也。蓋拘於目前所見。遂謂目前所不見者。亦如此而已。且如陋巷糞壤之居者。安知有廣廈之清淨。小器藜藿之食者。安知有食前之方丈。弊篋錙銖之蓄者。安知有天府之充溢。故處此娑婆濁世。不

信其有清淨佛土。所以生長於胞胎。不知彼有蓮華之化生。  
 壽不過百年。不知彼有河沙之壽數。衣食必由於營作。不知  
 彼有自然之衣食。快樂常雜於憂惱。不知彼有純一之快樂。  
 然則佛之所言。不可以目前所不見而不信也。況佛切戒人以  
 妄語。必不自妄語以誑人。世人妄語者。非以規利。則以避  
 害。佛無求於世。何規利之有。佛視死生如刀斫虛空。何避  
 害之有。是佛無所用其妄語也。世間中人以上者。猶不肯妄  
 語。以喪其行止。況佛乎。其言可信。無足疑者。故先賢云  
 。佛言不信。何言可信。昔有以忠臣為姦黨者。刻之於石。  
 天雷擊之。今以金寶綵色。鐫刻裝繪。以為輪藏。貯佛之言  
 。供以香華。嚴以神龍。使其言之妄。則又甚於姦黨之碑。

何爲歷千百歲。而天雷不擊之哉。以其言之誠也。言之誠而不信。將何俟哉。是故淨土之說。更無可疑者。況自古及今。修此者。感應甚多。尤不可以不信者也。感應在第五卷。

淨土起信四

儒者或以釋氏之徒無戒行。故輕其教。而因以不信淨土。是  
不然。豈可以道士不肖而輕老子。士人不肖而輕孔子。智者  
尚不以人廢言。況可以其徒而輕其教乎。  
釋氏之教。有世間法。有出世間法。其世間法與吾儒同者。  
不可以縷數。姑舉其大者言之。釋氏之所以孳孳訓世人者。  
無非戒惡勸善。而吾儒何嘗不戒惡勸善哉。且以目前言之。  
佛以殺生、偷盜、邪淫爲身三業。而孔子言勝殘去殺。詩人

言一文二王三德四及五鳥六獸七昆八蟲九。是一〇豈一一不一二戒一三殺一四哉一五。盜一六固一七不一八在一九所二〇言二一矣二二。孔二三
  
 子二四言二五吾二六未二七見二八好二九德三〇如三一好三二色三三者三四。詩三五人三六刺三七不三八好三九德四〇而四一悅四二美四三色四四。是四五豈四六不四七
  
 戒四八邪四九淫五〇哉五一。佛五二以五三妄五四言五五、綺五六語五七、兩五八舌五九、惡六〇口六一為六二口六三四六四業六五。孔六六子六七謂六八
  
 人六九而七〇無七一信七二。不七三知七四其七五可七六。豈七七不七八戒七九妄八〇言八一也八二。謂八三巧八四言八五令八六色八七鮮八八矣八九。仁九〇
  
 豈九一不九二戒九三綺九四語九五也九六。書九七稱九八爾九九無一〇〇面一〇一從一〇二。退一〇三有一〇四後一〇五言一〇六。豈一〇七不一〇八戒一〇九兩一一〇舌一一一也一一二。
  
 惡一一三口一一四謂一一五之一一六惡一一七怒一一八之一一九聲一二〇。尚一二一未一二二至一二三於一二四穢一二五語一二六。荀一二七子一二八謂一二九傷一三〇人一三一之一三二言一三三。深一三四於一三五
  
 矛一三六戟一三七。是一三八未一三九嘗一四〇不一四一戒一四二惡一四三怒一四四之一四五口一四六也一四七。佛一四八又一四九以一五〇貪一五一、瞋一五二、癡一五三為一五四意一五五三一五六業一五七
  
 。孔一五八子一五九謂一六〇見一六一得一六二思一六三義一六四。是一六五則一六六戒一六七貪一六八矣一六九。謂一七〇伯一七一夷一七二叔一七三齊一七四不一七五念一七六舊一七七惡一七八。是一八〇
  
 則一八一戒一八二瞋一八三矣一八四。謂一八五困一八六而一八七不一八八學一八九。民一九〇斯一九一為一九二下一九三。是一九四則一九五戒一九六癡一九七矣一九八。由一九九此二〇〇言二〇一之二〇二
  
 。儒二〇三釋二〇四未二〇五嘗二〇六不二〇七同二〇八也二〇九。其二一〇不二一一同二一二者二一三。唯二一四儒二一五家二一六止二一七於二一八世二一九間二二〇法二二一。釋二二二氏二二三又二二四
  
 有二二五出二二六世二二七間二二八法二二九。儒二三〇家二三一止二三二於二三三世二三四間二三五法二三六。故二三七獨二三八言二三九一二四〇世二四一而二四二歸二四三之二四四於二四五天二四六。釋二四七

氏又有出世間法。故知累世而見眾生業緣之本末。此其所不  
同耳。欲知釋氏之所長。須看楞嚴、楞伽、圓覺、與無蓋障  
菩薩所問經。及曉金剛經之理。未能如是。而遂非之。則孔  
子所謂不知而作之者。可不戒哉。誠如是。則釋氏為可信矣。  
其言淨土。烏可以不信哉。所謂出世間法。淨土尤其要者。  
。不可以不勉也。

淨土起信五

世有專於參禪者云。惟心淨土。豈復更有淨土。自性阿彌。  
不必更見阿彌。此言似是而非也。  
何則。西方淨土。有理有跡。論其理。則能淨其心。故一切  
皆淨。誠為惟心淨土矣。論其跡。則實有極樂世界。佛丁寧

詳復言之。豈妄語哉。人人可以成佛。所謂自性阿彌者。固  
 不妄矣。然粹未能至此。譬如良材。可以雕刻物像。而極其  
 華麗。必加以雕刻之功。然後能成。不可遽指良材。而遂謂  
 極物像之華麗也。是所謂惟心淨土。而無復更有淨土。自性  
 阿彌。不必更見阿彌者。非也。  
 又或信有淨土而泥惟心之說。乃謂西方不足生者。謂參禪悟  
 性。超佛越祖。阿彌不足見者。皆失之矣。  
 何則。此言甚高。竊恐不易到。彼西方淨土。無貪無戀。無  
 瞋無癡。吾心能無貪無戀。無瞋無癡乎。彼西方淨土。思衣  
 得衣。思食得食。欲靜則靜。欲去則去。吾思衣而無衣。則  
 寒惱其心。思食而無食。則飢惱其心。欲靜而不得靜。則群

動惱其心。欲去而不得去。則繫累惱其心。是所謂惟心淨土者。誠不易到也。彼阿彌陀佛。福重山海。力挈天地。變地獄爲蓮華。易於反掌。觀無盡之世界。如在目前。吾之福力尚不能自爲。常恐宿業深重。墜於地獄。況乃變作蓮華乎。隔壁之事。猶不能知。況乃見無盡世界乎。是所謂自性阿彌者。誠不易到也。然則吾心可以爲淨土。而猝未能爲淨土。吾性可以爲阿彌。而猝未能爲阿彌。烏得忽淨土而不修。捨阿彌而不欲見乎。故修西方見佛。而得道則甚易。若止在此世界。欲參禪悟性。超佛越祖爲甚難。況修淨土者。不礙於參禪。何參禪者。必薄淨土而不修也。大阿彌陀經云。十方有無量菩薩。往生阿彌陀佛國。彼菩薩尚欲往生。我何人

哉。不欲生彼。是果勝於諸菩薩乎。由此言之。惟心淨土。  
 自性彌陀者。大而不要。高而不切。修未到者。誤人多矣。  
 不若腳踏實地。持誦修行。則人人必生淨土。徑脫輪迴。與  
 虛言無實者按二藏原文虛字庶部下，作丘不作非一。天地相遠矣。

淨土起信六

佛眼見無量劫事。故自古及今。無所不見。又戒人妄語。必  
 不自妄語以誑人。又戒人有我。必不自有我以夸人。故其言  
 誠可師法。按楞嚴經云。有十種仙。皆壽千萬載。數盡復入  
 輪迴。為不曾了得真性故。與六道眾生。同名七趣。是皆輪  
 迴中人也。世人學仙者。萬不得一。縱使得之。亦不免輪迴  
 。為著於形神而不能捨去也。且形神者。乃真性中所現之妄

想。非爲眞實。故寒山詩云。饒汝得仙人。恰似守屍鬼。非  
 若佛家之生死自如。而無所拘也。近自數百年來。得仙者。  
 唯鍾離呂公。而學鍾離呂公者。豈止千萬。自予親知間。數  
 亦不少。終皆死亡。埋于下土。是平生空費心力。終無所益  
 也。欲求長生。莫如淨土。生淨土者。壽數無量。其爲長生  
 也大矣。不知修此法門。而學神仙。是捨目前之美玉。而求  
 不可必得之砒砒。豈不惑哉。  
 或云。淨土乃閉眼後事。有何證驗。答云。淨土傳備載感應  
 。豈無證驗哉。況神仙者。有所得。則甚祕而不傳。以謂泄  
 天機而有罪。佛法門唯恐傳之不廣。直欲度盡眾生而後已。  
 是其慈悲廣大。不易測量。非神之可比也。

淨土起信七

人有不信因果。從而不信淨土者。夫因果烏可以不信乎。經云。要知前世因。今生受者是。要知後世果。今生作者是。若不信此語。何不以目前之事觀之。人生所以有貧富。有貴賤。有苦樂勞逸。有榮辱壽夭。其禍福種種不同。雖曰天命。天豈私於人哉。蓋以人前生所為不同。故今生受報亦不同。而天特主之耳。是以此身謂之報身。報身者。報我前世所為。故生此身也。天何容心哉。譬如人有功罪於外。當受賞罰於官府。官府豈私於人哉。特以有功當賞。有罪當罰。而主之耳。豈以賞罰無故而加於人。世間官府。猶不以賞罰無故而加於人。況天地造化。豈以禍福

無故而加於人乎。是知以前世所爲有善惡。故以禍福而報之也。以其不能純乎善。故不得純受其福報。乃有富貴而苦夭者。有貧賤而壽樂者。有榮寵而悴辱者。其爲果報。各隨其所爲。如影從形。如響應聲。纖毫不差。故云。種桃得桃。種李得李。未有種麻而得豆。種黍而得稷者。唯種時少。收穫時多。故作善惡時甚小。受禍福之報甚大。故云。春種一粒粟。秋收萬顆子。人生爲善惡。果報還如此。蓋造化自然之理也。此理可信。則淨土之說必可信。何則。二者皆佛言也。佛誠言於因果。必不妄言於淨土。故因不信因果。從而不信淨土者。此可以解其惑矣。

淨土起信八

人有見目前善惡未有報者。遂不信因果。而因以不信淨土。殊不知善惡未有報者。非無報也。但遲速耳。佛嘗謂阿難云。人有今世為善。死墮地獄者。今世為惡。死生天堂者。阿難問何故。佛言今世為善死墮地獄者。今世之善未熟。前世之惡已熟也。今世為惡死生天堂者。今世之惡未熟。前世之善已熟也。熟處先受報。譬如欠債。急處先還。左氏謂樂武子有德。可以庇其子。故其子斃。雖為惡而可以免禍。斃之子盈為善。而斃之惡乃累之。故盈雖善而及於難。止於世間目前可見者言之。善惡之報。尚有如此者。況隔世乎。書曰。天道福善禍淫。老子曰。天網恢恢。疏而不漏。

按二藏原文疏字右側為一東字。係疏俗字。

是三教皆言此理。但有遲速耳。豈可以目前未見果報。而遂不信因果。因以不信淨土乎。

淨土起信九

或者疑之云。人此間念佛。西方七寶池中。如何便生蓮華一朵。予告云。此不難知也。譬如大明鏡。凡有物來。便現其影。鏡何嘗容心哉。以其明而自然耳。阿彌陀佛國中。清淨明潔。自然照見十方世界。猶如明鏡。睹其面像。是故此間念佛。西方七寶池。自然生蓮華一朵。無足疑也。或者又疑之云。念往生真言者。阿彌陀佛常住其頂。衛護其人。若無量世界。有無量眾生。念此真言。阿彌陀佛豈能一一遍住其頂乎。曰。亦自然耳。譬如天上一月。普現一切水中。豈不

自然哉。或者又疑之云。有修行精進。按畫線九字二藏原文作。修行精進疑之云又有疑有誤。暫採香港本之文。待後考證。

臨終之時。佛與菩薩來迎。且如十方世界。有無量眾生精進。

烏能皆知其期而往迎乎。曰。亦自然耳。譬如天上一日。

普照無量境界。豈不自然哉。況佛之威神。不止如日月乎。

則遍住其頂。遍知其期。何足疑哉。

阿彌陀經脫文

襄陽石刻阿彌陀經乃隋陳仁稜所書。字畫清婉。人多慕玩。

自一心不亂而下云。

專持名號。以稱名故。諸罪消滅。即是多善根福德因緣。

今世傳本脫此二十一字。又藏本此經亦名諸佛攝受經。乃十

方佛在養字號今本脫四方佛。

備說

書必有夜。必為夜備。暑必有寒。必為寒備。

存必有去。必為去備。何為夜備。燈燭床蓐。

何為寒備。衾裘炭薪。何為去備。福慧淨土。

梵語阿彌陀。此云無量。梵語彌陀。此云量。省文稱之。

。寧稱阿彌陀。不可稱彌陀。若稱彌陀。則是量。乃與無量之

意相反。若稱阿彌陀。猶有無量之意存焉。

龍舒增廣淨土文卷第一終

龍舒增廣淨土文卷第二

國學進士王 日休 撰

大藏中有無量清淨平等覺經。阿彌陀過度人道經。無量壽經。無量壽莊嚴經。四者本為一經。譯者不同。故有四名。其舛訛甚多。予久已校正。亦刊板以行。今按此經。及餘經傳。為淨土總要。

淨土總要一

統言。大藏不止有十餘經。言西方淨土事。其大略謂。彼處以七寶莊嚴。無地獄、餓鬼、禽畜。以至蜎飛蠕動之類。常清淨自然。無一切穢雜。故名淨土。其人皆蓮華中生。長生不老。衣食宅宇。隨意化成。其景序長春。無復寒暑。大受

快樂。無一切苦惱。故名極樂世界。其佛名阿彌陀者。梵語也。按梵語即古印度之言語。由梵天稟承故云梵語。此云無量。以此佛光明。照見十方世界。無有限量。凡念佛眾生。無不知之。故人名無量光佛。此佛壽命。與其國中人民壽命。皆無有限量。雖恒河沙劫。亦無有盡。故又名無量壽佛。此佛有大誓願度人。其威神不可思議。故至心信向。念其名號者。現世必消除災難。禳卻冤鬼。安靜形神。增延福壽。西方七寶池中。則生蓮華一朵。他日於其中託生。直脫輪迴之外。若此者。皆有事跡。非虛言也。其說甚易行。盡大藏中。八萬四千法門。無如此之要捷者。而人或不知。可痛惜哉。知而不行。尤可痛惜也。

淨土總要二

大阿彌陀經云。釋迦佛一日容顏異常。侍者阿難怪而問之。  
 佛言善哉。汝所問者。勝於供養一天下聲聞、緣覺及布施諸  
 天人民。以至蜎飛蠕動之類。雖至累劫。猶百千萬倍。不可  
 以及。所以者何。以諸天帝王人民。乃至蜎飛蠕動之類。皆  
 因汝所問。而得度脫之道。以此觀之。是釋迦佛初欲說阿彌  
 陀佛之時。其存於心而形於色者。已異於平日。則阿彌陀佛  
 所以感諸佛者。固已非常。況於感一切眾生者乎。及阿難問  
 而告之。則謂諸天帝王人民。以至蜎飛蠕動之類。皆因汝所  
 問。而得度脫之道。是上至諸天。下至蠕動。皆同在三界之內。  
 故不出輪迴。是以未為得度脫者。阿彌陀佛大願大力。無

所不度。故皆度脫之也。觀其初發願偈云。我至成佛時。名  
 聲超十方。人天欣得聞。俱來生我刹。地獄鬼畜生。亦生我  
 刹中。是則凡在三界六道輪迴之內者。無所不度可知矣。是  
 以此經云。阿彌陀佛現在西方極樂世界。又在十方世界。教  
 化無央數天人民。以至蜎飛蠕動之類。莫不得超度解脫者。按二藏原  
文超作過。疑有誤。暫依香港本改之。待後考證。 蜎飛謂微細飛蟲也。蠕動謂微細蛆蟲也。若此  
 者佛尚化度。況於人乎。是其所以廣度眾生。無有窮極。而  
 人一念歸依。遂生其國。無足疑也。

淨土總要三

經又云。無量無數劫以前。有世自在王佛出。化度眾生。是  
 時有大國王。往聽說法。遂有覺悟。乃捨國王之位。而往修

行。號曰法藏比丘。即阿彌陀佛也。對世自在王佛。發四十  
 八大願。願願皆為濟度眾生。發此願已。乃精進以了生死。  
 次入菩薩地。了生死者。乃生死自如也。入菩薩地者。內則  
 修慧。外則修福也。修慧者。使慧性日廣於一日。至成佛時  
 。則慧性含虛空世界。無所不知。無所不見也。修福者。乃  
 託生於一切眾生中。同其形體。通其語言。以設教化。故上  
 自天帝。下至微細蟲蟻。皆託生於其中。如此無量無數劫來  
 。設化眾生。夫設化眾生者。無非得福也。得福而不受用。  
 故其福愈積而愈大。久則遍於虛空世界矣。福大則威神大。  
 譬如世人。官大則勢力大。是以威神無所不可。方得成就所  
 願。而入佛位。是初發願以至成佛。無非為眾生者。故人至

心信向。念其名號。現世必蒙福祐。身後必徑生極樂世界。若能精心想其形相。現世必見佛之真身。以佛之威靈。無所不在。而人。心念與佛純熟。則自然交通。故佛現其身也。詳見第五卷。

淨土總要四

經云。阿彌陀佛。歷大阿僧祇劫。行菩薩行。忍力成就。不計眾苦。常以和顏愛語。饒益眾生。善護口業。不譏他過。善護身業。不失律儀。善護意業。清淨無染。手中常出一切衣服。一切飲食。一切幢幡寶蓋。一切音樂。及一切最上須之物。以此施惠眾生。令生歡悅。以行教化。故致無量無數眾生。發無上菩提之心。如是善行。無量無邊。說不能盡。

。歷無量無數百千萬億劫。功德圓滿。威神熾盛。方得成就

所願。而入佛位。是以十方無央數世界。諸天人民。以至蜎

飛蠕動之類。無所不度。所以一念歸依。遂生其國。皆於七

寶池蓮華中化生。自然長大。亦無乳養之者。皆食自然之食

。其容貌形色。端明淨好。固非世人可比。亦非天人可比。

皆受自然清虛之身。無極之壽。遍彼刹中。皆諸上善人。無

有婦女。皆壽命無央數劫。皆洞視徹聽。遙相瞻見。遙相聞

語聲。皆求善道者。無復異人也。雖歷萬劫。已所從來。靡

不知之。復知十方世界去來現在之事。復知無央數天上天下

人民。以至蜎飛蠕動之類。心所欲念。口所欲言。復知此等

眾生。當於何劫何歲。盡度脫為人。得生極樂世界。以其慧

性通徹故爾。

淨土總要五

淨土傳云。阿彌陀佛。與觀音、勢至二菩薩。乘大願船。泛  
 生死海。就此娑婆世界。呼引眾生。上大願船。送至西方。  
 如肯往者。無不得生也。觀此。則是佛與菩薩。憫念眾生沈  
 淪苦海。無由得出。故自以誓願威力。招誘人生淨土。如舟  
 人招誘行人登舟。送至彼岸也。人唯恐不信耳。若信心肯往  
 。雖有罪惡。亦無不得生。蓋佛不可以凡人比。凡人不為勢  
 利。不與人交。非有益於己。不與人交。此所以為凡人也。  
 賢人君子已不如此。況於佛乎。蓋不慈悲。不足為佛。不濟  
 度眾生。不足為佛。不有大威力。不足為佛。為其慈悲。故

見眾生沉於苦海。而欲濟度。為其有大威力。故能遂濟度之心。成濟度之功。此所以為佛也。經云。大醫王能治一切病。不能治命盡之人。佛能度一切眾生。不能度一切不信之人。以不信比命盡者。可謂極矣。蓋信者一念也。若人在生時。心念要去。身則隨去。心念欲住。身則隨住。是身常隨念。然猶有念欲去。而身被牽繫者。身壞時。唯一念而已。一念到處。則無不到。是以一念在淨土。則必生淨土。況佛與菩薩。又招人往生乎。

淨土總要六

阿彌陀佛有誓願云。已生我國。欲往他方生者。如其所願。永不復墜三惡道。何則。生淨土者。必證無生法忍。且無生

法忍フツニシム者ヲ。乃ハ了ス生死シジツ也ナリ。了ス生死シジツ者ヲ。雖モ入リ生死シジツ界カイ中ニ。此レ一ニ性ニ已シ不レ昧ス矣ナリ。一ニ性ニ既レ不レ昧ス。何レ由テ而シテ爲ス惡ク乎ナリ。論ズ其レ理ニ固シ無ク墜ツ墜ス。況シ又シ仗ツ佛ノ力ヲ故ニ。墜ツ墜ス必ズ無ク。是レ以テ生シ淨ク土ニ者ヲ。非ズ徒ニ長シ生シ不レ老ス。又シ生シ死シ自ラ如シ。故ニ欲シ設ス化ス一ニ切ニ衆ニ生シ。而シテ入リ一ニ切ニ衆ニ生シ死シ界カイ中ニ。而シテ吾レ之レ眞ニ性ニ。常ニ湛ニ然ニ明ニ朗ニ。不レ復シ惑ス於テ外ニ物ニ。不レ復シ牽ス於テ業ニ緣ニ。雖モ在リ輪ニ迴ニ世ニ界ニ。而シテ無ク復シ輪ニ迴ニ。所レ謂フ世ニ出シ世ニ間ニ者ヲ是レ也ナリ。謂フ雖モ在リ世ニ間ニ而シテ出シ世ニ間ニ矣ナリ。是レ故ニ生シ淨ク土ニ而シテ生シ死シ自ラ如シ者ヲ。欲シ生シ天ニ上ニ亦レ可シ。欲シ生シ人ニ間ニ亦レ可シ。欲シ生シ大ニ富ニ貴ニ中ニ亦レ可シ。欲シ生シ清ク淨ク中ニ亦レ可シ。欲シ長シ生シ不レ滅ス亦レ可シ。欲シ滅ス而シテ復シ生シ亦レ可シ。隨フ意ニ所レ欲シ。無ク不レ自ラ在ス。此レ所レ以テ貴シ於テ修シ淨ク土ニ也ナリ。世ニ人ニ不レ知ス此レ理ニ。徒ニ爲ス生シ死シ所レ苦シ。欲シ生シ富ク貴ク中ニ。反シ生シ於テ貧ク賤ク。欲シ生シ快ク樂ク中ニ。反シ生シ於テ愁ク感ク。欲シ生シ而シテ長シ壽シ。

反レ生ル而レ夭ク促シ。欲シ生ル於テ善ク道ニ。反レ生ル於テ惡ク趣ニ。種レ種レ皆レ被レ外ニ物ニ所レ惑ス。  
 業レ緣レ所レ牽ル。不レ得ル自レ在ル。是レ以テ無レ始ル劫ニ來ル。輪レ迴ル六ニ道ニ。不レ得ル出ス。  
 離レ。當レ念ル此レ等ノ憂ク苦ニ。迴レ心シ淨ク土ニ。所レ以テ名レ極ニ樂ニ世ニ界ニ者ニ。其レ意ニ可レ見ル矣ニ。

淨土總要七

無レ為ル楊ニ傑ニ次ニ公ニ。少ク登ル高ニ科ニ。明ニ禪ニ門ニ宗ニ旨ニ。謂フ眾ニ生ニ根ニ有ル利ニ鈍ニ。  
 即チ其レ近ク而レ易ク知ル。簡ク而レ易ク行ル者ニ。唯ニ西ニ方ニ淨ク土ニ。但チ一ニ心ニ觀ル念ル。仗テ佛ノ願ニ力ニ。直チ生ル安ニ養ニ。其レ為ル王ニ敏ニ仲ニ作ル直チ指ル淨ク土ニ決ニ疑ニ序ニ云ク。阿ニ彌ニ陀ニ佛ノ光ニ明ニ。如ク大ニ圓ニ月ニ。遍チ照ル十ニ方ニ。水ニ清ク而レ淨ク。則チ月ニ現ル全ニ體ニ。  
 月ニ非ク趨ル水ニ而レ遽ク來ル。水ニ濁ク而レ動ル。則チ月ニ無ク定ル光ニ。月ニ非ク捨ル水ニ而レ遽ク去ル。  
 在テ水ニ則チ有ル清ク濁ク動ク靜ク。在テ月ニ則チ無ク取ル捨ル去ル來ル。故チ華ニ嚴ニ經ニ載ル。解ス

脫長者子云。知一切佛。猶如影像。自心如水。彼諸如來。不來至此。我若欲見安樂世界阿彌陀如來。隨意即見。是知眾生注念。定見阿彌陀。若生彼土。則無諸苦。般舟三昧經云。跋陀和菩薩問釋迦佛云。未來眾生。云何得見十方諸佛。佛教令念阿彌陀佛。即見十方一切諸佛。又大寶積經云。若他方眾生。聞無量壽如來名號。乃至能發一念淨信。歡喜愛樂。所有善根迴向願生其國者。隨願往生。得不退轉。此皆佛言也。不信佛言。何言可信。不生淨土。何土可生。東坡云。次公晚年。作監司太守按正續藏監作監。常畫丈六阿彌陀佛像。隨行供養觀念。至壽終時。感佛來迎。端坐而化。龍舒增廣淨土文卷第二終

龍舒增廣淨土文卷第三

國學進士王

日休

譔

孟子云。人皆可以為堯舜。荀子云。塗之人可以為禹。常不輕菩薩云。我不敢輕於汝等。汝等皆可作佛。是人人可以為聖賢。人人可以作佛。西方淨土。乃要捷門庭。無人不可以修。故為普勸修持。

普勸修持一

或人問孔子曰。人有遷家而忘其妻者。有諸。孔子曰。又有甚焉。桀紂則忘其身。若以道眼觀之。今人皆忘其身矣。何則。自早晨開目離寢。至夜間就寢閉目。無非塵勞。未嘗暫省吾身。是皆忘其身也。且人之於身。以日言之。莫大於

飢渴。必爲食飲之備。以歲言之。莫大於寒暑。必爲裘葛之備。以終身言之。莫大於死生。而不爲淨土之備。何哉。且若人有百斤之金。猝有大難。不能負挈以行。必捨之而去。若抱金而與之俱死。世必謂之大愚。是皆知此身重於百斤之金也。然平日則區區趨名競利。雖百錢之物。亦不肯棄捨。而不自愛其身。何哉。或責以盜竊。或呵以禽畜。則佛然而怒。有至於終身怨憾而不可解者。有至於毆擊而成獄訟者。彼盜竊禽畜之名。無損於吾身。乃惡之如是。是徒惜吾身之名。而不知惜吾身之實。何哉。

且吾身之實者非他。強名曰。死而實未嘗死者。是也。人徒

見其捨此敗軀而去。乃謂之死。不知捨此則往彼矣。然其所以往之處。豈可不預備哉。故西方之說。誠不可廢。

普勸修持二

人生時。父母妻子。屋宅田園。牛羊車馬。以至臺凳器皿。衣服帶索等物。不問大小。或祖父以傳於己。或自己營造而得。或子孫。或他人。為己緝累而得。色色無非己物。且如窗紙雖微。被人扯破。猶有怒心。一針雖微。被人將去。猶有吝心。倉庫既盈。心猶未足。金帛已多。營猶未止。舉眼動步。無非愛著。一宿在外。已念其家。一僕未歸。已憂其失。種種事務。無非掛懷。一旦大限到來。盡皆拋去。雖我此身。猶是棄物。況身外者乎。靜心思之。恍如一夢。故莊

子云。且有大覺。然後知此其大夢也。古人有言。一日無常  
 到。方知夢裏人。萬般將不去。唯有業隨身。妙哉此言也。  
 予故用此後兩句。添以兩句。而成一偈云。萬般將不去。唯  
 有業隨身。但念阿彌陀。定生極樂國。蓋業者謂善業惡業。  
 此皆將得去者。豈可不以淨土爲業乎。有了明長老。爲眾普  
 說。指此身而言曰。此爲死物。其內潑潑地者爲活物。莫於  
 死物上作活計。宜於活物上作活計。余深愛此語。故常爲人  
 言之。凡貪種種外物以奉其身者。皆是死物上作活計也。世  
 人雖未能免此。當於營生奉身之中。挪頃刻之暇。迴光自照  
 。以留心於淨土。乃活物上作活計也。且如汲汲營生。雖致  
 富如石崇。貴極一品。終有數盡之期。豈若淨土之無盡也。

普勸修持三

人初未嘗死。而死之名。乃自此身體上得之。  
 何則。以神之來而託於此。其形由是而長。故謂之生。以神  
 之去而離於此。其形由是而壞。故謂之死。是神者我也。形  
 者我所舍也。我有去來。故舍有成壞。然則生者非生也。以  
 神之來而形成耳。死者非死也。以神之去而形壞耳。世之人  
 不識其神。徒見其形。乃悅生而惡死。可不為悲乎。  
 且神之來也。何自而來哉。蓋隨業緣而來。神之去也。何自  
 而去哉。蓋隨業緣而去。業緣者何哉。其所作者人間之業。  
 神則隨之而生於人間。所作者天上之業。神則隨之而生於天  
 上。若作阿修羅之業。神則隨之生於阿修羅。若作三惡道之

業。神則隨之。生於三惡道。是輪迴六趣。無有出期。然則神者。自無始以來。投胎易殼。不得久留於一所。所以然者何哉。以吾所造之業。非久而不盡者。故神之舍於業也。業盡則形壞。形壞則神無所舍。又隨吾今世所造之業而往矣。譬如人造屋宇。必居其中。人造飲食。必享其味。故造如是業。必受如是之報。蓋自然之理也。然則吾今世所爲。豈可以不慎哉。欲直脫輪迴。永離苦惱者。無如西方淨土。故不可以不修也。

普勸修持四

此世界中。人生皆如水泡。生滅不常。或一歲二歲。或一二十。幸而至四十五十亦難矣。雖有至七十者。古來猶稀。

人只見眼前老者。不思不待老而去者多矣。

況世間無非是苦。但不思省。故不覺知。不稱意時。固為苦

矣。如或稱意。亦無多時。父母妻兒姻親眷屬。或疾病死亡

。或殺傷離散。或自己大限。忽然而至。

平生罪惡。豈得全無。且以目前言之。起一不正念。說一不

正語。視一不正色。聽一不正聲。為一不正事。無非過惡。

況所食者眾生之肉。所衣者亦殺眾生而得。又況所有過惡。

不止於食肉衣絲。不思則已。思之。誠可畏也。自少至老。

自生至死。積累既多。纏綿堅固。無由解脫。

閉眼之後。不免隨業緣去。杳杳冥冥。知在何處。或墜地獄

。受諸極苦。或為畜生。受人宰殺。或生餓鬼。飢火燒身。

或入修羅。嗔恨所迫。雖有善業。得生天上人間。受盡福報。依舊輪迴。漂流汨沒。無有出期。唯有西方淨土。最為超脫輪迴之捷徑。色身難得。趁康健時。辦此大事。當常作念云。吾曾自無始以來。輪迴六道。不曾知此法門。故不得出離。今日知之。豈可不即時下手。年高者。固當勉力。年少者。亦不可因循。命終徑生極樂世界。迴視死入陰府。見閻王受恐怖者。不可同年而語矣。

普勸修持五

譬如人入大城中。必先覓安下處。按二藏原文覓字見部上，不作爪作不字。卻出幹事。抵暮昏黑。則有投宿之地。先覓安下處者。修淨土之謂也。抵暮昏黑者。大限到來之謂也。有投宿之地者。生蓮華中不落

惡趣之謂也。又如春月遠行。先須備雨具。驟雨忽至。則無  
淋漓狼狽之患。先備雨具者。修淨土之謂也。驟雨忽至者。  
大命將盡之謂也。無淋漓狼狽之患者。不至沉淪惡趣。受諸  
苦惱之謂也。且先覓安下處者。不害其幹事。先備雨具者。  
不害其行遠塗。是修淨土者。皆不妨一切世務。人何爲而不  
修乎。

予一相識。平生多殺魚之罪。晚年得疾。有似中風。予憐其  
罪惡疾苦。乃往見之。勸念阿彌陀佛。堅不肯念。但與予說  
雜話。豈非爲惡業所障。疾病所昏。已不能迴心念善。閉眼  
之後。將奈之何。故修此者。宜急早回首也。

世間晝必有夜。寒必有暑。人所共知。不可隱者。若曰生必

有死。人乃諱之。不肯說出。何太蔽也。蓋不知所謂我者。初不曾死。唯業緣盡而去耳。故不可不修淨土。以求蓮華中生。而受清虛之身。無極之壽。以脫一切生死苦惱也。

普勸修持六

下品下生者。乃臨終時。地獄形相已現。能至心十念南謨阿彌陀佛。則變地獄形相為蓮華。亦生淨土。此佛慈悲至深。威力至大。故能如此。是所謂十念者。乃生前自十聲念阿彌陀佛。非謂身後請人念也。生前自念者。臨命終時。佛與菩薩自來迎接。故必生淨土。身後請人念者。未可知也。經云。身後人爲作功果。七分得一。生前自作者。得千百倍報。人何苦不於生前。每日十聲念佛。必待死而請人念乎。又云

。譬如鐵石雖重按二藏原文鐵作缺。。賴舟船力。可以渡江。一針雖輕。

不賴舟船。江不可渡。蓋謂人有重罪。仗佛力者。可生淨土。

。罪惡雖輕。不仗佛力。亦不得生。又如平生為惡。一日招

安。遂為良民。仗佛力而消罪惡者。亦復如是。又如蟻蟲。

萬死萬生。不能一里。若附人身。千里可至。仗佛力而生淨

土者。亦復如是。切勿疑己有罪惡念佛而不可以往生按二藏原文已作也。疑有誤

暫依香港本改之。待後考證。。但起見佛得道。還度一切冤親之心。則無不生也。

。或云。人平生為惡。殺害眾生。苦虐人民。臨死念佛。亦

得往生。其所殺所苦之眾生。懷冤枉之心。何時而可解乎。

答云。生淨土得道之後。皆度脫一切冤親。豈不勝冤冤相報

。彼此無出期者乎。

普勸修持七

予爲此淨土說。欲勸一切見者聞者。廣大其心。以佛之心爲心。使人人知之。而盡生淨土。當起念云。此法門。人若知之。如己知之。豈不快哉。人若不知。如己不知。豈不痛哉。若止於自修。則是聲聞之徒。名爲小乘。蓋如車乘之小者。僅能自濟而已。此佛所謂斷佛種者也。能廣勸人者。名爲大乘菩薩。蓋如車乘之大者。人我兼濟之謂。此獲無量福報。所以能至佛地也。十方恒河沙數諸佛。皆共讚歎阿彌陀佛功德不可思議。謂不可以心思。不可以言議也。其功德如此。可謂至矣。何所施而不可。故能勸一人修淨土。以此善緣。消釋罪惡可也。增崇福壽可也。莊嚴往生功德亦可也。追

薦亡者亦可也。然必至誠咒願。無不獲其功果。觀房翫傳。  
 可見其略矣。況勸一人以上至五人十人乎。又況使其受勸者  
 。轉以相勸。遞相繼續而不已乎。如是則西方之說。可遍天  
 下。苦海眾生。可盡生淨土矣。勸人善道。名為法施。此淨  
 土法門。為法施之大者。遂超出輪迴。非其他法施之比。故  
 其福報不可窮盡。故大慈菩薩勸修西方偈云。能勸二人修。  
 比自己精進。勸至十餘人。福德已無量。如勸百與千。名為  
 真菩薩。又能過萬數。即是阿彌陀。觀此則知西方之說者。  
 豈可不廣大其心。而使人人共知此道。以積無量福報乎。

普勸修持八

且若人苦飢者。與之一食。苦寒者。與之一衣。已為大惠。

況彼沉淪六道。無有出期。我指示以此法門。使直脫輪迴。受無窮無極之壽樂。其惠豈可窮盡哉。金剛經云。若人以恒河沙等身布施。如是無量百千萬億劫。不如有人聞此經典。信心不逆。其福勝彼。蓋以身布施者。不免受世間福報。有時而盡。若信此經典。則有悟真性之漸。其為福則無時而盡。所以勝於彼也。以予觀之。豈唯信金剛經者如此。若勸人以淨土。其福報亦然。何則。淨土更無輪迴。已不退轉。直至成佛而後已。生於彼者。雖未成佛。乃成佛之階梯。是勸一人修淨土。乃成就一眾生作佛也。凡作佛者。必度無量之眾生。彼所度之眾生。皆由我而始。則其福報。豈不勝於以恒河沙等身布施無量百

千萬億劫乎。

普勸修持九

凡受師友之訓誨。恩地之提挈。交遊之禮遇。悉皆告以淨土而爲之報。以至與一切人。或有一飯一茶之恩。或一言一坐之接。下至僕隸。有事我之勞。凡吾受用處。一切致力者。皆以此告之。使脫離苦海。非唯此耳。凡一切知與不知。識與不識。皆欲以是化之。使共生淨土。又非唯此耳。釋迦佛在世時。有一國難化。佛言。與目連有緣。使往化之。其國人皆從化。人問佛云。與目連有何因緣。佛言。往昔世。目連嘗爲樵人。於山間驚起一群蜂子。目連乃發善言云。我得道後。盡度此蜂子。今此一城人者。乃當時蜂子也。目連發

此善言。故爲有緣。由此觀之。非徒於一切人當勸修淨土。一切飛禽走獸。下至蝸飛蠕動之類。凡有形相可見者。吾因見之。皆當爲念阿彌陀佛數聲。發善願云。願汝等盡生極樂世界。我得道後。盡度汝等。非徒於有形相可見者如是。其形相不可見者。吾亦當作是念。作是言。如此則吾善念甚熟。於一切眾生皆爲有緣。吾上品上生必矣。他時化度。無不樂從者也。

龍舒增廣淨土文卷第三終

龍舒增廣淨土文卷第四

國學進士王 日休 撰

淨土法門。多見於大阿彌陀經。與十六觀經。有淺有深。淺者其功小。而於九品中卑。深者其功大。而於九品中高。然皆脫離輪迴。長生不老。今先列其淺者。次及深者。蓋隨人所修也。

修持法門一

阿彌陀佛四十八願中。有一願云。我作佛時。十方眾生。至心信樂。欲生我國。十聲念我名號。而不生者。我不作佛。是此佛自有誓願度人。唯假人之十念。以表歸依之心。每日早晨。合掌向西頂禮。念南謨阿彌陀佛十聲。復頂禮念大慈菩



見聞皆精進。共生極樂國。見佛了生死。如佛度一切。  
 復頂禮而退。此偈有大威力。能滅一切罪。長一切福。凡頂  
 禮時。燒香作拜尤佳。每日如是。必中品生。如教人念此偈  
 。得大福報。

修持法門三

一一念誦如前。唯念佛時。心想身在淨土。佛前合掌。恭敬  
 念佛。念菩薩時亦如此。念一切菩薩聲聞諸上善人時。則心  
 想身在淨土。其念誦聲。遍於一切菩薩聲聞諸上善人之前。  
 作拜時。亦以想在淨土作拜。念偈時。亦想在淨土佛前合掌  
 恭敬念偈。唯有佛菩薩像時。則不須如此。然須想其像。如  
 佛與菩薩。現身在此。受我禮拜。聽我念誦。專志如此。其

往生品第必高。

大菩薩修行兼修淨土法門四

早晨先面西然香禮拜祝云。弟子某。謹為盡虛空界一切眾生  
 。然香敬禮盡虛空界一切諸佛。一切正法。一切諸大菩薩、  
 緣覺、聲聞聖眾。過去然燈佛。本師釋迦牟尼佛。文殊師利  
 菩薩。普賢菩薩。釋迦佛會下一切菩薩、緣覺、聲聞聖眾。  
 過去世自在王如來。現在西方極樂世界三十六萬億一十一萬  
 九千五百同名同號阿彌陀佛。觀世音菩薩。大勢至菩薩。阿  
 彌陀佛剎中一切菩薩、緣覺、聲聞聖眾。佛號隨意所增。不增亦可。上自諸天。  
 天帝天人。日月星辰。南斗北斗。司中司命。風師雨師。一  
 切主造化靈神。下自地祇。大嶽溟海。群山眾水。一切主造

化靈神。中及人間一切掌禍福靈神。普同敬禮。乞成就一切  
 善願。以濟度無量無邊眾生。先願某見今處世。無一切疾病  
 災難等事。隨意臨命終時。一月預知其期。化佛菩薩來迎。西  
 方境界。盡現空中。遲遲而久。眾人皆見。某即如入禪定。  
 安然化去。遂見阿彌陀佛。證無生法忍。了六神通。不出此  
 間一歲。即來此間。教化眾生。漸漸變此南閻浮提。盡娑婆  
 世界。以至十方無量世界。皆為清淨極樂世界。禮拜。

又祝云

弟子某。謹為盡虛空界一切眾生。敬禮盡虛空界三世諸佛。  
 仰惟如來大慈大悲。憫念眾生。沉淪苦海無有出期。在涅槃  
 者盡出涅槃。救度眾生無窮無已。見在世者勤轉法輪。開覺

群迷無窮無已。其未來者。入萬類中。廣種善根無窮無已。度盡眾生而後已。緣覺聲聞之眾。亦復如是。禮拜。

又祝云

弟子某。謹為盡虛空界。一切善人。念佛說長壽偈七遍。願增延此等善人壽數。廣化眾生。咸超苦海。

我慈諸龍王。天上及世間。以我此慈心。得滅諸毒恚。我以智慧聚。用心殺此毒。味毒無味毒。破滅入地去。

禮拜。佛言。早晨清淨念此七遍。令人長壽。今為盡虛空界一切善人念誦。則功德甚大矣。

又祝云

弟子某。至心敬禮日月光明世尊、火光如來、觀世音菩薩。

乞念某。每日持誦如來菩薩聖號。各一百八遍。仰惟大慈大悲。各以願力。令某早悟真性。增崇福力。無一切疾病災難等事。以上三者。為救度眾生故。禮拜。

又祝云

弟子某。謹為此南閻浮提。無巨無細一切眾生。敬禮諸天。天帝天人。日月星辰。南斗北斗。司中司命。風師雨師。一切主造化靈神。諸地靈祇。大嶽冥海。群山眾水。一切主造化靈神。人間一切掌禍福靈神。普同敬禮。以為此等眾生。謝覆載照臨。生成養育。衛護之恩。某謹為此等眾生。念南謨釋迦牟尼佛一百八遍。以種無上善根。念南謨阿彌陀佛一百八遍。以結無上善緣。願此等眾生。常沐洪恩。歡喜相向。

。不相爭相殺。不相食相陵。修進佛法。脫離苦海。即變此  
南閻浮提。爲極樂世界。禮拜。

又祝云

弟子某。感謝天地覆載。日月星辰照臨。造化生成。神靈衛  
祐。父母產育。君臣庇護。師尊教誨。恩地提挈。及衣食來  
處。及受用處。及使令處。及行住坐處。一切有恩力於己者  
。悉皆感謝。謹爲念南謨釋迦牟尼佛一百八遍。以種無上善  
根。念南謨阿彌陀佛一百八遍。以結無上善緣。一切有情。  
在上者。早證菩提正果。在下者盡生極樂世界。禮拜。修此  
六段畢。然後面西修淨土。

大菩薩修淨土法門五

早晨面西然香禮拜祝云。弟子某。謹為虛空界一切眾生。敬  
 禮西方聖眾。十稱念四聖號。仰惟聖眾大慈大悲。特展威神  
 。一如此等眾生。各各自十稱念。盡拔濟生於極樂世界。乃  
 念四聖號各十聲。禮拜。

又祝云

弟子某。謹為盡虛空界一切眾生。讚阿彌陀佛。懺罪迴向。  
 發願敬禮。仰惟如來大慈大悲。特展威神。一如此等眾生。  
 各各自讚佛懺罪迴向發願敬禮。盡拔濟生於極樂世界。乃念  
 大慈菩薩全偈一遍。在卷首第二段。禮拜。

又祝云

弟子某。謹為盡虛空界一切眾生。敬禮西方極樂世界觀世音  
 菩薩。大勢至菩薩。一切菩薩、聲聞、諸上善人。仰惟大慈  
 大悲。憫念眾生沉淪苦海。無有出期。特展威神遞相勸勉。  
 分身於此震旦國。為卿相群臣。共佐吾君。治教眾生。使不  
 相爭相殺。不相食相陵。變世醇和。共躋仁壽。及於此南閩  
 浮提。盡此娑婆世界。及十方濁惡世界。身為國王大臣百僚  
 庶尹。以次有位之臣。按正續藏次作此。教化眾生。同修佛道。脫離苦海。  
 即變吾國以至十方濁惡世界。皆為清淨極樂世界。禮拜。  
古本云。延祐乙卯。四月十四日命工刊板。至十月初一夜。刊至此板。出舍利一顆。初七  
 日刊至法字上。又出舍利一顆。下元日刊至聖字上。又現舍利一顆。見存板中。留以供養  
 云。伏望觀此文者。睹此靈驗。同生深信堅固之心。請遵熏修。必生淨土。是即龍舒居士  
 所謂自古及今。修持者眾。豈無感應。斯言倍不輕也。  
按香港本作斯言信不誣也

如不食肉。此為大善。如有疾病。不免食三淨肉。即祝云。  
 弟子某。為身在世網。宿業深重之故。腑臟身體怯弱。不免  
 有時食三淨肉。謹為昨日所食之肉之眾生。念誦南謨西方極  
 樂世界三十六萬億一十一萬九千五百同名同號阿彌陀佛七七  
 遍。仰惟如來大慈大悲。特展威神。一如此眾生。自捨身命  
 。以與念誦者。乞為念誦。資薦其身。定拔濟生於極樂世界  
 。某誓願所食之肉。所資氣力。所為善業。願與此等眾生共  
 之。願此等眾生。先生極樂世界。俟某生極樂世界。見佛聞  
 法。證六神通。來此南閻浮提化度眾生之時。此等眾生。皆  
 隨逐而來。共化眾生。同升佛道。禮拜。  
 如不食肉。則為平生所衣之衣。為絲為綿之蠶。及與已交加

之綿帛。所爲之蠶。念誦如前。

又祝云

弟子某。謹爲此南閻浮提。今日所殺所食之眾生。念誦南無西方極樂世界三十六萬億一十一萬九千五百同名同號阿彌陀佛聖號。一百二十遍。仰惟如來。大慈大悲。以某念誦如來名號。一聲一如來度一眾生。盡其念誦之數。亦復如是。盡度生於極樂世界。禮拜。

修持法門六

（釋迦佛親以此聖號教二老人。無可疑者。若人至心持念。及誦往生真言。解冤延壽。得大福報。證無生忍。居不退地。豈不偉歎。呂元益謹勸。）  
釋迦佛在世時。有翁婆二人。用穀一斗記數。念阿彌陀佛。

願生西方。佛云。我別有方法。令汝念佛一聲。得多穀之數。乃教以念南謨西方極樂世界三十六萬億一十一萬九千五百同名同號阿彌陀佛。出寶王論。嘗以私穀校之。一合千八百粒。此數乃二千石之數。佛自以此教二老人。則其功德甚大可知矣。若愚人不能念者。且單念亦可。教人全念。得大福報。或兼持誦小阿彌陀經。或大阿彌陀經。或其他佛經。隨數多少。迴向願生西方皆可。

**拔一切業障根本往生淨土真言**

按此真言即往生咒。

南謨阿彌多婆夜。拖茄多。夜掇逮。夜多阿彌里。都婆毗。阿彌里掇。悉耽婆毗。阿彌里掇。毗加蘭帝。阿彌里掇。毗加蘭掇。加彌膩。茄茄那。止多加戾。娑婆訶。

眞言字。本非佛國字。乃譯經者所用。人多以其字難識而不讀。佛初說時。止有聲音。今存其聲音。用易識之字代之。不失佛之本意。更不須疑。又世間點句多差。今用藏經兩處點句一同。亦不須疑。誦此咒者。阿彌陀佛常住其頂。不令冤家爲害。現世安穩。命終任意往生。若滿二十萬遍。即菩提芽生。三十萬遍。非久面見阿彌陀佛。晉時遠法師誦此咒。有神人從西持一白銀臺來云。法師壽終。當乘此往生阿彌陀佛國。眾人聞空中如奏音樂。異香數日不歇。

修持法門七

佛問阿難云。汝欲見地獄人否。阿難云。欲見。佛云。身行惡。口言惡。意念惡。此地獄人也。蓋謂人生善惡。不過身

口意三業。今三業俱惡。是為純黑業。所以入地獄。若三業  
 俱善。則為純白業。乃生天堂。若三業中。有一業善。則為  
 雜業。亦不入地獄。故身意雖惡。而口念佛名。亦一業善。  
 遠勝於三業俱惡。況口念佛時。又能心想佛像。則意業善。  
 端正其身。而手提數珠。則身業善。常能善此三業。以修淨  
 土。必上品生。予嘗於鎮江。聞賣蝦者。叫蝦一聲。而知其  
 三業俱惡。何則。身荷蝦擔。則身業惡。意欲賣蝦。則意業  
 惡。口叫賣蝦。則口業惡。是知叫蝦一聲。而三業俱惡。此  
 佛所謂地獄人也。以此觀之。則目前所謂地獄人者多矣。可  
 不畏哉。眾生以愚癡。不知因果。陷於罪惡。深可憐憫。知  
 其說者。為開導化諭。此名法施。法施為布施之大者。其為

福報。豈易量耶。或曰。人誦佛名。一向稱誦。正如呼一人。一向呼之。其人必怒。故一向誦佛名者。未足爲善也。是不然。眾生自無始以來。口業過惡。積如山海。多誦佛名。以滌蕩之。猶懼不足。豈可以稱呼常人之名爲比也。況諸佛自開此念誦法門。所以誘掖眾生。善其口業。以漸善其身意。故謂一向誦佛名未足爲善者。世俗之言。非諸佛誘掖眾生之言。無足取焉。

修持法門八

全持齋戒。又禮佛念佛。讀誦大乘經典。解第一義。以此迴向。願生西方。必上品上生。所謂齋者何哉。不食肉。不飲酒。不婬欲。不食五辛。所謂戒者何哉。殺生。偷盜。邪婬。

。是為身三業。妄言。綺語。兩舌。惡口。是為口四業。貪  
 欲。嗔恨。邪見。是為意三業。總為十戒。能持而不犯。是  
 為十善。若犯而不持。是為十惡。全持十戒。乃生天上。持  
 前四戒。加以不飲酒。是為五戒。能持此五戒。常不失人身  
 。若修淨土者。不在此限也。若全持十戒。加以如上文所言  
 。功德固上品上生矣。若止持五戒。而修淨土。亦不失中品  
 上生。或上品下生也。若又不能持五戒。豈可以不戒殺生乎  
 。殺生為五戒之首。亦為十戒之首。亦為比丘二百五十戒之  
 首。是不殺則為大善。殺則為大惡。故曰。  
 凡欲殺生者。但將自己看。自身不可殺。物命無兩般。  
 所以不殺得長壽報。殺則短命報。蓋謂己欲其命長。物亦欲

其命長。乃殺物命而欲己之命長。烏有是理。故殺生不可不戒也。凡殺生以資口腹。則口腹之欲何厭。放箸之後。滋味已空。而殺業俱在。若殺生以待賓。賓則以平日不殺。人亦無可言者。況其罪已自當之。經云。來而獨自來。去而獨自去。輪迴獨自行。果報獨自受。觀此。則豈可爲人而殺生也。若殺生以祭先祖。豈無素食清羞。孔子曰。雖蔬食菜羹瓜祭。必齋如也。如是何有不可哉。若然香誦經。仗佛力以爲薦拔。必遂超生。故皆不在殺生也。若止能持此不殺之一戒。以修淨土。已不在下品生矣。

修持法門九

齋戒潔己。清心靜慮。面西安坐。閉目默然。觀想阿彌陀佛

真金色身。在西方七寶池中。大蓮華上坐。其身長丈六。兩眉  
 中間。向上有白毫一條。八稜中空。右旋轉五遭。按此續藏遺作匝。光明照  
 曜。金色面與金色身。次停心注想於白毫。更不得妄有分毫他  
 念。當令閉眼開眼。悉皆見之。蓋欲念念不忘也。如此久久  
 念心成熟。自然感應見佛全身。此法最爲上。謂心想佛時。  
 此心即是佛。又過於口念也。身後必上品上生。唐啓芳、圓  
 果二人作觀想法。只五月。自覺身到淨土。見佛聞法。載在  
 第五卷。所謂十六觀經者。詳說諸觀想法。又不止此而已。

修持法門十

想阿彌陀佛身。極高徹天。所坐蓮華亦相稱。及注想眉間白  
 毫。一一一如前篇所言之法。此法最爲上。以心想佛時。此心

即是佛。其想極大。則其善念極大故也。若未能如此。且想小像亦可。唯要專精。不得散亂。據觀經云。觀想阿彌陀佛身相光明。如百千萬億閻浮檀金色。佛身高六十萬億那由他恒河沙由旬。眉間白毫。如五須彌山。佛眼如四大海水。青白分明。以無緣慈攝取眾生。閻浮檀金色者。極大極美之金也。那由他者。萬億也。由旬者。六十里也。按中華藏原文六十里作十六里。疑有誤。查三藏法數由旬三量。大者八十里。中者六十里。小者四十里。此處依正續藏改之。據此所說。豈可窮盡。只一恒河沙由旬。其大已不可言矣。況六十萬億之萬億恒河沙由旬乎。

修持法門十一

兼觀想觀世音菩薩。身長八十萬億那由他由旬。身紫金色。手掌作五百億雜蓮華色。有八萬四千光。其光柔軟。以此寶

手。接引眾生。次觀想大勢至菩薩。身長八十萬億那由他由  
 旬。舉身光明。作紫金色。有緣眾生。皆悉得見。次想自身  
 生於西方極樂世界。於蓮華中。結加趺坐。作蓮華合想、開  
 想。見佛菩薩滿虛空中。

修持法門十二

發救度眾生心。發至誠心。發堅固心。發深心。加以禮拜念  
 佛。如此則現世蒙佛加祐。身後必上品上生。救度眾生心者  
 。願生淨土見佛得道後。救度苦海眾生。非獨度其身也。至  
 誠心者。至誠歸向無苟且也。堅固心者。堅固修進。更不退  
 轉也。深心者。用心深至直透淨土。如探海底珠也。三世諸  
 佛。與法界眾生。皆由心造。吾心如是。焉得不上品上生。

修持法門十三

齋僧供佛。燒香獻花。懸幡建塔。念佛禮懺。種種三寶上崇  
 奉。以此功德。迴向願生西方亦可。  
 或為世間種種利益方便善事。若為子而孝養父母。為兄而友  
 愛昆弟。為弟而欽順其兄。閨門之內。無不盡善。宗族之間  
 。無不和睦。鄉黨鄰里姻親。相接以禮。相與以恩。以至事  
 君則赤心為國。為官則仁慈利民。為長則善以安眾。為下則  
 勤以事上。或教導愚迷。或扶助孤弱。或濟急難。或惠貧窮  
 。或修橋砌井。或施藥散食。或減己奉養以利他人。或臨財  
 饒人以自節約。或教人為善。或讚善止惡。隨力隨所作。世  
 間一切善事。以此迴向願生西方亦可。

或為世間一切利益。不拘大小。不拘多少。若止以一錢與人。或以一杯水與人。下至如毫芒之善。亦必起念云。以此善緣迴向願生西方。常使一念不斷。念念在彼。必上品生。

修持法門十四

佛言。欲生淨土。當修三福。一者孝養父母。奉事師長。慈心不殺。修十善業。二者受持三歸。具足眾戒。不犯威儀。三者發菩提心。深信因果。讀誦大乘。勸進行者。此三世諸佛淨業正因。三歸。謂歸依佛、法、僧也。

修持法門十五

予遍覽藏經。都無陰府寄庫之說。按二藏原文都作即。疑有誤。暫依香港本改之。待後考證。奉勸世人以寄庫所費。請僧為西方之供。一心西方。則必得往生。若不

爲此。而爲陰府寄庫。則是志在陰府。死必入陰府矣。譬如有人。不爲君子之行。以交結賢人君子。乃寄錢於司理院獄子處。待其下獄。則用錢免罪。豈不謬哉。

### 食肉說

楞伽經云。有無量因緣不當食肉。眾生肉本非所食之物。以耳聞目見慣熟。不知其非。如能斷去。固爲上也。如不能斷。且食三淨肉而減省。所謂不見殺。不聞殺。按中華藏聞作問，此依卍續藏改之。不疑爲己殺。是也。如食兼味。且去其一。如兩餐皆肉。按二藏原文餐字作左側兩點右一食字且一餐以素。人生祿料有數。若此自可延壽。次日可爲此眾生念誦資薦。庶可釋冤滅罪。據閻羅王告鄭鄰之言。則至誠爲念彼佛。必得往生。

觀音坐相說

按藏經。諸佛菩薩。手足六根。皆常端正。故云八端。觀世音菩薩。本結跏趺坐。其神通變化自在。故云觀自在。今人作翹足搭手坐。謂自在觀音者。訛也。按訛者。錯誤之義。

龍舒增廣淨土文卷第四終

龍舒增廣淨土文卷第五

國學進士王 日休 撰

東晉遠法師。倡首修淨土。本朝王敏仲侍郎。及近年錢塘陸居士。編集感應事跡。凡二百餘傳。皆鏤板流傳。今不及盡載。略取其齋戒修者。及中人修者。及罪惡人修者。及疾苦中修者。共三十傳。所以發人之信心也。

東晉遠法師

僧慧遠。鴈門人。居廬山。與劉遺民等僧俗百二十三人。結為蓮社。以修淨土。謂他日託生蓮華中也。遠澄心觀想。初十一年三睹聖相。而遠沉厚不言。後十九年七月晦夕。遠面見阿彌陀佛。身滿虛空。圓光之中。有諸化佛。觀音、勢至

侍立左右。又見水流光明。分十四支。一一支水。流注上下。自能演說苦空無常無我妙法。如十六觀經所說。佛告遠曰。我以本願力故。來安慰汝。後七日當生我國。見僧佛馱耶舍。及慧持。及曇順。在佛之側。向前揖遠曰。法師之志在吾先。何來之遲也。遠目見分明。乃與其徒言之。且曰。始吾居此十一年。幸於淨土三睹聖相。今復見之。吾生淨土決矣。次日寢疾。至七日卒。遠少年博覽經史。尤通莊老。因往太行山。聽道安法師講般若經。豁然開悟。乃曰。九流異議。皆糠粕耳。因削髮事之。後至廬山。凡三十年不出。卒年八十二。

東晉劉遺民

程之。字仲思。號遺民。依遠公共修淨土。專坐禪作觀想法。方半歲。即於定中。見佛光照曜。又地皆金色。居山十五年。末年又於想念佛中。見阿彌陀佛。身紫金色。毫光散照。垂手下接。以臨其室。程之慰幸。悲泣自陳曰。安得如來為我摩頂。以衣覆我。佛乃為摩其頂。引袈裟以覆之。他日想念佛。又見身入七寶大池。蓮華青白相間。其水湛湛。如無邊岸。中有一人。頂有圓光。按二藏原文頂作項。此處暫依香港本改之。待後考證。胸有卍字。按卍續藏卍作萬。

中華藏卍字顛倒成鏡影字。疑有誤。此處暫依香港本改之。待後考證。

指池水曰。八功德水。汝可飲之。程之飲水。甘美盈口。乃還。猶覺異香發於毛孔。乃曰。此吾淨土之緣至矣。廬阜諸僧皆來會。程之對佛像焚香再拜。祝曰

我以釋迦遺教。故知有阿彌陀佛。此香當先供養釋迦如來。又供養阿彌陀佛。後供養法華會中佛菩薩眾。以至十方佛菩薩眾。願令一切有情俱生淨土。祝畢。與眾話別。面西端坐。斂手氣絕。年五十九。

東晉闕公則

公則。遠公白蓮社中人。己亡。友人於東京白馬寺。為作忌日。林木殿宇皆金色。空中有聲云。我是闕公則。所祈往生極樂寶國。今已達矣。故來相報。言訖不現。

晉翰林學士張抗

抗。平生積善。信重佛門。誓課大悲心陀羅尼十萬遍。願生西方。課畢。年過六十。忽寢疾。唯念阿彌陀佛。謂家人云

。西方淨土。元只在堂屋西間之內。阿彌陀佛坐蓮華上。翁  
兒在蓮華池金沙地上。禮佛嬉戲。言訖。良久念佛而亡。翁  
兒乃孫子名。方三二歲而亡矣。

宋江陵僧曇鑒

曇鑒。履行尤謹。常願身升安養。面見阿彌陀佛。安養即淨  
土也。故雖毫芒之善。悉迴向之。一日。定中見阿彌陀佛。  
以水灑其面曰。滌汝塵垢。清汝心念。汝之身口。俱致嚴淨  
。又於瓶中出一蓮華與之。出定。乃與寺僧敘別。夜漸深。  
獨步廊下。念阿彌陀佛。將至五更。其聲彌厲。及旦。弟子  
依常問訊。趺坐不動。就而視之。亡矣。

南齊楊都僧慧進

慧進。年四十餘。願誦法華。執卷病生。乃發願造百部。以  
 懺業障。化錢造畢。病亦隨愈。願以造經功德。迴向淨土。  
 忽空中有聲云。汝事已辦。願亦已遂。其生淨土。非汝而誰  
 。進聞之曰。進不敢以冀上品。但下品之下。亦無退轉矣。  
 永明三年。按二藏原文永明作齊明。查南齊武帝年號永明。齊明疑有誤。暫依香港本改之。待後考證。年八十。無病而卒。

後魏壁谷僧曇鸞

曇鸞。初自陶隱居得仙經十卷。鸞欣然自得。以為神仙必可  
 致也。後遇僧菩提留支。問曰。佛道有長生乎。能卻老為不  
 死乎。支云。長生不死。吾佛道也。遂以十六觀經與之。云  
 。汝可誦此。則三界無復生。六道無復往。盈虛消息。禍福

成敗。無得而至。其爲壽也。有劫石焉。有河沙焉。沙石之數有限。壽量之數無窮。此吾金仙氏之長生也。鸞深信之。遂焚仙經。而專修觀經。雖寒暑之變。疾病之來。亦不懈怠。魏主憐其志尚。又嘉其自行化他。流傳甚廣。號爲神鸞。一日告弟子云。地獄諸苦。不可以不懼。九品淨業。不可以不修。因令弟子高聲念阿彌陀佛。鸞西向閉目。叩頭而亡。是時僧俗同聞管絃絲竹之聲。從西而來。良久乃止。

隋開覺寺僧道喻

道喻。念阿彌陀佛。造旃檀像長三寸。後忽死。七日卻甦。云見阿彌陀佛云。汝造我像何太小。對曰。心大即大。心小即小。言訖。其像遍於虛空。又云。汝且回本國。香湯沐浴

。明星出時。我來迎汝。至時。果見化佛來迎。光明照室。眾皆聞見。乃亡。時開皇八年。按開皇八年係隋文帝時代。合西元五八八年。

唐京師僧善導

善導。貞觀中。按中華藏貞觀作真觀。此處依正續藏改之。見西河綽禪師淨土九品道場。於

是篤精勤苦。若救頭然。每入佛堂。合掌胡跪。一心念佛。

非力竭不休。雖寒冰亦須流汗。以表至誠。出即為眾說淨土

法門。無暫時不為利益。三十餘年。不暫睡眠。般舟行道。

禮佛方等。專為己任。護戒持品。按正續藏作護持戒品。纖毫不犯。未嘗舉

目視女人。絕意名利。遠諸戲笑。所行之處。淨身供養。飲

食衣服有餘。並以迴施。好食送大廚供眾。麤惡自食。乳酪

醍醐。皆不飲噉。諸有嚙施。按二藏原文嚙字作貝部不作口部。用寫阿彌陀經十萬餘

卷。畫淨土變相三百餘壁。見壞寺及塔。皆悉修營。然燈續  
 明。每歲不絕。三衣瓶鉢。按二藏原文鉢字作金部不作缶部。不使人持洗。始終無改  
 。不與眾同行。恐談世事。妨修行業。展轉授淨土法門者。  
 不可勝數。或問導云。念佛之善。生淨土否。答云。如汝所  
 念。遂汝所願。於是導自念阿彌陀佛一聲。則有一道光  
 明從其口出。十聲以至百聲。光明亦如此。其勸化偈云。  
 漸漸雞皮鶴髮。看看行步躑躅。  
 假饒金玉滿堂。難免衰殘老病。  
 任是千般快樂。無常終是到來。  
 唯有徑路修行。但念阿彌陀佛。  
 後謂人曰。此身可厭。吾將西歸。乃登寺前柳樹。投身自絕

高宗見其念佛。口出光明。又捨身時。精至如此。賜寺額為光明。本朝慈雲式懺主略傳云。阿彌陀佛化身。至長安聞澆水聲。乃曰。可教念佛。三年後。滿長安城中念佛。後有法照大師。即善導後身也。

唐台州僧懷玉

懷玉。注想淨業。近四十年。天寶元年。玉念佛間。忽見西方聖眾。數若恒沙。中有一人。手擎銀臺前以示玉。玉曰。如玉者。本望金臺。何為銀臺耶。臺乃隱。人亦隱。於是彌加精苦。至三七日。向之擎臺者復來告云。法師以精苦故。得升上品。又云。上品往生。必先見佛。可趺坐以俟佛來。未旋踵間。異光照室。又三日。異光再發。玉曰。若聞異香

。我報身即盡。次日書偈云。

清淨皎潔無塵垢。蓮華化生為父母。

我經十劫修道來。出示閻浮厭眾苦。

一生苦行超十劫。永離娑婆歸淨土。

偈畢。香氣四來。弟子有見佛與二菩薩。共乘金臺。臺傍千

百化佛。自西而下迎玉。玉恭敬合掌。含笑長歸。

唐汾州僧啓芳圓果

啓芳、圓果二法師。精心觀想淨土。後五月。於觀想中。同

覺身臨七寶大池。池間有大寶帳。身入其中。見觀音勢至坐

二大寶蓮華。下有蓮華彌滿千萬。阿彌陀佛從西來。坐一最

大蓮華。迭出光明相照。芳等禮佛問云。閻浮眾生。依經教

念佛。得生此否。佛云。如念我名。皆生我國。無有一人念而不生者。又見其國地平如掌。寶幢珠網。上下間錯。又有一僧乘寶車逐遠而來。謂芳等云。吾法藏也。以宿願因。故來迎汝。芳等乘車前往。又覺其身坐寶蓮華。又聞釋迦佛與文殊菩薩稱讚淨土。其前又有大殿。殿有三道寶階。第一道純是白衣。第二道僧俗相半。第三道唯僧無俗。佛指之謂芳等云。此皆南閻浮提念佛眾生。遂生於此。汝宜自勉。芳果既寤。歷與其徒言之。後五月。二人無病遽聞鍾聲按樂器鍾通鐘。。他人不聞。芳果云。鍾聲乃我事。頃刻二人同終。

唐真州僧自覺

自覺發願。願因大悲觀音。接見阿彌陀佛。於是化錢鑄大悲

像四十九尺。造寺居之。既成祝願。其夜三更。忽有金色祥光二道。阿彌陀佛自光中乘雲而下。觀音、勢至。左右隨之。佛垂金臂。按覺首曰。守願勿悛。利物為先。寶池生處。孰不如願。後十一年七月望夕。見一人雲間現半身。若毗沙門天王。俯謂覺曰。安養之期。於斯至矣。乃於大悲前跏趺化去。

唐睦州僧少康

少康。貞元初。至洛下白馬寺。見殿中文字。累放光明。探取之。乃善導西方化導文也。康曰。若於淨土有緣。當使此文。再發光明。言未已。光乃閃爍。遂至長安善導影堂。大陳薦獻。善導於空中曰。汝依吾事。利樂有情。則汝之功。

同生安養。又逢一僧謂曰。汝欲化人。當往新定。言訖而隱。  
 新定今嚴州也。至彼。人尚無識者。康乃乞錢。誘小兒與  
 之約曰。阿彌陀佛是汝本師。能念一聲。與汝一錢。小兒務  
 得其錢。隨聲念之。後月餘。小兒念佛求錢者眾。康乃云。  
 念佛十聲。乃與爾錢。小兒從之。如此一年。無長少貴賤。  
 凡見康者。則稱阿彌陀佛。以故念佛之人。盈於道路。後康  
 於烏龍山建淨土道場。築壇三級。聚人午夜行道。康升坐。  
 令人面西。康先倡阿彌陀佛。次眾人和之。康倡時。眾見一  
 佛。從其口出。連倡十聲。則有十佛。若聯珠狀。康云。汝  
 見佛否。如見佛者。決生淨土。其禮佛人數千。亦有竟不見者。  
 後囑眾人。當於安養。起增進心。於閻浮提。生厭離心。

又云。汝等此時能見光明。真我弟子。遂放異光數道而亡。

唐并州僧惟岸

惟岸。專修十六觀。因出見觀音、勢至二菩薩。現於空中。遲久不滅。岸頂禮雨淚而歎曰。幸由肉眼。得見聖容。所恨後世無傳。忽有二人。自稱畫工。未展臂間。聖相克就。已而人亦不見。弟子怪而問之。岸曰。此豈畫工哉。又曰。吾之西行。乃其時也。弟子有從我者。當明言之。小童子云。從師而往。岸曰。必能從我。可歸告父母。父母聞而笑罵之。子乃歸寺。香湯沐浴。於阿彌陀佛像前。趺坐而往。人或告岸。岸撫其背曰。汝事吾者。何乃先去。遂索筆焚香。向所畫菩薩前作偈云。

觀音助遠接。勢至輔遙迎。寶瓶冠上顯。化佛頂前明。  
 俱遊十方刹。持華候九生。願以慈悲手。提獎共西行。  
 遂令弟子助聲念佛。仰目西顧而亡。

唐長安尼淨真

淨真。住長安積善寺。衲衣乞食。一生無瞋。誦金剛經十萬遍。專精念佛。顯慶五年染疾。告弟子云。五月內十度見阿彌陀佛。兩度見極樂世界。寶蓮華上童子遊戲。吾得上品往生。言訖。跏趺而去。光照其寺。

唐房翥

翥暴死。至陰府見閻羅王。王曰據案簿。君曾勸一老人念佛。已生淨土。君承此福。亦合生淨土。故召來相見。翥曰。

先許金剛經萬卷。巡禮五臺。未欲往生。王曰。誦經巡禮。固為好事。不如早生淨土。王知志不可奪。乃放還。以此知勸人修者。非徒往生。又感動幽冥也。

唐長安李知遙

知遙。善淨土教。五會念佛。為眾師範。後因疾。忽云。念佛和尚來也。洗嗽著衣。按二藏原文嗽字左側。從水部不從口部。索香爐。出堂頂禮。乃聞空中說偈云。

報汝李知遙。功成果自招。引君生淨土。將爾上金橋。卻就床坐而化去。眾聞異香。

唐上黨姚婆

姚婆。因范行婆勸念阿彌陀佛。臨終見佛菩薩來迎。告佛言

未與范行婆相別。請佛暫住少時。佛住空中。候范婆至。姚婆立化。

唐并州溫靜文妻

靜文妻。久患在床。靜文勸以念阿彌陀佛。乃念佛二年不絕。遂見淨土。乃告靜文言。我見佛了。後月定去。又以食獻父母云。今得隨聖往生。願父母及夫專念佛。來西方相見。言訖而終。前三日。見蓮華大如日輪。

唐張鍾馗

鍾馗。殺雞為業。忽見一人著緋。驅群雞來叫云。啄啄。四畔上啄。兩目血流。受大痛苦。有僧為鋪佛像。燒香念阿彌陀佛。兼令鍾馗一心專念。忽香氣滿室。安然而終。

唐張善和

善和。殺牛爲業。臨終見牛數頭。作人言云。汝殺我。善和  
大恐。告妻云。急請僧來救我。僧至云。十六觀經說。若人  
臨終。地獄相現。至心十稱南謨阿彌陀佛。即得往生淨土。  
善和云。便入地獄也。不暇取香爐。即以左手擎火。右手拈  
香。面西專切念佛。未滿十聲。乃云我見阿彌陀佛從西來。  
與我寶坐。言訖而終。

石晉鳳翔僧志通

志通。見智者大師淨土儀式。不勝欣抃。不向西唾。不背西  
坐。專心修進。後見白鶴孔雀。成行列西下。又見蓮華光相  
。開合于前。通云。白鶴孔雀。淨土境也。蓮華光相。託生

處也。淨土現矣。乃起禮佛。對佛而終。火化時。五色祥雲環覆火上。

國初永明壽禪師

禪師名延壽。本丹陽人。後遷餘杭。少誦法華。初為縣衙校。多折官錢。勘之。止是買放生。罪當死。引赴市曹。錢王使人探之。若顏色變即斬之。不變來奏。臨斬顏色不變。乃貸命。遂為僧。於禪觀中。見觀音以甘露灌其口。乃獲觀音辯才。下筆盈卷。著萬善同歸集、宗鏡錄等。共數百卷。住持雪竇永明。日課一百八事。精進以修西方。既坐化。焚畢為一塔。有僧每日遶塔禮拜。人問其故。僧云。我撫州僧也。因病至陰府。命未盡放還。見殿角有僧畫像一軸。閻羅

王自來頂拜。我問此僧何人。主吏云。此杭州永明寺壽禪師也。凡人死者。皆經此處。唯此一人。不經此處。已於西方極樂世界。上品上生。王敬其人。故畫於此供養。我聞之。故特發心來此。遶塔作拜。以此見精修西方者。為陰府所重。

宋明州僧可久

可久。常誦法華經。故號久法華。平生修淨土業。元祐八年。按元祐八年係北宋哲宗年號合西元一〇九三年。年八十一。坐化。三日卻還。說淨土事與十六

觀經所說一同。見蓮華臺皆標合生者姓名。一紫金臺標云。大宋成都府廣教院熏法華。已生其中。又一金臺標云。明州孫十二郎。合生其中。又一金臺標云。久法華臺。又一銀臺標云。明州徐道姑臺。語訖。復化去。五年徐道姑亡。異香

滿室。又十二年。孫十二郎亡。天樂盈空。

宋會稽金大公

大公名爽。網魚為業。一日改業。持阿彌陀佛日萬聲。蔬素修行。不曾暫輟。後無疾告家人云。我見阿彌陀佛與觀音勢至在門前。我今歸淨土也。次日又云。我已見金蓮華來迎我矣。索香爐安坐捏印而化。鄉村遠近聞音樂。異香終日不散。時政和六年。按政和六年係北宋徽宗年號合西元一一一六年。

宋潭州黃打鐵

黃打鐵。本軍中人。打鐵為生。每打鐵時。念阿彌陀佛不絕聲。一日無疾。託鄰人寫頌印行。廣勸人念佛。頌云。日夜玎玎璫璫。久鍊成剛。太平將近。我往西方。

即化去。此頌廣行湖南。人多念佛。

宋臨安府仁和吳瓊

吳瓊。先為僧。後還俗。前後兩娶。生二子。屠沽無所不為。常與人作廚子。每殺雞鴨等物命。以手持起叫云。阿彌陀佛子。好脫此身去。遂殺之。連稱佛數聲。每切肉時。一面切肉。一面念阿彌陀佛。常念佛不輟。教材中人念經修懺。及勸人念阿彌陀佛。後眼上生瘤。如雞子大。乃憂怖。造一草庵。分散其妻子。晝夜念佛修懺。紹興二十三年秋。告村中人云。瓊來日戌時去也。人皆笑之。將用碗鉢鍋子盡與。來與瓊高聲念佛相助。將布衫當酒飲了。即寫頌云。

按二藏原文碗字左側從木部不從石。

為晚。

次日晚。

報諸道友行婆云。

瓊去時將至。盡

似酒皆空。問甚禪宗。今日珍重。明日清風。  
端坐合掌念佛。叫一聲佛來。即化去。

宋荆王夫人

元祐間荆王夫人。與婢妾精修西方。唯一妾懈怠。夫人斥去。  
其妾悔悟精進。久之謂他妾云。吾今夜當生西方。是夜異  
香滿室。無疾而終。明日。同事之妾告夫人云。昨夜夢化去  
之妾。託致起居云。夫人訓責我修西方。今已獲往生。感德  
無量。夫人云。使我亦夢。乃可信耳。其夜夫人夢見亡妾。  
敘謝如前。夫人云。西方可到否。妾云。可到。但從妾行。  
夫人隨之。見池塘廣大。紅白蓮華大小相間。或榮或悴。種  
種不同。夫人問云。何以如此。妾云。此皆世間發念修西方

人也。纔發一念。池內便生蓮華一朵。若願心精進。則華日  
 日敷榮。以至大如車輪。若願心退轉。則華日日萎悴。以至  
 殞滅。次見一人坐蓮華上。其衣飄揚散去。寶冠瓔珞莊嚴其  
 身。夫人問云。何人也。妾云。楊傑也。又見一人坐於華上  
 。妾云。此馬珩也。夫人云。我當生何處。妾引行數里許。  
 遙望見一金壇。金碧照曜。妾云。此夫人化生處。乃上品上  
 生也。夫人既覺。訪問楊馬所在。則傑已亡。而珩無恙。是  
 知精進不退者。雖身在娑婆之內。其神識已在淨土矣。後夫  
 人於生日。秉爐焚香。望觀音閣而立。按中華藏閣字不明，此依正續藏補之。子孫方具  
 獻壽之儀。已立化矣。

宋觀音縣君按縣君係古時婦人封號

縣君姓吳氏。其夫都官員外郎呂宏。亦悟佛理。夫婦各齋戒清修。吳氏有二侍女。亦絕葷血。勤力助為勝業。其一頗好禪理。既病猶怡然笑話而逝。如委蛻然。其一奉戒刻苦。或終月不食。但日飲吳氏所咒觀音淨水一盞而已。忽見金蓮捧足者三。又數日見其膝。又數日見其身。又數日見其面目。其中乃阿彌陀佛。左右則觀音勢至也。又悉見其堂殿國界。皎如指掌。曉然知其為淨土。問其詳。則云。彼皆清淨男子。經行遊樂。無女人也。又問彼佛如何說法。云。我得天眼。未得天耳。故但見問答指顧。而不能聞所說也。如是者三年。未嘗一瞬不在目前。忽感疾。自言往生。乃終。吳氏事

觀音有靈感。每於淨室列置瓶缶數十。以水注滿。手持楊枝  
誦咒。必見觀音放光入瓶缶中。病苦者飲水輒愈。所咒水積  
歲不壞。大寒不凍。世號觀音縣君。

宋馮氏夫人

夫人名法信。贈少師許珣之女。適承宣使陳思恭。少多疾。  
及嫁。疾尤甚。醫者以爲不可療。往見慈受深禪師。問愈疾  
之方。深教以持齋誦佛。夫人盡去葷血及裝飾之奉。衣掃塔  
服。專以西方爲念。行亦西方也。坐亦西方也。起居食息亦  
西方也。語默動靜亦西方也。酌水獻華亦西方也。誦經行道  
亦西方也。剎那之念秋毫之善。一以爲西方之津梁。十年間  
無惰容。心安體健神氣昌盛。人皆尊尚之。一日忽書偈云。

隨緣任業許多年。枉作老牛為耕田。

打疊身心早歸去。免教鼻孔受人穿。

族黨怪之。夫人云。行即西歸。何怪之有。乃臥疾。微有喘

息。忽矍然而起云。吾神遊淨土。面禮阿彌陀佛。觀音左顧

勢至右盼。按二藏原文盼作盼，查康熙字典此二字音義迥別，盼讀作係，恨視貌，今人與盼混用者非，此依香港本改之。百千萬億清淨佛子。

稽首慶我來生其國。若宮殿林沼。光明神麗。與華嚴經及十

六觀經所說一同。按中華藏說字不明此依正續藏補之。明日安然化去。家人聞妙香芬馥

不類人間。及三日荼毘。舉屍如生。

龍舒增廣淨土文卷第五終

龍舒增廣淨土文卷第六

國學進士王 日休 撰

修淨土者。宜隨其所而為善。以資修進之功。故此卷名特為  
勸諭。若不識字人。全賴慈仁君子。發菩薩心。為彼解說。  
此布施之大者。先後之序。乃自近及遠。或自急及緩。不拘  
其人高卑。

勸士人

士人或有未深讀書。遂登高科者。有深讀書。終身尚不預薦  
者。豈非前世所種不同。故其報不同乎。雖然。使少年登科  
。涉華要。功業濟一時。福報亦有時而盡。奉勸後生者。勤  
於學問。篤於孝友。遠念吾曾高以來。誰其存者。亦留心此

道。日月長而積累之功多。久則自有可樂。及年高者。當念  
 已往之事。皆如夢幻。日復一日。其誰免者。豈可不急留心  
 此道也。不問老少。若能轉以化人。使更相勸化。現世獲福  
 。身後必上品生。

勸有官君子

有官君子。無非前世修種作福。故受此報。譬如春時下種。  
 秋乃收穫。若不修福。何緣得此。然此報有盡。若更修福。  
 行種種方便愛人利物之事。以此迴向西方。則直出輪迴之外  
 。壽樂無窮。豈世間福報所能比哉。若切意斯民而不忍捨去  
 。且生西方。了生死之後。卻來此世界。現宰官身。以大興  
 功利。何有不可哉。若能轉以此化人。使更相勸化。人則以

己言重。必樂從之。據大慈菩薩偈。生世可以消災獲福。身後必上品生。

勸在公門者

在公門者。當自念云。彼為有官。我乃事彼。彼尊我卑。彼逸我勞。奉事常喜。得以無虞。或有觸忤。加之譴責。是我前世所修不及於彼。故至於此。我但小心謹行以保此身。事無大小。隨宜方便。目前人見歡悅。必無後患。積善不已。福及子孫。當思在公門者。其子孫榮顯。必祖上積德。天道昭明。不可不信。更常念阿彌陀佛。願生極樂世界。又轉以此化人。使更相勸化。非徒現世獲福。身後可中上品生。

勸醫者

醫者當自念云。人身疾苦。與我無異。凡來請召。急去無遲。

或止求藥。宜即發付。勿問貴賤。勿擇貧富。專以救人為

心。按中華藏專字不明此依正續藏補之。以結人緣。以積己福。冥冥中自有祐之者。若

乘人之急。切意求財。用心不仁。冥冥中自有禍之者。吾鄉

有張彥明善醫。僧道貧士軍兵官員。及凡貧者求醫。皆不受

錢。或反以錢米與之。人若來召。雖至貧下亦去。按中華藏雖字不明此依正續藏補之。

富者以錢求藥。不問錢多寡。必多與藥。期於必愈。未嘗萌

再攜錢來求藥之心。病若危篤。知不可救。亦多與好藥。以

慰其心。終不肯受錢。予與處甚久。詳知其人。為醫而口終

不言錢。可謂醫人中第一等人矣。一日城中火災。周迴蕪盡

煙焰中獨存其居。一歲水災尤甚。按二藏原文水災作牛災。疑有誤。暫依香港本改之。待後考證。而其莊  
 上獨全。此神明祐助之明效也。其子讀書後乃預魁薦。孫有  
 二三。龐厚俊爽。亦天道福善之信然也。使其孜孜以錢物為  
 心。失此數者。所得不足以償所失矣。同門之人。可不鑒哉  
 。若常如是存心。迴向淨土。必上品生。若因人疾苦。而告  
 以淨土。則易生信心。使復發大願。以廣其傳。以贖宿譴。  
 以期痊愈。必遂所願。若天年或盡。亦可乘此願力。徑生淨  
 土。常如是以化人。非徒身後上品化生。現世則人必尊敬。  
 而福報亦無窮。流及子孫矣。

勸僧

僧家當自念云。我為出家人。了達生死。乃本分事。不能如

此。遂汨沒俗塵。一日大限到來。有何倚賴。平日雖有善業。不免逐輪迴去。善業報盡。又復墜墮。不如早修淨土。直脫輪迴。面見阿彌陀佛。方是出家事畢。如永明壽禪師。長蘆蹟禪師。萬年一禪師。皆修此道。又轉以化人。使更相勸化。豈可不傲彼乎。凡受人一錢之施。一食之供。皆當為說淨土。以報其德。縱彼不信。亦使知之。耳根漸熟。久而自信。若或便信。其利益大矣。常如此化人。現世則為人所敬。己之善緣愈見純熟。又能精心觀想。不久必見佛之真身。此報身盡後。必上品上生。為不退轉地菩薩矣。古語云。此身不向今生度。更向何生度。此身。當常念此意。不可懈怠。

勸參禪者

參禪大悟。遂脫生死輪迴。固為上矣。然至此者。百無二三。  
 若修西方。則直出輪迴而生死自如。萬不漏一。故予欲勸  
 僧家上根器者。參禪之外。每日以頃刻之暇修西方。若參禪  
 大悟。遂超脫輪迴。尚去佛地極遠。更往見阿彌陀佛。展禮  
 致敬。有何不可。若未得大悟。而壽數忽盡。且徑往西方見  
 佛聞法。何患其不大悟也。若不修西方。不免隨業緣去。雖  
 如青草堂。戒禪師。真如哲。按哲古字作二吉字並列皆汨沒輪迴。誠可畏者  
 。詳見第七卷。若不忽此道。精心修進。仍轉以化人。使更  
 相勸化。人則以己為名僧。必樂從其言。其為利益無窮已。  
 必上品上生。

勸富者

富者當自念云。我今生富足。皆由前世修種。譬如今年所食  
 之穀。乃去年所種也。然人生衣食財祿。陰司皆有定數。徐  
 徐營生。合有之數。亦自然來。其來之遲。乃可延壽。如水  
 淺流則久也。若急急貪求。亦只此數。數外得之。則禍生而  
 去。如水過滿則溢也。宜隨分爲生。無使滿溢。少損濟物。  
 以防滿溢。非徒可以享現世之安。又可種後來之福。仍當念  
 世間福亦有盡。若以迴向西方則無盡。況世間富足。亦不能  
 色色如意。唯留意西方。則自有可樂。更相印施西方文字。  
 以廣勸人。使更相勸化。此爲種無窮之福。現世可以消災禳  
 難。鬼神亦敬而祐之。身後必上品上生。

勸貪吝者

得人三千而不以為多者。貪也。自費兩千而遂以為多者。吝也。貪吝之失。眾人所同。而不自覺。若能去此。方為賢者。如是則善業無不可為。惡業無不可戒。何則。不吝財以為善。不貪財以為惡。故也。若如是以修淨土。必不在下品生矣。又能轉以化人。使更相勸化。人則以己無貪吝之心。必加尊敬而樂從其化。所化必廣。上品往生。復何疑哉。生前之福報。亦可立而見矣。此不可以言盡。行者當自知之。

勸孝子

長蘆蹟禪師。作勸孝文百二十篇。前百篇言奉養甘旨。為世間之孝。後二十篇言勸父母修淨土。為出世間之孝。蓋世間

特為勸喻

之孝。一世而止。猶為孝之小者。出世間之孝無時而盡。以  
 父母生淨土。福壽不止如恒河沙劫。此莫大之孝也。父母存  
 而不能以此勸勉。他日徒傷其心。徒為厚禮。亦何益乎。若  
 又能轉以化人。使更相勸化。以此功德資父母之福壽。厚父  
 母之善報。佛不阻眾生之願。此意必可遂矣。上品上生者。  
 先言孝養父母。吾能推是心以為孝養。其往生品第可見矣。

勸骨肉恩愛者

骨肉恩愛者。當自念云。大慈菩薩有偈云。

骨肉恩情相愛。難期白首團圓。

幾多強壯亡身。更有嬰孩命盡。

勸念阿彌陀佛。七寶池中化生。

聚會永無別離。萬劫長生快樂。不能如是。徒爲好衣以華其身。美食以悅其口。一旦分離。無著力處。故生前宜相勸以念佛。若又能轉以化人。使更相勸化。是不徒使己之骨肉有無窮之恩愛。亦使他人骨肉有無窮之恩愛。其福報豈有窮盡。必中上品生。

勸婦人

婦人當自念云。據佛所言。慾心重者。受婦女身。是已非善業。若不自省。更加嫉妒貪慾。業緣轉深。果報可畏。若能迴心懺悔。絕其非念。仁慈以待婢妾。溫和以禮上下。常念阿彌陀佛。發願云。願我黑業日消。白業日長。現身清淨。內外輕安。此世之後。永不復受女身。使念念不斷。念自純

熟。定生極樂世界。若轉以化一家。及婢妾。及宗族親戚。其福報無窮。必上品生。觀荆王夫人傳可見矣。在第五卷。

勸僕妾

為僕妾者當自念云。我前世不曾修福。故至貧賤。人受安逸

。我當勤勞。人享美味。我食麤糲。按粗字通麤。人服輕細。我著麤

惡。此皆前世業緣。已往者不可悔。自此之後。當念善改過

。忠直勤謹。小心奉事。以保此身。以種後福。常念阿彌陀

佛。念念不絕。念自純熟。定生極樂世界。又以化其同類。

使更相勸化。則福報無窮。必中上品生。

勸農者

為農者當自念云。農業雖為務本。然耕田種地。殺害微細物

命。亦不爲少。此雖無可奈何。若能委曲全護。懺悔前失。常念阿彌陀佛發大願云。願我見佛得道之後。先度耕種以來一切所煞微細眾生。按煞本義作殺。與殺同。次度一切冤親眾生。常作此念。使念念不絕。念自純熟。定生極樂世界。若轉以化人。使更相勸化。現世獲福。身後必中上品生。

勸養蠶者

養蠶者當自念云。蠶爲絲以爲人衣。此固世間常理。然亦是煞害物命。世人以爲馬鳴菩薩。考於藏經。本無此說。唯說佛訓弟子不得衣綿絹。及用皮爲鞋履。爲煞物命而得。人既以養蠶爲業。豈可不知慚愧。當常懺悔。念阿彌陀佛。發大願云。願我見佛得道之後。盡度養蠶以來所煞一切蠶命。使

念念不絕。念自純熟。亦生極樂世界。若轉以化人。使更相勸化。現世必獲福報。身後亦中品生。

勸商賈

為商賈者。當自念云。平生販賣。寧無欺偽。若是疋帛。皆由蠶命而得。不可謂全無過惡。一旦命盡。隨業緣去。不如懺悔為善。隨分營生。命若多財自然漸有。命若財少多得亦失。況人生財數有限。急求而數滿。則致早終。緩求而來遲。則可延壽。宜以此存心。常念阿彌陀佛。願見佛得道之後。按中華藏道字不明。此依正續藏補之。先度一切與己交涉眾生。次度一切冤親。次度一切有緣無緣眾生。如此念念不絕。念自純熟。定生極樂世界。若轉以化人。使更相勸化。現世獲福。身後必中上品生。

勸工匠

爲工匠者。當自念云。我爲工匠。或爲人造屋宇。或爲人作器用。此雖爲善業。然以前世不曾修種。故今生自不富足。

按中華藏富作當。疑有誤。此依正續藏改之。所造之屋。乃他人居。所作之器。乃他人用。

若不如是。衣食虧缺。當隨分爲善。爲人造作之時。物不過望。事則盡心。此亦種福。常念阿彌陀佛。用斧斤時。亦一心常念。使念念不絕。念自純熟。定生極樂世界。若轉以化人。使更相勸化。現世獲福。身後必中上品生。

勸多屯蹇者

按蹇乃卦名。險阻之象。屯蹇者艱阻欠順通貌。

多屯蹇者。勿怨天。勿責人。皆己之業緣所致。若見人歡喜者。得歡喜報。惱害人者。得惱害報。行方便者。得如意報。

。阻難人者。得齟齬報。種種皆本於前世之所為。如影隨形。如響應聲。是今生所以多屯蹇者。乃前世不為善事。不作福業。已往者既不可悔。自此以後。當勤懺悔。常念阿彌陀佛。非徒可以消除宿障。又可增長善緣。後世生極樂世界。無復有此屯蹇矣。莫言後世遠。閉眼即是。若轉以化人。使更相勸化。現世獲福。身後必中上品生。

勸骨肉怨憎者

骨肉怨憎者。當自念云。我以前世惡業。故招此報。或煞彼命。或負彼債。或惱害彼。若作善緣。必不至此。若能懺悔宿業。痛自責己。不復與人為惡。常念阿彌陀佛。以解怒心。以消惡緣。願生極樂世界。與己相聚者。皆諸上善人。無

復有此患矣。若轉以化人。使更相勸化。現世可獲福報。身後必中上品生。

勸漁者

漁者當自念云。魚生水中。無害於人。我乃巧計取之。圖以販賣。以養我命。以活家眷。魚在水中。亦有眷屬。腹中多子。皆是性命。我乃殺害。其罪無量。若能改業。此為上也。若未能猝改。且勿殺魚細命多。螺蛤鱔鰲等難死之物。按二藏原文鰲字下從惡不從魚。常念阿彌陀佛。懺悔發大願云。願我見佛得道之後。盡度從生以來。一切所煞物命。皆生淨土。念念不絕。念自純熟。亦生極樂世界。若轉以化人。使更相勸化。現世可除災獲福。身後亦不在下品下生。

勸網飛禽者

網飛禽者。當自念云。飛禽在林野與空中。無害於人。我貪  
 其肉。多方巧取。我愛性命。他亦有命。我愛骨肉。他亦有  
 子。若能改業。此為上也。若未能改。且勿殺物小、命多、  
 生抱子者。常念阿彌陀佛。懺悔發大願云。願我見佛得道之  
 後。盡度從生以來。一切所殺物命。皆生淨土。念念不絕。  
 念自純熟。亦生極樂世界。若轉以化人。使更相勸化。現世  
 可除災滅罪。身後亦不在下品下生。

勸為廚子者

為廚子者當自念云。我前世不修福業。今世貧困。又烹炮切  
 割眾生。雖非自己親殺。然亦罪重。若能改業。固為上也。

如不能改。慎勿親殺。常念阿彌陀佛。懺悔爲善事。發大願云。願我得道之後。盡度從生以來。一切所殺物命。一切所切割之眾生。皆生淨土。念念不絕。念自純熟。亦生極樂世界。若轉以化人。使更相勸化。現世可除災滅罪。身後亦不在下品下生。

勸作福者

種種作福。固爲善矣。然世間之福。其報有盡。爲其不出輪迴之外也。若以迴向西方。則直出輪迴之外。其報豈有盡耶。予爲此特勸者。半是不識字人。全賴作福者。以菩薩之心爲心。爲彼解說。如暗者得燈。迷者得路。以此法門。廣作布施。使人人知之。人人皆脫離輪迴。其福報萬萬劫無盡已。

。於極樂世界必上品生。豈世間福報所能比哉。

勸誦經人

凡誦經人。或持齋戒人。固為善業。後世必受福報。無可疑者。然此報有盡。不能脫離輪迴。若更修西方。即超出輪迴之外。罪惡人修者。尚得往生。況持齋誦經。其生上品必矣。雖然獨修者。其功小。勸人修者。其功大。若能廣以勸人。使更相勸化。人則以己持齋誦經之故。必信重其言。其功尤大。現世則受恭敬歸依之報。身後福德豈有盡耶。

勸貴人

貴者當自念云。雖種種如意。種種快樂。光陰迅速。幻身難保。古來極貴。誰其在者。不如忙中偷閑。每朝以頃刻之暇

。修西方法門。現世可以消災而省業。身後託生於蓮華中。  
 永無苦趣。常受快樂。豈不美哉。若宋朝文潞公。在京師與  
 淨嚴禪師結十萬人淨土緣。王敏仲。楊次公。葛仲忱。馬東  
 王。馮濟川。皆以貴人而修淨土者。可不念哉。若發大菩薩  
 心。轉以化人。使更相勸化。人則以己爲貴人。皆信重其言  
 。此教遂可以廣行。其爲福報。豈易量耶。身後必上品生。  
 若汨沒度時。不知修此。一日悔之。不可及已。

勸大聰明人

大聰明人博學彊識按彊爲強本字。。發言成文。下筆成章。固爲世所尊  
 仰。然於吾性分之内。若不相干。莊子云。所謂見者。非謂  
 其見。彼自見而已。所謂聞者。非謂其聞。彼自聞而已。不

自見而見彼。不自聞而聞彼。是得人之得。非自得其得。適  
 人之適。非自適其適。一旦棄去。方知平生所以留意者。無  
 益於我。雖聰明事業。不可以廢。宜每日挪頃刻之暇。留心  
 淨土。若洞曉此理。惡緣自省。善緣自積。生前已有可樂。  
 若轉以勸人。使更相勸化。人則以己聰明過人。猶信此理。  
 必謂此理無可疑者。其說遂可以盛傳而愈久。是亦菩薩之扶  
 持此教也。他日必上品生。其為福報。豈易量耶。

勸賣酒者

賣酒者當自念云。五穀本以養人。今糜爛為酒。使人飲之。  
 多為不善。是誰之過。宜常自懺悔。念阿彌陀佛。發大願云。  
 願我賣酒以來。一切壞五穀之罪。悉以消滅。見佛得道之

後。盡度脫所用爲酒五穀種蒔之時。一切所殺微細眾生。及一切致力眾生。及一切飲酒之人。使皆生淨土。如是念念不絕。念自純熟。定生極樂世界。若轉以化人。使更相勸化。現世則可以減罪而長福。身後必中品生。

勸開食店者

開食店者當自念云。我以眾生之肉。割切烹炮。謀利養生。我有骨肉。欲安欲樂。我養生之業。乃由殺眾生而得。極爲惡業。若能改業。此爲上也。若未能改。且省去鱔魚、螃蟹、螺、蛤等難死之物。及微細命多之物。隨分用肉。此爲次也。若又未能。且常念阿彌陀佛。遠勝不念。次懺悔發大願云。願我見佛得道之後。盡度從生以來。一切所殺眾生。及

一切所用之肉眾生。使皆生淨土。念念不絕。念自純熟。亦  
 生極樂世界。若轉以化人。使更相勸化。現生則可消滅罪業。  
 身後福報無窮。

勸屠者

屠者當自念云。人貪其肉。故養物命。我貪其利。故殺物命。  
 殺彼物命。以養我身。以活我家。我有骨肉。欲安樂無疾  
 也。彼物性命。我乃殺之。其罪無量。若能斷除屠業。此為上  
 也。若未能斷除。且從減省。此為次也。若又未能且常念阿  
 彌陀佛。遠勝不念。次懺悔發大願云。願我見佛得道之後。  
 盡度從生以來。一切所殺眾生。使皆生淨土。如此念念不絕  
 念自純熟。亦生極樂世界。若轉以化人。使更相勸化。現

世則可消除惡業。身後亦福報無窮。

勸在風塵者

在風塵者當自念云。生為婦人。已非善業。況我又處風塵。其業不善甚矣。若能省悟斷除婬業。此為上也。如未能斷。常念阿彌陀佛。發大願云。願我惡業日消。善業日長。衣食粗足。早離此門。見佛得道之後。盡度一切因我為婬之人。使皆生淨土。念念不絕。念自純熟。定生極樂世界。若轉以化人。使更相勸化。現世則必除災滅罪。身後亦福報無窮。

勸罪惡人

有罪惡人當自念云。我平生罪惡既多。一日閉眼之後。當奈之何。須急懺悔迴心。念阿彌陀佛。發大願云。願我見佛得

道之後。盡度從生以來。一切所害之人。使皆生淨土。念念不絕。念自純熟。則可漸除惡業。增長善緣。定生極樂世界。若能轉以此化人。使更相勸化。非徒現世可以滅罪。身後亦福報無窮。

勸病苦者

殺眾生者。得命短報。隨喜殺者。得煩惱報。若病苦者。乃殺生之餘報。食肉之正報。亦惱害眾生之正報。善惡於人。如影隨形。不可免離。故疾苦者。當自責云。我以惡緣故至于此。常念阿彌陀佛。發誓願不復為惡。不復殺生。不復惱害一切眾生。願此身早離病苦。見佛得道之後。盡度脫前生今世一切所殺之眾生。及一切冤親。使皆生淨土。念念不絕。

念自純熟。定生極樂世界。若轉以化人。使更相勸化。功力勝時。善報自應。其病苦必愈。身後福報無窮。

勸疾惡欲為神者

世有疾惡者。謂世間為惡人。予力不能治。死必為神以痛治之。而不欲生西方。按佛言。神在六道中。為墮落之數。而西方則超出六道輪迴。故修西方者。以正直慈悲為本。見於所為。無非慈悲。若人有罪惡。則憫其愚癡。人有困苦。則欲其濟拔。是無累於己。而於一切眾生有大良緣也。為神者。以正直瞋恨為本。見於所為。無非瞋恨。若懲人之過。則加以疾病。治人之罪。則加以火鑊。是有害於物而於

己則受為神之福盡。以瞋恨作業。故墮地獄。自地獄出。則為蟒蛇蠱蠍之類。無時而超脫也。

昔有二僧同修行。一僧作福而多瞋。一僧常戒之不從。後多

瞋者死。戒之者附客舟至江上邛亭。按二藏原文邛字左側作共不作工，音讀作恭，不讀窮。因此字無同字可代，故勉強以邛字代之。

其廟神甚靈。能與人言。客登岸祭神。神告之曰。與汝同舟

僧。可來見我。其僧往見之。神乃言曰。我是汝同修行僧。

以多瞋故。墮於此為神。其僧欲見神形。堅不肯。再三欲見

。乃露一截蟒形。神又言曰。有人施絹十疋。可為我作追薦

。次於洪州西山上見我。僧如其言。果於西山上見死蟒一條

。長二三里。瞋恨之報如此。

且人有一心虛明。湛然如清冷之水。一起瞋恨。則若投以汗

穢之物。敗其清冷甚矣。一起慈悲。則若投以沉檀之香。助其清冷亦甚矣。人何苦不為慈悲以修西方。必欲瞋恨而墮於為神。豈不惑哉。

### 勸軍中人

當念我輩受國家所養。其錢糧綿帛。皆自民力辛苦得之。我輩所以日食飽足。衣裝溫涼。上得以奉親老。下得以養妻兒者。皆國家之賜。皆生民之力。無事常修整兵器。馳習騎射。震軍威於可畏。消寇亂於未萌。期於國家安榮。生民休息。每日默念阿彌陀佛千聲。願冥冥中資其氣力。壯其軍容。有難則力以禦之。雖捐驅而不顧。無難則靜以鎮之。非貪功而妄殺。期於國家常安。生民常保而後已。是為菩薩心。發

為將軍行。又能轉以勸人。使更相勸化。如此則善念純熟。福祿日增。身後必於淨土中上品生矣。

勸惡口者

身口意謂之三業。藏經所言。果報多因口業者。以口易發也。云昔有人恨其母送飯來遲。乃云生於母腹。不如生於鹿腹。後果託生於鹿腹中。又有人。以食與之。若不如意。則云不如與狗。後乃生為狗頭。是皆口業果報也。所謂惡口者。乃惡怒之口。唯言語不溫和耳。今人所謂惡口。直為穢語矣。惡口果報。固已不佳。若穢語。則地獄畜生之報也。世人多不知此。乃以惡口穢語為常。奉勸世人。力以戒此。常念阿彌陀佛。以洗滌口業之穢惡。聞人惡口穢語。亦常念此

佛名。以洗滌耳根之穢惡。願以此生念佛之善業。洗滌累世以來之穢惡。如此則善念日熟。惡業日消。又能轉以勸人。使更相勸化。則災難可消。福祿可永。身後必於淨土中上品生矣。

勸童男

人家生男。七歲即令入學。蓋欲曉解文義。長大成立。父母之心。莫不如是。不知人生難保。少得高年。或遇冤家。以致橫死。或與父母宿為冤業。託生其家。惱害父母。敗壞家產。奉勸為父母者。兒童方能言時。即語以日念西方四聖號十聲。大慈菩薩偈一遍。及誦淨土真言。此止五十九字。甚易誦持。若日滿五百遍。或千遍。不一年二年。可足三十萬

遍。自六歲誦起。七歲乃畢。不妨入學習讀。縱此生無冤惡。亦爲此大善。必消災增福。若或有之。因此持誦。遂得以免。不亦善乎。若不信此言。臨時悔之無益。孔子曰。不曰如之何。如之何者。吾末如之何也已。

勸室女

予見婦女。多因生產而致大病。或致身亡。此乃與其所生子前世爲冤。故有此報。據藏經云。拔一切業障根本往生淨土真言。云誦持此者。阿彌陀佛常住其頂。不令冤家爲害。現世安穩。命終任意往生。若滿二十萬遍。則菩提芽生。三十萬遍。畢竟面見阿彌陀佛。奉勸爲女子時。在父母身傍。清淨少事。可日誦西方四聖號各十聲。大慈菩薩偈一遍外。

日誦此真言五百遍。或千遍。不足一年二年。可足三十萬遍。能令平生不遭產子之厄。父母若驕縱其女。或不信此言。一旦冤債相逢。以為大厄。悔之無及。縱使其女此生無冤。在父母身傍。先誦此真言三十萬遍。種此大善根。作此大善緣。有何不可。此恩愛之甚善而大者也。可不勉哉。

八八兒口生蓮華

有人養一鸚鵡。俗名八八兒。見僧念佛。亦學念佛。遂捨與僧。此僧常教念阿彌陀佛。後八八兒死。僧為小棺埋之。墓上生蓮華一朵。開棺看其根。自口中生。人為偈云。有一飛禽八八兒。解隨僧口念阿彌。死埋平地蓮華發。我輩為人豈不知。

蓋念阿彌陀佛有誓願云。眾生念我名號者。必生我國。凡言  
 眾生者。上至天人。下至微細蟲蟻之類皆是。以此觀之。則  
 此八八兒。必生極樂世界為上善人矣。人而不知。人而不修  
 。可痛惜哉。事在潭州城外。因此而名其城門。

龍舒淨土文卷第六終

龍舒增廣淨土文卷第七

國學進士王 日休 撰

參禪者多不信淨土。以謂著相。欲直指人心。按中華藏直字空白。此依。見性成佛。此說甚善。極不易到。反成弊者多矣。今故詳言參禪之弊。且引事跡為證。與諸修行不知其要者。併舉而言之。故此卷名指迷歸要。

青草堂後身曾魯公

宋朝有二青草堂。在前者年九十餘。有曾家婦人。嘗為齋供及布施衣物。和尚感其恩。乃言老僧與夫人作兒子。一日此婦人生子。使人看草堂。已坐化矣。所生子。即曾魯公也。以前世為僧。常修福修慧。故少年登高科。其後作宰相。以

世俗觀之。無以加矣。雖然。此亦誤也。何則。此世界富貴不長久。受盡則空。又且隨業緣去。輪迴無有了時。不如且生西方見佛。了生死大事。卻來作宰相。故雖入胞胎中受生。此一性已不昧。所以雖在輪迴世界中。已不受輪迴。而死去住自如矣。今未能了生死。乃念區區恩惠。為人作子。則不脫貪愛。永在輪迴。其失計甚矣。

戒禪師後身東坡

五祖戒禪師。乃東坡前身。應驗不一。以前世修行。故今生聰明過人。以三毒氣習未除。按二藏原文三毒作五毒。查三藏法數並無五毒之句。五毒疑有誤。暫依香港本改之。待後考證。故今生多緣詩語。意外受竄謫。此亦大誤也。若前世為僧。參禪兼修西方。則必徑生淨土。成就大福大慧。何至生此世界。多

受苦惱哉。聞東坡南行。唯帶阿彌陀佛一軸。人問其故。答云。此軼生西方公據也。若果如是。則東坡至此。方為得計。亦以宿植善根。明達過人。方悟此理故也。聞魯直前世為婦人。誦法華經。以誦經功德。故今世聰明有官職。此隨業緣來者也。若生西方。豈如是而已哉。

哲老後身多憂苦

按二藏原文哲字作二吉字並列。乃哲古字。

有哲老者。住京師大刹。四十年不睡。坐禪精苦如此。坐化後。紙襖亦燒出舍利。中官有以三十千。買一紙襖者。以其有舍利故也。其效驗已如此。若修西方必為不退轉地菩薩。即生死自如矣。卻來此世界濟度眾生。有何不可。不知修此。乃生大富貴處。一生多受憂苦。可哀也哉。縱使受大富貴

亦終有盡。依舊輪迴。或云。以哲老之精修。今生多受憂苦。何也。答云。佛言。假令百千劫。所作業不亡。因緣會遇時。果報還自受。永嘉大師亦云。了則業障本來空。未了應須還宿債。以哲老不曾了得生死大事。今生生於大富貴處。乃前生願心也。多受憂苦者。乃因緣會遇。而還千百世之宿債也。若生西方則宿債不須還矣。何則。生死自如。故雖入一切眾生生死界中。大作濟度。一性已不昧而超脫三界。豈須還宿債哉。且以哲老之精修。猶不能超脫三界。豈非三界之岸極高。其苦海極深。其波濤極急。故不易超脫乎。修西方而超脫者。仗佛力也。有佛力而不倚仗。猶窮賤餓人。見富貴者而不倚仗。哀哉。

古老後身耽富貴

有惠古長老。先住舒州太平。次住浙東大剎。亦名行尊宿也。死而生於宰相家。後生登高科。世固以為榮矣。然此甚失計也。何則。前世齋戒。今世食肉。必以食肉為美矣。前世清修。今生近色欲。必以色欲為美矣。前世恬靜。今生享富貴。必以富貴為美矣。譬如大象入泥。一步深如一步。奈之何哉。楞嚴經云。聞所聞盡。盡聞不住。覺所覺空。空覺極圓。蓋謂所聞之事盡矣。盡聞其不住也。故世間雖享快樂。其如不住何。不住則過去。過去則不能久也。又覺其所覺者。皆歸於空。空則無實矣。誠能於此。空而覺之。則真覺之性極圓。而無復墜墮也。使古老而悟此理。必不生宰相家。

縱未能悟明真性。且修西方以脫去輪迴可也。楞伽經謂世間  
 修行人。如澄濁水。澄之雖清。未去濁腳。攪之復濁。古老  
 之謂也。如生西方。見佛得道。復來生此世界。則若刷去濁  
 脚。純為清水。雖攪之不復濁矣。故雖名行尊宿。亦不可不  
 修西方。古老足以鑒矣。

西方如現受官

譬如人有一官而不受。必欲修學為大魁。其志固美矣。然大  
 魁不可必得。固不若且受其官。一面修學。如得大魁。則若  
 錦上添花。若不得之。不失其為官人。修西方者且受官之謂  
 也。一面修學者。兼以參禪之謂也。不得大魁者。參禪未悟  
 之謂也。不失其為官人者。直脫輪迴大受快樂之謂也。既生

西方見佛聞法。烏有不大悟哉。故西方之說。誠不可廢。

### 三菩薩修兜率

智者十疑論云。三菩薩修兜率。一名無著。二名世親。三名

師子覺。約云。先生兜率

按兜率此翻知足。係天名。為欲界六天之第四天。此天依空而居。人間四百年為此天一晝夜。內院今為彌勒菩薩之淨土。外院則天眾之欲樂處。

見彌勒者。即來相報。師子覺先亡。數年無報。次世親亡

。三年乃來報云。天日長。我生兜率。禮彌勒佛。聽其說法

。即來相報。已三年矣。問師子覺如何。云生兜率外院。戀

著天樂。即不曾見佛。且以菩薩而修兜率。猶有戀著不見佛

者。此輪迴之根本。是知兜率難修有墜。非比西方易修無墜

也。智者又云。有見釋迦佛而不得道者。若修西方見阿彌陀

佛。無不得道。則釋迦佛與阿彌陀佛。其願力功德。威神小

大。固不同矣。故大慈菩薩云。十方三世佛。阿彌陀第一。念其名號。消一切罪。遂生淨土。宜哉。

法華尼後身作官妓

歐陽永叔知穎州。一官妓口氣作蓮華香。有僧知宿命。言此妓前世為尼。誦法華經三十年。一念之差。遂至於此。問妓云。曾讀法華經否。答云。失身於此。何暇誦經。與以法華。則讀誦如流。與之他經。則不能讀。以此知僧言可信矣。使此尼知西方法門。則上品上生可也。不知而墜墮於妓。可不哀哉。以此知能用西方法門教人者。其濟拔之功大矣。福報豈易量哉。

### 十二緣圖



### 三界六道輪迴圖



無明謂暗昧真性。行謂動作。識謂魂識。名謂受想行識。色

自阿鼻大地獄至他化自在天。皆名欲界。

長行寫者是十二因緣圖  
短行寫者是三界六道圖

謂色身。六入謂六根。觸謂觸六根者。因暗昧真性。故不

以有情欲也。上有色界。止有色身。

能寂然不動。乃生魂識。因有名色。遂有六入。因六入。

無男女之形。又上有無色界。

故有觸。因觸故受。因受故愛。因愛故取。因取故常有之。

亦無色身。止有魂識。如鬼神。此總名三界。

因此復受生。因生故有老死。相牽緣不斷。故名十二緣。

觀此豈可迷於他途而不修西方。

龍舒增廣淨土文卷第七終

龍舒增廣淨土文卷第八

國學進士王

日休

撰

極樂世界雖去此百萬世界。論其跡則不勝其遠。然佛之慧性。含虛空世界。故無所不在。是以一切眾生舉意動步。皆在佛之性中。至心懇切。無不應驗。故此卷敘現世感應。

見殺生念佛得福

觀音感應記云。饒州軍典鄭鄰。死至陰府。以誤追來。放還閻羅王告云。汝還人間。勉力為善。汝見人殺生。但念阿彌陀佛與觀世音菩薩。彼得受生。汝亦得福。由此推之。足以見念阿彌陀佛。誠可薦拔亡者。可增延福壽。不特身後生西方而已。

陳企念佛卻鬼

予同郡望江陳企。嘗妄殺人。後見鬼現。企畏懼。急念阿彌陀佛。鬼不敢近。企念佛不已。鬼遂不現。後常念佛。臨終坐化。後半年附本家孫女名妙光云。我因念阿彌陀佛。已生極樂世界。舉動言語。一如平生。親戚相知皆來看。至兩三日。家人云。惜乎你在生時。不曾傳得喜神供養。企遂現。儼然如平生。唯面帶少顏。蓋西方長生不老。其頭如佛之螺髻。蓋成佛之漸也。望江士人周憲叔為予言之。

鄒賓王念佛夢覺

予嘗勸鎮江士人鄒賓王以西方說。且言若無閒暇。但早晨合掌向西。念南謨阿彌陀佛十遍。亦得賓王信之。其夜遂夢與

一士人同赴法。正恐懼間。遂念阿彌陀佛至十聲。乃覺。豈非佛以此堅其信心乎。

張繼祖念佛薦亡

子嘗與鎮江士人張繼祖言西方事。繼祖信之。其乳母死。多為念阿彌陀佛追薦。一夜夢其乳母。借背子衣之。來謝繼祖而別去。此念佛追薦之效也。

劉慧仲念佛安寢

予舊相識劉慧仲。湖州長興人。以夜夢多恐懼。予勸以念阿彌陀佛。慧仲至誠高聲。念一百八遍。當夜遂安寢。次日如前念誦。自此皆得安寢。以此見佛力廣大。無所不可。此予序所謂安靜形神者也。

阮嫂念佛眼明

予同郡懷寧縣營田莊有阮念三。嫂患兩目。將盲。常念阿彌陀佛。遂得開明。此予親見之。

閻羅王勸婆念佛

鎮江金壇縣株林村。蔣婆。年七十許。死至陰府。命未盡當還。閻羅王問云。汝能念經否。對云不能。王云汝不能念經。但念阿彌陀佛。既放還。蔣婆謂閻羅王教我念佛。更無可疑。故常念此佛名。近百二十歲方終。其生淨土必可必矣。豈非以其念佛而又延壽乎。何其壽之多也。金壇士人張延芝為予言之。

邵安撫念佛脫難

晉江邵彪。字希文。為士人時。夢至一官府。人皆稱安撫。彪自喜曰。豈非予及第後。作安撫乎。行至前。見一官員問云。汝知汝未及第因否。對云不知。令引彪去看。見一大鑊煮蛤蜊。見彪乃作人聲。叫彪姓名。按二藏原文叫作叫俗字。左口右斗。依康熙字典此為錯字。故改之。彪遂念阿彌陀佛。方念一聲。蛤蜊皆變作黃雀飛去。彪後果及第。至安撫使。以此見殺生阻人前程。不可不戒。又見佛力廣大。不可不敬。官職自有定分。不可苟求。

念佛風疾不作

予近附舟至鎮江閘中。闕水不能行。乃於金山借四經。即阿彌陀經也。欲校勘刊板廣傳。舉筆之時。右手有風。其指自

掉。寫字不便。予乃舉指念阿彌陀佛與觀世音菩薩數聲。禱告乞除風疾。以成就寫此經。禱畢。指遂不掉。以至終帙無恙。以此見佛與菩薩。只在目前。但人信心不至耳。

夢中念佛脫恐懼

予於夢寐中有恐懼時。念阿彌陀佛與觀世音菩薩。未嘗不即安穩。或即覺惺按惺乃心中自我覺知之意。足以見佛與菩薩。威神之速如此。但辦信心。效無不應。

念佛屋不壓死

有一老婦雙瞽按瞽乃眼瞎之意。。令小兒牽行。常念阿彌陀佛。一日息於舊屋之下。屋忽傾倒。小兒走去。老婦在下。乃有二木相柱。護於老婦之上。得不壓死。此念佛之效也。妙定居士為予

言之。

念佛瘡疾遂愈

有官員李子清。寄居秀州。頗好道家。嘗從學於予。前年久苦瘡疾。予告云。但恐子清不信。若信之必效。予乃授以一方。令臨發時。專念阿彌陀佛。而服此藥。子清從之。其日遂愈八分。次日復如是。遂全愈。子清由是篤信佛理。常以淨土文置於袖中。

念佛瘡疾皆愈

梁氏女兩目俱盲。念阿彌陀佛三年。繫念不絕。雙目開明。又馮氏夫人亦念佛。久病遂愈。見第五卷。

繡佛舍利迸出

繡佛舍利迸出。繡丈六身阿彌陀佛。繡方

及半。舍利迸出。其親戚鄭逢原為予言之。

佛像常有舍利

真州鍾離少師宅。自任氏夫人修西方。雕阿彌陀佛像。長四

寸八分。龕飾甚嚴。常頂戴行道。其像眉間常迸出舍利。大

如黍米。光彩照人。出寶珠集。

夢佛遂得聰辯

按二藏原文聰字左耳右作上勿下心。

隋慧思禪師。因夢阿彌陀佛與之說法。其後聰辯過人。祥瑞

不一。出往生傳。

念佛治病得愈

近年秀州一僧。常念阿彌陀佛。為人治病。有病者請往。常得痊愈。秀州人皆能言之。

念佛孫兒免難

予鄉村落間有一老人。每有事。必合掌至額。念阿彌陀佛。其孫兒方二三歲。因隨母至田野。忽失之。老人尋訪不見。後數日。人告云。在溪外。果尋得之。見足跡遍於灘上。其溪甚深。不知此兒何緣過彼。又久而無恙。人以為其祖至誠念阿彌陀佛所感也。

龍舒增廣淨土文卷第八終

龍舒增廣淨土文卷第九

國學進士王 日休 撰

十六觀經云。上品上生者。讀誦大乘經典。解第一義。然則修上品者。佛之深旨。不可不知。今淺者尚不能知。況其深乎。故此卷自淺及深。切於日用者皆載焉。名曰助修上品。

習說

孔子化三千之徒。其要旨不出一部論語。而首以學而時習之。一句。則此一句之義。豈不為急先務哉。蓋學者。學其為君子。為聖人。習者。如習射習儀之習。學君子聖人者。不可驟爾而至。故必以時而漸習之。若學寬大。則於褊隘時習之。若學溫和。則於忿怒時習之。若學恭敬。則於傲慢時習之。

若學良善。則於狼戾時習之。若學辭讓。則於忿爭時習之。  
 若學勤敏。則於懈怠時習之。然則所謂時習者。當其事之  
 時而習。則不虛習矣。其習必成。成則自有可喜。故曰不亦  
 悦乎。能悟此理。則盡論語中所言之善。皆可以進。是知以  
 此一句。冠于一書之首者。深有意也。修西方而進乎道者。  
 尤貴乎習。故此不可不知。

萬守利人說

大觀間。一官員買靴於京師市中。見一靴甚大。乃其父送葬  
 者。問其所得之由。答云。一官員攜來修整。按二藏原文攜字左側  
不作焉作上佳下乃。問  
 何時來取。遂往候之。果見其父下馬留錢取靴。其子拜。不  
 顧。復乘馬去。其子追隨二三里許。將不及。乃呼曰。我與

父フ生シ為ル父フ子シ。何ニ無ク一コト言ハシ以テ教ヘ我ニ。其ノ父ハ曰ク學ブ葛ノ繁ヲ。問フ葛ノ何レ人ナリ。  
 曰ク世ノ間ノ人ナリ。遂ニ訪シ問フ所在。其ノ時ハ為リ鎮江太守。乃チ往シ見ル之ヲ。言フ其ノ  
 故ヲ。且チ問フ葛ノ何レ以テ見ル重ク於テ幽冥如シ此ノ。答ク云ク。予ハ始メ者ト日ニ行ク一コト利人  
 事ヲ。其ノ次ニ行ク二コト事ヲ。又チ其ノ次ニ行ク三コト事ヲ。或チ至リ十コト事ヲ。于レ今ハ四十年ヲ。  
 未ダ嘗シ一日廢ル。問フ何レ以テ利人。葛ハ指シ坐間脚踏子云。若シ此ノ物ヲ置キ  
 不レ正ム。則チ覺ス人ノ足ヲ。予ハ為リ正ス之ヲ。亦チ利人事也。又チ若シ人ノ渴ム。予ハ能ク  
 飲ム以テ一杯水ヲ。亦チ利人事也。惟チ隨フ事而利ス之ヲ。上ニ自ラ卿相。下ニ至リ  
 乞ム丐ヲ。皆チ可ク以テ行ク。惟チ在リ乎レ久ク而シテ不レ廢ル耳ヲ。按二藏原文久作人。疑有誤。暫依香港本改之。待後考證。其ノ子ハ拜シ  
 而シテ退ル。葛ハ後ニ以テ高壽坐化而シテ去リ。  
 觀シ此ノ則チ利人之ノ事也。不レ可ク不レ勉ム。害ス人ノ事也。豈チ可ク為リ哉ヤ。所レ謂フ愛ス  
 人ノ利物之ノ謂フ仁者。葛ハ得ル之ヲ矣ヲ。葛ハ兼テ修メ淨業。以テ是レ迴向。後ニ有リ

僧神遊淨土。見葛在焉。

施報說

儒家言施報。佛家言布施果報。其實一也。佛言欲得穀食。當勤耕種。欲得智慧。當勤學問。欲得長壽。當勤戒殺。欲得富貴。當勤布施。布施有四。一曰財施。二曰法施。三曰無畏施。四曰心施。財施者。以財惠人。法施者。以善道教人。無畏施者。謂人及眾生當恐懼時。吾安慰之使無畏。或教以脫離恐懼。使之無畏。心施者。力雖不能濟物。常存濟物之心。佛以孝養父母。亦為布施。是凡施於外者。皆為布施。故為下而忠勤事上。為長而仁慈安眾。為師而謹於教導。為友而誠於琢磨。一言一話之間。必期有益。一動一止之

際。必欲無傷。種種方便利物。勿使有所損害。皆布施也。  
 所為如此。存心又如此。後世豈得不獲富貴之報。古語云。  
 人人知道有來年。家家盡種來年穀。人人知道有來生。何不  
 修取來生福。是今生所受之福。乃前世所修者。猶今歲所食  
 之穀。乃前歲所種者。人不能朝種穀而暮食。猶不能旋修福  
 而即受。所以穀必半歲。福必隔世也。孔子謂貨惡其棄於地  
 。不必藏於己。力惡其不出於身。不必為己。老子謂既以為  
 人。己愈有。既以與人。己愈多。皆布施之謂。曾子謂出乎  
 爾者反乎爾。老子云。天道好還。皆果報之謂。是儒道二教  
 。皆言施報。但不言隔世爾。所謂愛人者。人常愛之。敬人  
 者。人常敬之。災人者。人必反災之。皆現世之施報也。知

是以修淨土。滋培善根多矣。

至人延年說

予嘗聞至人云。人生衣食財祿。陰司皆有定數。若儉約不貪。則可延壽。奢侈過求。受盡則終。譬如人有錢一千。日用一百則可十日。日用五十可二十日。若恣縱貪侈。立見敗亡。則若一千之數。一日用盡。可不畏哉。易稱天地之數。五十有五。所以成變化而行鬼神。是天地之大。變化之妙。鬼神之奧。猶不逃於數。況於人乎。或謂人有廉儉而命促。貪侈而壽長者。何也。廉儉而命促者。當生之數少也。若更貪侈則愈促矣。貪侈而壽長者。當生之數多也。若更廉儉。則愈長矣。

且天地於人無私。何謂當生之數有多少乎。此皆前世所為耳。故曰。要知前世因。今生受者是。唯現世多為吉善則增福壽。故曰神之聽之。介爾景福。現世多為罪惡。則減福壽。故曰。多行不義。必自斃。且修淨土者。固不在福壽之多。然損福壽之事。則是薄德耳。豈可不戒哉。增福壽之事。則是厚德耳。豈可不勉哉。

食肉說

佛告大慧菩薩云。有無量因緣。不應食肉。我今為汝略說。謂一切眾生從本已來。展轉因緣常為六親。以親想故。不應食肉。不淨氣分所生長故。不應食肉。眾生聞氣悉皆恐怖故。不應食肉。令修行人慈心不生故。不應食肉。

按二藏原文生作殺。疑有誤。此依龍藏楞伽經文改之。

。凡愚所嗜。臭穢不淨。無善名稱故。不應食肉。令諸咒術  
 不成就故。不應食肉。以殺生者見形起識。深味著故。不應  
 食肉。彼食肉者。諸天所棄故。不應食肉。空閑林中虎狼聞香故。不應  
 應食肉。多惡夢故。不應食肉。空閑林中虎狼聞香故。不應  
 食肉。令人飲食無節量故。不應食肉。令修行者不生厭離故  
 。不應食肉。我常說言。凡所飲食。作食子肉想。作服藥想  
 故。不應食肉。聽食肉者。無有是處。大慧。凡諸殺者。爲  
 財利故。殺生屠販。彼諸愚癡食肉眾生。以錢爲網。而捕諸  
 肉。彼殺生者。若以財物。若以鉤網。取彼空行水陸眾生。  
 種種殺害。屠販求利。大慧亦無不教不求不想而有魚肉。以  
 是義故。不應食肉。佛復說偈。略云。

為利殺眾生。以財網諸肉。二俱是惡業。死墮叫呼獄。

若無教想求。則無三淨肉。彼非無因有。是故不應食。

酒肉葱韭蒜。悉為聖道障。食肉無慈悲。永背正解脫。

及違聖表相。是故不應食。

眾生肉。本非所食之物。以耳聞目見慣熟。不知其非。如能

斷肉。固為上也。如不能斷。且食三淨肉而減省。食若兼味

。且去其一。如兩餐皆肉。且一餐以素。人生祿料有數。若

此自可延壽。如早晨食素。其利甚多。一省業緣。二可清淨

。三不妨善業。四至晚食葷時。不至厭此而欲彼。如此自可

延壽。若以食素為難。宜以食葷之費為素食。則易行而可持

久。若縱口腹之欲。亦無了期。語曰。世上欲無刀兵劫。須

是眾生不食肉。斯言可不畏哉。不免食三淨肉者。次日可爲所食之肉眾生。念西方四聖號并眞言。以資薦往生。庶幾可釋冤滅罪。據閻羅王告鄭鄰之言。則至誠念四聖號以追薦者。必得往生。詳載在第八卷。三淨肉。謂不見殺。不聞殺。不疑爲己殺。及自死。鳥殘。爲五淨肉。

戒殺盜婬說

楞嚴經。佛謂想愛女色。心結不離。故有婬欲。則諸世間父母子孫。相生不絕。是等則以欲貪爲本。貪愛血味。心滋不止。故有食肉。則諸世間卵、化、濕、胎。隨力強弱。遞相吞食。是等則以殺貪爲本。以人食羊。羊死爲人。人死爲羊。食餘眾生。亦復如是。死死生生。互來相噉。惡業俱生。

窮未來際。若此則以盜貪為本。汝負我命。我還汝債。以是因緣。經百千劫。常在生死。汝愛我心。我憐汝色。以是因緣。經百千劫。常在纏縛。此殺盜婬三者為之根本。以是因緣。惡業果報相續不已。如西方淨土。受清淨身。不因婬慾而生。食清淨食。不因殺害而得。友清淨人。不因染著而交。是皆脫去此等。然修上品者。此等亦不可不知。

飲食男女說

飲食男女。人之大欲存焉。制之若無。斯為聖人。節而不縱。可為賢人。縱而不節。可為下愚。蓋此二者。皆造業之所。殺生以資口腹。非造罪而何。婬慾以喪天真。非造罪而何。況二者更相助發。因美飲食則血氣盛。血氣盛則婬慾多。

婬慾多則反損血氣。血氣損則又賴飲食以滋補。是二者更相  
 造罪也。若欲省口腹。必先節婬慾。若能節婬慾。即可省口  
 腹。此乃安生延年之道。若能節而絕之。則麤糲亦自美矣。  
 若縱之。則人生受用之數有限。限盡則早終也。慈覺禪師云  
 飲食於人日月長。精麤隨分塞饑瘡。  
 纔過三寸成何物。不用將心細較量。  
 若能如是思省。自可省口腹矣。務實野夫云。  
 皮包骨肉并尿糞。彊作嬌嬈誑惑人。  
 千古英雄皆坐此。百年同作一坑塵。  
 若能如是思省。自可省婬慾矣。果了得此二者。在生何由有  
 疾病夭折。身後何由有地獄畜生。雖不免此而修淨土。亦脫

去輪迴。然修上品者。不可不戒此。

貪折前程說

有官員二人。求夢於京師二相廟中。以問前程。其夜一人夢見有人持簿一扇。揭開版云。此汝同來之官人前程也。視之。乃自小官排至宰相。仍有勾之者。其官員問云。勾之者何也。持簿者答云。此官人愛財。世間不義取一項。此間勾一項。若急改過。尚可作監司。其人聞之。更不敢妄取財。其後果至監司。又何仙姑在世間。有一主簿家。忽有天書降。為不識字畫。乃往見仙姑問之。仙姑設香案拜而後看。看畢微笑。主簿云。特來拜問。何故乃笑。仙姑云。天書言主簿受金十兩。折祿五年。以此觀之。不義之財。誠可畏也。移

是心於淨土。其熟善緣多矣。

### 福慧說

人不可不兼修福慧。種種利物。常行方便。作一切善。戒一切惡。所謂修福也。知因果。識罪福。觀釋氏書。內明性理。觀儒家書。外明世道。所謂修慧也。修福得富貴。修慧得明了。修慧不修福。明了而窮困。修福不修慧。富貴而愚癡。福慧若兼修。富貴而明了。二者皆不修。愚癡而窮困。佛以福慧兼修。故謂之兩足尊。謂福慧兩足也。昔有二人同修行。一人專修福。一人專修慧。經數世後專修福者。因受福而作惡。按中華藏原文受作修。疑有誤。此依正續藏改之。墮於象中。以有餘福。人乘之以戰。有勝敵之功。國王賜以瓔珞。其專修慧者。得阿羅漢果。以不

曾修福。故為僧而乞食。多不得之。故偈云。修福不修慧。象身掛瓔珞。修慧不修福。羅漢應供薄。此福慧所以不可不兼修也。必不得已。寧使慧勝於福。莫令福勝於慧。若慧勝於福。則知罪福而戒慎。故無墜墮。若福勝於慧。則因受福而作惡。故有墜墮。楞伽經云。受現在樂。種未來苦。是也。偈云。兼修福與慧。又復念阿彌。九品蓮華裏。第一更何疑。齋戒明了人修者。必上品上生故也。又偈云。雖修福與慧。不知念阿彌。未得阿羅漢。輪迴無了時。在此世界修行。得阿羅漢果。方脫輪迴故也。

習慈說

觀世音菩薩謂萬善皆生於慈。老子言三寶以慈為首

三寶一曰慈二曰儉三曰不敢為天下先

。儒家言五常先之以仁。其意皆同。人有多瞋怒者。蓋不思  
 此意。未言害物造業。先自損氣傷和。人若能到慈仁之境。  
 方知瞋怒不佳。當其在瞋怒中。則不自知其苦。正如行荆棘  
 中。趨一大廈安居之所也。方其矯宿性之瞋怒。如行荆棘中  
 。及習成慈仁。則如入大廈安居矣。此不可以言盡。但當瞋  
 怒時習之。久久自有可喜。  
 釋道二教。固已戒瞋。儒家亦然。桓魋欲害孔子。孔子曷嘗  
 瞋乎。臧倉毀鬲孟子。孟子曷嘗瞋乎。韓信不報胯下之辱。  
 安國不怨溺灰之言。此皆可為師法。況凡待貧下。御僕妾。  
 詆忤己者。易致瞋怒。尤當戒謹。蓋彼亦人也。但以薄福而  
 事我。豈可恣其情性而造惡業哉。

究而言之。慈和者於自己大得便宜。藏經云。今生人見歡喜者。前世見人歡喜故。此慈和之所致也。修淨土者。烏可不以是為心哉。如一切眾生為大罪惡。亦勿生瞋。以汙吾清冷之心。念彼以愚癡故爾。使有智慧。必不為此。當生憐憫其愚癡之心。故曾子曰。如得其情。則哀矜而勿喜。如是以修淨土。其圓熟善根甚矣。

為君子說

人皆可以為君子。而不肯為君子。不須為小人。而必欲為小人。若誠信恭敬。若溫和方正。若推賢揚善。若隨宜利物。凡此之類。皆君子之事也。為之亦不難者。人不肯為何哉。若欺詐傲慢。若麤暴諂曲。若說短揚惡。若縱意害物。凡此

之類。皆小人之事也。爲之又何利益。人必爲之何哉。爲君子。則人喜之。神祐之。禍患不生。福祿可永。所得多矣。雖有時而失。命也。非因君子而失。使不爲君子亦失矣。命有定分故也。爲小人。則人怨之。神怒之。禍患將至。福壽以促。所失多矣。雖有時而得。命也。非因爲小人而得。使不爲小人亦得矣。命有定分故也。孔子謂不知命無以爲君子。小人不知天命。又謂得之不得曰有命。能審此理。所謂君子樂得爲君子。按二藏原文樂作贏。疑有誤。暫依香港本改之。待後考證。小人枉了爲小人。如是以修淨土。必不在下品生矣。

為聖為佛說

子嘗謂孔子所以爲聖人。固非一端。然其要在於三人行必有

我師焉。惡者亦為師。何適而非師乎。見識如是。烏得不為  
 聖人。又嘗謂釋迦佛所以為佛者。固非一端。然其要在於山  
 中修行時。國王出獵。問獸所在。若實告之則害獸。不實告  
 之則妄語。沉吟未對。國王怒斫去一臂。又問亦沉吟未對。  
 又斫去一臂。乃發願云。我作佛時先度此人。不使天下人倣  
 彼為惡。存心如是一。烏得不為佛。後出世成佛。先度憍陳如  
 者。乃當時國王也。若如是以修淨土。立與諸大菩薩等矣。

阿羅漢說

佛言。阿羅漢雖能受天人供。而福及人也劣。假使有人百年  
 供養四天下阿羅漢。不如發菩薩心。一日供養佛。蓋佛自無  
 量劫來救度眾生。無非得福。而福利人也勝。阿羅漢了生死

。遂入涅槃。獨善其身。故福及人劣矣。佛又言。若人有福。曾供養佛。亦勿謂供養乃身後事。近年秀州一僧。專念阿彌陀佛。爲人禱病。即得痊愈。豈可謂佛不利於生前。既可禱病。則亦可祈福。但恐信心不至耳。若修淨土期於復來化度者。尤不可無福。故此不可不知。

楞伽經說

楞伽經說淵源理致。除一切妄想。此一經有三譯。其十卷者太繁。四卷者。雖達磨發揚。東坡所書。譯得太晦。難讀難曉。唯七卷者分明。修淨土欲上品上生者。須讀誦大乘經典。解第一義。故此不可不知。在四字號。

二天人說

華嚴經云。人生有二天人隨人。一名同生。二名同名。天人常見人。人不見天人。此二天人。豈非善惡二部童子之徒歟。人之舉意發言動步。常念此二天人見人而能無愧。如此修淨土。則必上品上生。或曰。一人尚有二天人。何天人之多也。曰。一月普現一切水。豈必月之多哉。

小因果說

有修橋人。有毀橋人。此天堂地獄之小因也。有坐轎人。有荷轎人。此天堂地獄之小果也。觸類長之。皆可見矣。常如是存心。以修淨土。上品往生。復何疑哉。

龍舒增廣淨土文卷第九終

龍舒增廣淨土文卷第十

國學進士王 日休 撰

造至深之理者。雖居濁世。與淨土何以異哉。故此卷載至深之理。名淨濁如一。然亦不可恃此而不修淨土之業。恐易涉於空談。又若參禪者之弊故也。

情說

喜怒哀惡嗜慾皆情也。養情為惡。縱情為賊。折情為善。滅情為聖。甘其飲食。美其衣服。大其居處。若此之類。是謂養情。飲食若流。衣服盡飾。居處無厭。若此之類。是謂縱情。犯之不校。觸之不怒。傷之不怨。是謂折情。犯之觸之傷之如空。反生憐憫愚癡之心。是謂滅情。悟此理則心地常

淨。如在淨土矣。

即是空說

佛言受即是空。受謂受苦受樂及一切受用也。如食列數味。放箸即空。出多駒從。既到即空。終日遊觀。既歸即空。又如為善事既畢。其勤勞即空。而善業具在。為惡事既畢。其快意即空。而惡業具在。若深悟此理。則食可菲薄。無過用。殺害之冤債。出可隨分。無勞心若人之煩惱。遊觀可息。無放蕩廢事之愆尤。善可勉為。無懈怠因循之失。惡可力戒。無恣縱怨讎之罪。予喜得此理。故欲與人共之。

及一切受用。即所謂不苦不樂受者是也。

六根說

千般裝點。只為半寸之眼。百種音樂。只為一豆之耳。沈檀

腦麁。只爲兩竅之鼻。食前方丈。只爲三寸之舌。妙麗嬌  
 只爲臭腐之身。隨順迎逢。只爲狂蕩之意。若能識破此理  
 。便是無煩惱快樂之人。佛言。眾生無始以來。認賊爲子。  
 自劫家寶。謂惑六根之賊而喪真性也。孟子言。唯聖人然後  
 可以踐形。蓋不惑於此矣。有姪女得道。文殊問云。如何不  
 瞋。答云。見一切眾生不生。又問如何見十八界。答云如見  
 劫火燒諸世界。妙哉言乎。蓋謂一切眾生。本來無有。唯因  
 妄想中生。又何瞋之有。十八界謂六根六塵六識。因有此種  
 種。故生無量事。造無量惡。是故如劫火燒諸世界。若悟此  
 理。雖未生淨土。已如生淨土矣。

真性說

金剛經二十七段。其大意。不過言真性皆無所有。如虛空然。此虛空謂之頑空。頑空者。直無所有。而真性雖如虛空。而其中則有。故曰真空不空。頑空則可以作。可以壞。若此地實掘去一尺土。則有一尺空。掘去一丈土。則有一丈空。是頑空可以作也。若此器本空。以物置之則實矣。此室本空。以物置之亦實矣。是頑空可以壞也。若真性之空。則不可作。不可壞。本來含虛空世界。烏可作乎。無始以來。至于今日未嘗變動。烏可壞乎。真性中俱無所有。無得而比。故不得已而以頑空比之。是般若心經云。是諸法空相。謂諸法皆空之相。乃真性也。繼之以空中無色。以至無智亦無得。

謂真性中皆無所有。如頑空中皆無所有也。既皆無所有。然  
有一切眾生者。乃真性中所現之妄緣耳。大概言之。真性如  
鏡。一切有生者如影。是真性中所現之影也。影有去來。而  
鏡常自若。眾生有生滅。而真性常自若。生滅既除。真性乃  
現。蓋生滅者妄也。真性者真也。故楞嚴經云。諸妄消亡。  
不真何待。此性上自諸佛。下至蠢動含靈。初無有異。其異  
者皆妄也。

心乃妄想說

楞嚴經第一卷。佛與阿難七次論心。終之以尋常所謂心者。  
乃妄想耳。非真心也。真心即性也。圓覺經謂眾生妄認六塵  
緣影為自心相。是尋常所謂心者。乃六種塵緣之影耳。謂此

心本無。唯因外有六種塵緣。故內現此心。若外因有色。內  
 則起愛色之心。外因有聲。內則起愛聲之心。外因有香味觸  
 法。內則起愛香味觸法之心。蓋真性如鏡。六種塵緣如形。  
 此心如影。若外無此六塵。則內亦無此心矣。此心豈不為六  
 種塵緣之影乎。形來則影現。形去則影滅。而性鏡則常自若  
 。故金剛經云。過去心不可得。現在心不可得。未來心不可  
 得。此三心皆謂妄想心也。故有過去未來現在。若真心。則  
 無始以來。未嘗變動。烏有過去未來現在乎。不可得者謂無  
 也。若饑而思食。得食則此心過去矣。正食而知味。乃現在  
 心。未思食則此心未有。故為未來心。此三心皆隨時壞滅。  
 故云不可得。

五蘊皆空說

般若心經云。觀自在菩薩。照見五蘊皆空。度一切苦厄。五蘊。謂色受想行識也。色謂色身。受謂受用。想謂思想。行謂所行。識謂辯識。按古字辨通辨。此五者蘊積不散。以壅蔽真性。故謂之蘊。又謂之五陰。謂陰暗真性也。色身終歸於壞。受用隨時即過。色受豈不空乎。且如思想一物。既得之則無想矣。想豈不空乎。所行之事。回首尚如夢幻。行豈不空乎。識盡千種事物。再生不復能識。識豈不空乎。一切苦厄。皆從五者生。若能照見色身為空。則不泥於色身而畏死亡。是度過此一種苦厄也。照見受用為空。則不泥於受用而貪奉養。又度過此一種苦厄也。照見思想為空。則不泥於思想。而意

乃無所著。又度過此一種苦厄也。照見所行為空。則不泥於所行。而可以息跡。是又度過此一種苦厄也。照見辯識為空。則不泥於辯識。而可以坐忘。是又度過此一種苦厄也。故照見五蘊皆空。則度過一切苦厄。此五者皆不是真實。乃真性中所現之妄緣。若六根六塵六識十二緣四諦皆此類也。

癡心用形說

列子謂孔子廢心而用形。謂心已不著於物而癡之矣。按二藏原文著作養，疑有誤，暫依香

港本改之，待後考證。唯用形以應物。予深愛此語。故雖勞苦憔悴而不以

為失意。榮華奉養而不以為得意。蓋心不著於物也。因念菩薩了生死。乃託生於一切眾生中。以設教化者。以心不著於物。唯用形以應之耳。然則孔子於此。乃菩薩之儔也。按二藏原文儔作徒。疑

有誤。暫依香港本改之。待後考證。

用形骸說

天人禮枯骨。偈云。

汝是前生我。我今天眼開。寶衣隨念至。玉食自然來。

謝汝昔勤苦。令吾今快哉。散華時再拜。人世莫驚猜。

又餓鬼鞭死屍。偈云。

因這臭皮囊。波波劫劫忙。只知貪快樂。不肯暫迴光。

白業鎚銖少。黃泉歲月長。直須痛棒打。此恨猝難忘。

此言化俗則可。以為誠然則不可。何則。人神託於形骸之中

。所以用形骸者皆神也。譬如匠人用斧斤。用之而善。則為

善器械。用之不善。則為惡器械。故為天人者。前世善用形

骸者也。為餓鬼者。前世不善用形骸者也。其得其失。皆在當時。及其受報。而禮之鞭之亦何益。

齊生死說

想右腳大指腫爛流惡水。漸漸爛至脛。至膝。至腰。左腳亦如此。漸漸爛過腰上。至腹。至胸。以至頸頂。盡皆爛了。唯有白骨。次分明歷歷觀看。白骨一一盡見。靜心觀看良久。乃思觀白骨者是誰。白骨是誰。是知身體與我常為二物矣。又漸漸離白骨觀看。先離一丈。以至五丈十丈。乃至百丈千丈。是知白骨與我了不相干也。常作此想。則我與形骸本為二物。我暫住於形骸中。豈可謂此形骸終久不壞而我常住其中。如此便可齊生死矣。況我去此則往淨土乎。日日作此

想。更別有所得。如人飲水。冷熱自知。不假於言傳也。

### 我説

物之所在按二藏原文物作我。疑有誤。暫依香港本改之。待後考證。。不可以無我。無我則逐物矣。理之

所在。不可以有我。有我則蔽理矣。孔子毋我。菩薩無我相

。能至於此。則與虛空等矣。豈復有淨濁之辨哉。但恐不易

到耳。

龍舒增廣淨土文卷十終此卷後附周大資、劉待制、大慈果禪師題跋三段。

### 參政周大資跋

龍舒王虛中。學力深至。所解六經語孟老莊。要為不蹈襲前

人一言一字。其用志勤矣。一旦棄去專修西方之教。作淨土

文。精麤淺深且有條理按粗字通麤。。以是印施有緣。奔走於江浙諸

郡。又將親往建安刊版。於鬻書肆中。汲汲然若不可一日緩者。我聞無量壽經眾生聞是佛名。信心歡喜。乃至一念願生彼國。即得往生。住不退轉。不退轉者。梵語謂之阿惟越致。法華經謂彌勒菩薩所得報地也。一念往生便同彌勒。佛語不虛。應皆信受。

紹興壬午閏四月七日 唯心居士荆溪周葵跋

狀元劉待制跋 按待制係官位名。

昔六祖與韋史君說西方相狀。其言甚簡。其旨甚明。既無間於東西。何相狀之可述。及觀王虛中淨土文。何其諄諄也。蓋聞法無頓漸。根有利鈍。六祖為上智說第一義。故移西於東。在剎那間。言下便領。不容擬議。虛中將以開悟下根。

泛爲是論。惟西方之歸。故汲汲於刊行而恐行之不廣。其愛  
人之心。可謂勤且切矣。有能因虛中之文而悟入者。豈不爲  
魚兔之筌蹄乎。

紹興壬午六月六日 木訥翁 劉章 書

妙喜老人跋 按即杲禪師。

龍舒王虛中日休。博覽群書之餘。留心佛乘。以利人爲己任。  
。真火中蓮也。佛言自未得度。先度人者。菩薩發心。自覺  
己圓。能覺他者。如來應世。予嘉其志。爲題其後。若見自  
性之阿彌。即了唯心之淨土。未能如是。則虛中爲此文功不  
唐捐矣。 庚辰八月二十日書于

劉景文 嬾窠云 雙徑妙喜 宗杲 跋

龍舒增廣淨土文卷十一

天台智者大師勸修行人專修淨土

設問曰。諸佛菩薩以大悲為業。若欲救度眾生。祇應願生三界。於五濁三塗中。救苦眾生。因何求生淨土。自安其身。捨離眾生。則是無大慈悲。專為自利。障菩提道。智者答曰。菩薩有二種。一者久修行菩薩道。得無生忍者。實當斯責。二者未得已還及初發心凡夫。凡夫菩薩者。要須常不離佛。忍力成就。方堪處三界內。於惡世中救苦眾生。故智度論云。具縛凡夫有大悲心。願生惡世。救苦眾生者。無有是處。何以故。惡世界煩惱彊按彊乃強本字。自無忍力。心隨境轉。聲色所縛。自墮三塗。焉能救眾生。假令得生人中。聖

道難得。或因持戒修福得生人中。得作國王大臣。富貴自在。  
 縱遇善知識。不肯信用。貪迷放逸。廣造眾罪。乘此惡業。  
 一入三塗。經無量劫。從地獄出。受貧賤身。若不逢善知  
 識。還墮地獄。如此輪迴至於今日。人人皆如是。此名難行  
 道也。故維摩經云。自疾不能救而能救諸疾人。又智度論云  
 。譬如二人各有親眷。為水所溺。一人情急直入水救。為無  
 方便力。故彼此俱沒。一人有方便。往取船筏乘之救接。悉  
 皆得脫水溺之難。新發意菩薩亦復如是。未得忍力不能救眾  
 生。為此常須近佛。得無生忍已。方能救眾生。如得船者。  
 又論云。譬如嬰兒不得離母。或墮坑井渴乳而死。又如鳥子  
 翅羽未成。祇得依樹附枝。不能遠去。翅翮成就。方能飛空

自在無礙。凡夫無力。唯得專念阿彌陀佛。使成三昧。以業成故。臨終斂念得生。決定不疑。見彌陀佛證無生忍已。還來三界。乘無生忍船。救苦眾生。廣施佛事。任意自在。故論云遊戲地獄行者。生彼國得無生忍已。還入生死國。教化地獄。救苦眾生。以是因緣。求生淨土。願識其教。故十住婆沙論。名易行道也。

真州長蘆蹟禪師勸參禪人兼修淨土

夫以念為念。以生為生者。常見之所失也。以無念為無念。以無生為無生者。邪見之所惑也。念而無念。生而無生者。第一義諦也。是以實際理地不受一塵。則上無諸佛之可念。下無淨土之可生。佛事門中不捨一法。則總攝諸根。蓋有念

佛三昧。還源要術。示開往生一門。所以終日念佛而不乖於  
 無念。熾然往生而不乖於無生。故能凡聖各住自位而感應道  
 交。東西不相往來而神遷淨域。此不可得而致詰也。故經云  
 若人聞說阿彌陀佛。執持名號。乃至是人終時。心不顛倒。  
 即得往生阿彌陀佛極樂國土。夫如來世尊雖分折攝二門。現  
 居淨穢兩土。然本聖之意按記續藏本作大。非以娑婆國土。丘陵坑坎。  
 五趣雜居。土石諸山。穢惡充滿。直為可厭。又非以極樂世  
 界。黃金為地。行樹參空。樓聳七珍。華敷四色。直為可忻  
 。蓋以初心入道。忍力未淳。須託淨緣以為增上。何則。娑  
 婆國土。釋迦已滅。彌勒未生。極樂世界阿彌陀佛。現在說  
 法。娑婆國土。觀音勢至。徒仰嘉名。極樂世界。彼二上人

。親為勝友。娑婆國土。諸魔競作。惱亂行人。極樂世界。  
 大光明中。決無魔事。娑婆國土邪聲雜亂。女色妖嬈。極樂  
 世界水鳥樹林。咸宣妙法。正報清淨。實無女人。然則修行  
 緣具。無若西方。淺信之人。橫生疑謗。切嘗論之。此方之  
 人。無不厭俗舍之煩喧。慕蘭若之寂靜。故有捨家出家。則  
 慇勤讚歎。而娑婆眾苦。何止俗舍之煩喧。極樂優游豈止蘭  
 若之寂靜。知出家為美而不願往生。其惑一也。萬里辛勤遠  
 求知識者。蓋以發明大事決擇生死。而彌陀世尊色心業勝。  
 願力弘深。一演圓音。無不明契。願參知識而不欲見佛。其  
 惑二也。叢林廣眾皆樂棲遲。少眾道場不欲依附。而極樂世  
 界一生補處。其數甚多。諸上善人俱會一處。既欲親近叢林

而不慕清淨海眾。其惑三也。此方之人上壽不過百歲。而童  
 癡老耄疾病相仍。昏沉睡眠常居太半。菩薩猶昏隔陰。聲聞  
 尚昧出胎。則尺璧寸陰十喪其九。而未登不退可謂寒心。西  
 方之人壽命無量。一托蓮苞。更無死苦。相續無間直至菩提  
 。所以便獲阿惟越致。佛階決定可期。流轉娑婆促景而不知  
 淨土長年。其惑四也。若乃位居不退。果證無生。在欲無欲  
 。居塵不塵。方能興無緣慈。運同體悲。迴入塵勞。和光五  
 濁。其有淺聞單慧。或與少善相應。便謂永出四流。高超十  
 地。詆訶淨土。耽戀娑婆。掩目空歸。宛然流浪。並肩牛馬  
 。接武泥犂。不知自是何人。擬此大權菩薩。其惑五也。故  
 經云。應當發願。願生彼國。則不信諸佛誠言。不願往生淨

土。豈不甚迷哉。若夫信佛言而生淨土。則累繫之所不能拘。  
 劫波之所不能害。謝人間之八苦。無天上之五衰。尚無惡  
 道之名。何況有實。唯顯一乘之法。決定無三歸依。一體三  
 寶。奉事十方如來。佛光照體。萬惑潛消。按二藏原文潛字右側作替為潛俗字。法味資  
 神。六通具足。三十七品助道法。應念圓成。三十二應隨類  
 身。遍周塵刹。周旋五趣。普被諸根。不動一心。遍行三昧  
 。灑定水於三千。出眾生於火宅。自利利他。皆悉圓滿。然  
 則唯心淨土。自性阿彌。蓋解脫之要門。修行之捷徑。是以  
 了義大乘無不指歸淨土。前賢後聖自他皆願往生。凡以欲得  
 度人。先須自度故也。嗚呼人無遠慮必有近憂。一失人身萬  
 劫深悔。故率大海眾各念彌陀佛百聲千聲乃至萬聲。回向同

緣。願生彼國。切冀蓮池勝會金地法明。綺互相資。必諧斯願。操舟順水更加櫓棹之功。則十萬遙程不勞而至矣。元祐四年冬按元祐四年在北宋哲宗時代。合西元一八〇九年。宗蹟夜夢一男子。烏巾白衣。可三十許。風貌清美。舉措閑雅。揖謂宗蹟曰。欲入公彌陀會。告書一名。宗蹟乃取蓮華勝會錄。秉筆問曰。公何名。曰普慧。宗蹟書已。白衣者又云。家兄亦告上名。宗蹟問曰。令兄何名。云普賢。言訖遂隱。宗蹟覺而詢諸耆宿。皆云華嚴離世間品有第二大菩薩名。宗蹟以爲佛子行佛事。助佛揚化。必有賢聖幽贊。然則預此會者豈小緣哉。今乃以第二大菩薩爲此會首云。

杭州永明壽禪師戒無證悟人勿輕淨土

設問曰但見性悟道。便超生死。何用繫念彼佛。求生他方。

答曰。真修行人。應自審察。如人飲水。冷暖自知。今存龜

鑑。以破多惑。諸仁者當觀自己行解。

見性悟道。受如來記。紹祖師位。能如馬鳴龍樹否。

得無礙辯才。證法華三昧。能如天台智者否。

宗說皆通。行解兼修。能如忠國師否。

此諸大士。皆明垂言教。深勸往生。蓋是自利利他。豈肯誤

人自誤。按二藏原文誤字左側從豎心不從言部。況大雄讚歎。金口丁寧。希從昔賢。恭稟

佛教。定不謬誤也。仍往生傳所載。古今高士事跡。顯著非

一。宜勤觀覽以自照知。又當自度

臨命終時。生死去住。定得自在否。  
 自無始來。惡業重障。定不現前。此一報身。定脫輪迴否。  
 三塗惡道。異類中行。出沒自由。定無苦惱否。  
 天上人間。十方世界。隨意寄託。定無滯礙否。  
 若也。了了自信。得及。何善如之。若其未也。莫以一時貢高。  
 卻致永劫沉淪。自失善利。將復尤誰。嗚呼哀哉。何嗟及矣。

右蹟禪師語。見禪師勸化集中。智者大師及壽禪師語。見宋朝  
 王敏仲侍郎直指淨土決疑集中。侍郎名古。在搢紳間。爲神  
 仙所知。鍾離真人嘗與詩云  
 風燈泡沫兩相悲。未肯遺榮自保持。

額下藏珠當猛取。身中有道更求誰。

才高雅稱神仙骨。智照靈如大寶龜。

一半青山無賣處。約君攜手話希夷。

由此觀之。可見侍郎為非凡。且益知西方淨土所宜歸心也。

承相鄭清之勤修淨土文

人皆謂修淨土不如禪教律。余獨謂禪教律法門莫如修淨土。

夫真淨明妙。虛徹靈通。凡在智愚。皆具此性。根塵幻境。

相與淪胥。生死輪迴。窮劫不斷。故釋氏以禪教律。假設方

便。使之從門而入。俱得超悟。惟無量壽佛。獨出一門。曰

修行淨土。如單方治病。簡要直截。一念之專。即到彼岸。

不問緇白。皆可奉行。但知為化愚俗淺近之說。其實則成佛

道捷徑之途。今之學佛者。不過禪教律。究竟圓頓莫如禪。  
 非利根上器神領意解者。則未免墮頑空之失。研究三乘莫如  
 教。非得魚忘筌因指見月者。未免鑽故紙之病。護善遮惡莫  
 如律。非身心清淨表裏一如。則未免自纏縛之苦。總而觀之  
 。論其所入則禪教律。要其所歸則戒定慧。不由禪教律而得  
 戒定慧者。其唯淨土之一門乎。方念佛時。口誦心惟。諸惡  
 莫作。豈非戒。繫念淨境。幻塵俱滅。豈非定。念實無念。  
 心華湛然。豈非慧。人能屏除萬慮。一意西方。則不施棒喝  
 而悟圓頓機。不閱大藏經而得正法眼。不持四威儀中而得大  
 自在。不垢不淨。無纏無脫。當是時也。孰爲戒定慧。孰爲  
 禪教律。我心佛心。一無差別。此修淨土之極致也。八功德

水。金蓮華臺。又何必疑哉。淨土樞要之作勤矣。

廬陵李氏夢記

彥弼。乾道癸巳按乾道係南宋孝宗年號癸巳年係西元一一七三年家染疫疾。四月五日彥弼亦病。

粥藥不進。至十九日早夢一人褐衣。神貌清臞按二藏原文臞從病字之部首。不從月部。

以手撫摩彥弼肢體。而呼彥弼。令速起。彥弼惕然問曰。公

何人耶。答曰。予即龍舒也。彥弼因告以疾病。雖欲支持。

莫能。將何以愈其疾乎。公曰。記省闕仲雅教汝捷徑否。彥

弼曰。然。每日持誦阿彌陀佛不輟。公曰。汝起食白粥即可

。既寤。索粥食之。病果隨愈。後見龍舒畫像。儼然如夢中

見者。彥弼稔聞居士潛通六藝。尤精於易。誨人不倦。所至

學者輻湊按輻湊喻密集。謝君以靜逸堂待之。戶外之屨常滿。正月十

一日令子姪往承其教。不久回云。居士夜來講書罷。如常持  
 誦禮佛。至三鼓。忽厲聲念阿彌陀佛數聲云。佛來接我。言  
 訖立化。是夕邦人有夢二青衣。引公向西而行。傳爲勝異。  
 識與不識。咸來瞻敬。恨不款奉談塵。而重惜焉。居士未示  
 寂滅前三日。遍囑諸人。勉進道業。有此後不復再見之語。  
 初十日訪趙公省幹。借淨室云。道業辦。去時好。乃書日課  
 積計九百十二萬五百。貼于壁。噫。自非根性融明。達乎生  
 死之理。未易臻此。彥弼一病垂死。棺槨衣衾。已陳于前。  
 荷居士陰賜拯接。遂獲平愈。可謂生死骨肉者矣。或曰夢因  
 想成。然食白粥之效。安可誣也。抑知居士悲願甚深。功欲  
 及人。雖在常寂光中。不忘念力。其勸修淨土成佛之緣。可

不勉勵而進哉。謹刻公像。并著感應事跡。用廣其傳。非敢飾辭以惑耳目。故此直述而具載之。伏冀見聞敬信。同霑利益。王神昭著。實證斯言。按二藏原文實作定。公姓王。名日休。字虛中。號龍舒居士云。是歲下元廬陵李彥弼謹記。

盱江 聶允迪 跋

居士平昔以淨土之說。懇切勸人。嘗盤桓於鄉里。允迪於是時年方二十餘。適預計偕東上且未知有佛法。弗獲識公面。迨犬馬之齒至三十。連嬰災患。殊覺人生沉淪於煩惱大苦海中。渺無邊岸。遂一意祖襲居士之說。為超脫計。如是者纔三數年。居士遂立化於廬陵郡。郡之人皆繪像以事之。蓋乾道癸巳之正月也。按乾道係南宋孝宗年號。癸巳年係西元一一七三年。後五年丁酉歲。按丁酉年係西元一一七七年。先兄知

府兵部被檄較試廬陵。得所刻本以歸。允迪恐此一段奇事。

久之湮沒。無以傳遠。遂刻諸石。置城北報恩寺之阿彌殿。按二藏原

文置作真。今此願施居士所著淨土文一萬帙。輒復以居士慈相及

丞相周益公而下贊述附于卷首。皆襲廬陵刻本也。庶幾見者

聞者。增益信心。勉強精進。則西方淨土誠不難到。

嘉泰癸亥按嘉泰係南宋寧宗年號。癸亥年係西元一二〇三年。。文林郎。新監湖廣總領所。襄陽府

。戶部大軍倉旰江。聶允迪。合十指爪稽首謹跋

允迪舊常見初機參禪人。但知歸敬禪宗。至言西方淨土則指

為著相。力肆排斥。殊不知釋迦如來為一大事因緣。出現於

世。是欲令眾生了悟生死。脫離輪迴苦趣耳。參禪一法。固

爲了悟生死而設。修淨土一法亦是令眾生了悟生死也。參禪

有省則現世了悟生死。得生淨土則見阿彌陀佛而後了悟生死。況便證無生忍。居不退轉地。直至成佛而後已。初機參學人何苦獨取禪宗一法而力排淨土之說耶。大善知識未嘗不以此勸人。今略採二三說。附于龍舒淨土文之末。以辨明之。

四明斷佛種人跋

龍舒居士作淨土文一十卷。其間始從淨土起信。終至我說。可謂條布有序。或事或理。坦然歷歷明白者矣。而又更何言哉。此十卷文乃是居士存日。親自刻梓。欲其流布天下。使人人皆同念佛。生于樂國。其用心亦豈易及。惟於第十一續添一卷。有人疑非居士本志。此必是第四卷文初創。按二藏原文創作。屬稿所棄者耳。按二藏原文稿作上萬下禾。想後人尊居士。故不忍棄之。乃為十

一卷名而續添之。況其修持法門意趣悉與第四卷同。但其文  
意嚴緩有異耳。予乃執卷而熟玩之。按二藏原文。玩作戲。亦謂此言頗當。  
正議擬問。忽有人得居士親筆墨本者。若合符契。如失還得  
。今雖刻板已畢。亦乃銳意去之。復將法門中諸師原先附本  
勸發之語。如次整上足之。按正續藏上作正。以完部帙。諒無差失。如後  
人見此。慎毋以此編為不足云。

時洪武癸酉仲夏吉日

按洪武係明太祖年號。癸酉年係西元一三九三年。

四明斷佛種人跋

龍舒增廣淨土文第十一卷終

龍舒增廣淨土文卷第十二 附錄

師子峰如如顏丙勸修淨業文 身為苦本 覺悟早修

只這色身。誰信身為苦本。盡貪世樂。不知樂是苦因。浮生

易度豈是久居。幻質非堅總歸磨滅。自未入胞胎之日。寧有

這男女之形。只緣地水火風假合而成。不免生老病死彫殘之

苦。上無絲線可挂按挂通。下沒根株所生。虛浮如水上泡。須

臾不久。危脆似草頭露。倏忽便無。長年者不過六七十以皆

亡。短命者大都三二十而早夭。又有今日不知來日事。又有

上床別了。下床時。幾多一息不來。便覺千秋永別。雷峰頌。一盞孤燈照夜臺。上床脫了襪和鞋。三魂

七魄夢中去。未委明朝來不來。嘆此身無有是處。奈誰人不被他瞞。筋纏七尺骨頭

。皮裹一包肉塊。九孔常流不淨。六根恣逞無明。髮毛爪齒

聚若堆。塵涕淚津液汚如行廁。裡面盡蛆虫聚會。外頭招蚊  
 虱交攢。沾一災一疾皆死。得人更大熱大寒。催人易老。眼  
 被色牽。歸餓鬼耳隨聲去。入阿鼻口頭喫盡味千般。死後只  
 添油幾滴。長魁詩云。紅紅白白莫相瞞。無位真人赤肉團。敗壞不如豬狗相。只今便作死屍看。此身無可愛惜。諸人當願出  
 離。如何迷昧底尚逞風流。矇董漢猶生顛倒。或有骷髏頭上  
 簪花簪草。或有臭皮袋畔帶麝帶香。羅衣罩了膿血囊。錦被  
 遮卻屎尿桶。用盡奸心百計。將謂住世萬年。不知頭痛眼花  
 。閻羅王接人來到。那更鬢斑齒損。無常鬼寄信相尋。箇箇  
 戀色貪財。盡是失人身捷徑。日日飲酒食肉。無非種地獄深  
 根。眼前圖快活一時。身後受苦辛萬劫。淨土文。皮包血肉骨纏筋。顛倒凡夫認作身。到死始知非是我。從前金玉附他人。  
 一旦命根絕處。四大風刀割時。外則腳手牽抽。內則肝腸痛

裂。縱使妻兒相惜無計留君。假饒骨肉滿前有誰替汝。古頌云。父母恩深。

終有別。夫妻義重也分離。人情似鳥同林宿。大限來時各自飛。生底只得悲啼痛切。死者不免神識奔馳。前

途不見光明。舉眼全無伴侶。過奈河岸見之無不悲傷。入鬼

門關到者盡皆悽慘。世上纔經七日。陰間押見十王。曹官抱

案沒人情。獄卒持叉無笑面。平生作善者。送歸天道僊道人

道。在日造惡者。狎入湯塗火塗刀塗。鑊湯沸若崖崩。劍樹

勢如山聳。按二藏原文劍字右側從刃部不從刀。灌銅汁而遍身肉爛。吞鐵丸而滿口煙生

。遭剉磕則血肉淋漓。入寒冰則皮膚凍裂。身碎業風吹再活

。命終羅刹喝重生。人間歷盡百春秋。獄內方為一晝夜。延光集。

鑊湯爐炭極幽壤。劍樹刀山聳太清。受罪要終八萬劫。獄卒牛頭始放行。魂魄雖歸鬼界。身屍猶臥棺中。或隔三朝

五朝。或當六月七月。腐爛則出蟲出血。臭穢則熏地熏天。

胖脹不堪觀。醜惡真可怕。催促付一堆野火。斷送埋萬里荒山。昔時耍俏紅顏翻成灰燼按情。今日荒涼白骨變作泥堆。

寒山頌云。胭脂畫面嬌千樣。龍麝薰衣倩百般。今日風流都不見。綠楊芳草獨癡寒。從前恩愛到此成空。自昔英雄如今何在

。淚雨灑時空寂寂。悲風動處冷颼颼。夜闌而鬼哭神號。歲

久而鴉餐雀啄按二藏原文鴉字左側從亞不從牙。荒草畔漫留碑石。綠楊中空掛紙錢

。下梢頭難免如斯。到這裏怎生不醒。寒山云。雀啄鴉餐皮肉盡。風吹日炙觸體乾。目前試問傍觀者。自把形骸仔細看。

大家具眼。休更埋頭。翻身跳出迷津。彈指裂開愛網。休向

鬼窟裏作活計。要知肉團上有真人。是男是女總堪修。若智

若愚皆有分。但請迴光返照。便知本體元無。若未能學道參

禪。也且勤持齋念佛。捨惡歸善。改往修來。移六賊為六神

通。離八苦得八自在。便好替天行化。不妨代佛接人。對眾

爲大眾宣揚。歸家爲一家解說。使處處齊知覺悟。教人人盡  
 免沉淪。上助諸佛轉法輪。下拔眾生離苦海。佛言不信。何  
 言可信。人道不修。他道難修。莫教一日換了皮。縱有千佛  
 難救汝。火急進步。時不待人。各請直下承當。莫使此生空  
 過。

寒山云。百骸潰散離塵泥。一物長靈復是誰。不得此時通線路。骷髏著地幾人知。

慈照宗主臨終三疑

慈照宗主淨土十門告誡云。念佛人臨終三疑不生淨土。  
 一者疑我生來。作業極重。修行日淺。恐不得生。  
 二者疑我雖念彌陀。或有心願未了。及貪嗔癡未息。恐不得  
 生。  
 三者疑我雖念彌陀。臨命終時。恐佛不來迎接。

有此三疑。因疑成障。失其正念。不得往生。故念佛之人。切要諦信佛經明旨。勿生疑心。經云念阿彌陀佛一聲。滅八十億劫生死重罪。上至一心不亂。下至十念成功。接向九蓮。令辭五濁。苟能心心不昧。念念無差。則疑情永斷。決定往生矣。

善導和尚臨終往生正念文

知歸子問曰。世事之大。莫越生死。一息不來。便屬後世。一念差錯。便墮輪迴。小子累蒙開誨念佛往生之法。其理甚明。又恐病來死至之時。心識散亂。仍慮他人感動正念。忘失淨因。伏望重示歸徑之方。俾脫沉淪之苦。師曰善哉問也。凡一切人命終欲生淨土。須是不得怕死。常

念此身多苦不淨。惡業種種交纏。若得捨此穢身。超生淨土。  
 受無量快樂。解脫生死苦趣。乃是稱意之事。如脫弊衣得  
 換珍服。但當放下身心。莫生戀著。凡遇有病之時。便念無  
 常。一心待死。叮囑家人及看病人。往來問候人。凡來我前  
 為我念佛。不得說眼前閑雜之話。家中長短之事。亦不須  
 軟語安慰。祝願安樂。此皆虛華無益之語。若病重將終之際  
 親屬不得垂淚哭泣。及發嗟嘆懊惱之聲。惑亂心神。失其  
 正念。但一時同聲念佛。待氣盡了方可哀泣。纔有絲毫戀世  
 間心。便成罣礙。不得解脫。若得明曉淨土之人。頻來策勵  
 極為大幸。若依此者。決定超生。即無疑也。  
 又問曰。求醫服藥還可用否。

答曰。求醫服藥。初不相妨。然藥者。只能醫病。不能醫命。  
命若盡時。藥豈奈何。若殺物命為藥以求身安。此則不可。  
余多見世人。因病持齋。方獲少愈。復為醫者按正續藏為作有。以酒  
食血肉佐藥。其病復作。信知佛力可救。酒肉無益也。

又問曰。求神祈福如何。

答曰。人命長短。生時已定。何假鬼神延之耶。若迷惑信邪

。殺害眾生。祭祀鬼神。但增罪業。反損壽矣。大命若盡。

小鬼奈何。空自悼惶。俱無所濟。切宜謹之。當以此文。帖

向目前。時時見之。免致臨危忘失。

又問曰。平生未曾念佛人。還用得否。

答曰。此法僧人、俗人、未念佛人用之。皆得往生。決無疑

也。余多見世人。於平常念佛禮讚。發願求生西方。甚是勤  
 拳。及至臨病卻又怕死。都不說著往生解脫之事。直待氣消  
 命盡。識投冥界。方始十念鳴鐘。恰如賊去關門。濟何事也  
 。死門事大。須是自家著力始得。若一念差錯。歷劫受苦。  
 誰人相代。思之思之。若無事時。當以此法。精進受持。是  
 為臨終大事。

慈雲懺主晨朝十念法

十念門者。每日清晨。服飾已後。面西正立。合掌連聲稱阿  
 彌陀佛。盡一氣為一念。如是十氣。名為十念。但隨氣長短  
 。不限佛數。惟長惟久。氣極為度。其佛聲不高不低。不緩  
 不急。調停得中。如此十氣。連屬不斷。意在令心不散。專

精爲功。故名此爲十念者。顯是藉氣束心也。作此念已。發願回向云。

我弟子某甲一心歸命極樂世界阿彌陀佛。願以淨光照我。慈誓攝我。我今正念稱如來名。經十念頃。爲菩提道。求生淨土。佛昔本誓。若有眾生。欲生我國。至心信樂。乃至十念。若不生者。不取正覺。唯除五逆。誹謗正法。我今自憶此生已來。不造逆罪。不謗大乘。願此十念。得入如來大誓海中。承佛慈力。眾罪消滅。淨因增長。若臨欲命終。自知時至。身不痛苦。心無貪戀。心不倒散。如入禪定。佛及聖眾。手持金臺。來迎接我。如一念頃。生極樂國。華開見佛。即聞佛乘。頓開佛慧。廣度眾生。滿菩提願。

作此願已便止。不必禮拜。要盡此一生。不得一日暫廢。

唯將不廢。自要其心。得生彼國。

讚佛偈

并回向發願文。共四篇。事盡理到。皆先覺所撰。凡修淨業者。隨意互用。

阿彌陀佛真金色。相好端嚴無等倫。

白毫宛轉五須彌。紺目澄清四大海。

光中化佛無數億。化菩薩眾亦無邊。

四十八願度眾生。九品咸令登彼岸。

於是念佛或百聲、千聲以至萬聲。菩薩號各十聲或百聲畢。

回向發願云

我今稱念阿彌陀。真實功德佛名號。

惟願慈悲哀納受。證知懺悔及所願。

我昔所造諸惡業。皆由無始貪瞋癡。

今人不是者非。

從身語意之所生。一切我今皆懺悔。  
願我臨欲命終時。盡除一切諸障礙。  
面見彼佛阿彌陀。即得往生安樂刹。  
願以此功德。莊嚴佛淨土。上報四重恩。下濟三塗苦。  
若有見聞者。悉發菩提心。盡此一報身。同生極樂國。

十方三世一切佛  
云云

又二

八萬四千之妙相。得非本性彌陀。十萬億刹之遐方。的是唯  
心淨土。淨穢雖隔。豈越自心。生佛乃殊。寧乖己性。心體  
虛曠。不礙往來。性本包容。何妨取捨。是以舉念即登於寶  
界。還歸地產之家鄉。彈指仰對於慈容。實會天真之父子。

幾生負德。枉受沉淪。今日投誠必蒙拯濟。三心圓發一志西馳。盡來際以依承。歷塵劫而稱讚。

念佛號并菩薩號同前

比丘某甲為渡眾生。歸命一心稽首禮讚阿彌陀佛三乘聖眾。願以淨光慈誓攝我。我今為脫娑婆苦報。求生淨土。滿菩提願。發志誠心。修行淨業。願以禮念如來聖號。諷經誦咒眾善功德。投入如來誓願海中。承佛慈力。諸罪消滅。淨因增長。正念現前。臨欲命終。預知時至。身無病苦。口業清淨。心不倒散。如入禪定。佛及眾聖。手持金臺。異香天樂來迎接我。如一念頃。得生佛國。華開見佛。即聞佛乘。頓開佛慧。即證無生。廣度有情。同歸淨土。惟願如來。特垂救濟。

十方三世。云云

又三

歸命樂邦大慈父。勇猛調御阿彌陀。  
一音所演甚深經。菩薩聲聞賢聖眾。  
普放慈光攝取我。成就十念菩提心。  
長辭五濁淨諸緣。即趣九蓮如佛住。  
佛月映臨我心水。我心亦映佛月中。  
願力有在誓歸依。赴我懇求來接引。

念佛菩薩號如前

上來誦經、持咒、禮懺、念佛功德。普為眾生一心歸命正趣。  
。迴向西方極樂世界彌陀願海。仰冀世尊以大願輪慈誓攝受。

。令我三業善根增進。於此惡趣速盡報緣。一切生因畢竟永斷。臨命終時正念往生。見佛了心還度一切。我業障罪悉皆懺悔。願垂接引隨佛同歸。護佛法神普及。恩有俱蒙利樂。悉展威靈於三昧中。共垂衛護。願佛慈悲。哀憐攝受。十方三世。云云。

又四

稽首阿彌陀。救世大慈父。甚深真法藏。三乘賢聖僧。我以誠實心。求生佛淨土。願住本弘誓。普運無緣慈。應念赴機緣。猶如水中月。

念佛菩薩如前

上來誦經念佛功德。祝獻護法諸天。報答四恩三有。利樂法

界ハ一セ出ス眾生ル。我等セカレ一眾一。懺悔イテ罪根ル。莊嚴出ス淨土一。願シテ此身ル報盡ル。臨カレ

捨壽アセ時ア。承イテ此善根ル。決定ハシ得生ル極樂カセ世界ハ一セ。見ミテ佛聞法ル。速ム證ム菩ク

提ト。廣度カク群生ル。大作カ佛事ル。十方カ三世ル。云云

龍舒カ增廣ク淨土ル文卷ハ第十二終ル

# 超脫輪迴捷徑

大藏十餘經。言西方淨土事。人皆蓮華中生。衣食化成。  
 長生不老。其修行法門有九品。今節出眾人可通行者。  
 阿彌陀佛有大誓願云。我作佛時。十方眾生。至心信樂。  
 欲生我國。十聲念我名號而不生者。我不作佛。現世可以  
 消災解冤。增福保壽。每朝合掌向西。頂禮念  
 南無阿彌陀佛。南無觀世音菩薩。南無大勢至菩薩。  
 南無一切菩薩、聲聞、諸上善人。各十聲。復頂禮念  
 大慈菩薩讚佛懺罪迴向發願偈一遍。  
 十方三世佛。阿彌陀第一。九品度眾生。威德無窮極。  
 我今大皈依。懺悔三業罪。凡有諸福善。至心用迴向。  
 願同念佛人。感應隨時現。臨終西方境。分明在目前。  
 見聞皆精進。共生極樂國。見佛了生死。如佛度一切。

# 超脫輪迴捷徑

復頂禮而退。此偈有大威力。能滅一切罪。長一切福。如  
教人念。得大福報。至誠如是。必中品生。更加精進。轉  
以化人。使更相勸化。則上品上生。罪惡人修。亦下品生  
。此間念佛。西方七寶池生蓮花一朵。標其姓名。他日於  
其中託生。比陰府記姓名。待其命盡來追者。大不同矣。

# 緣因應報佛唵

梁氏女雙瞽而眼明。馮氏夫人久病而痊愈。陳仲舉冤鬼遂去。劉慧仲夜臥不驚。此生前念佛之效也。姚婆見佛像於空中。曇鑑得蓮華於瓶內。懷玉承金臺之迎接。智舜睹孔雀之飛鳴。此臨終往生之效也。志通有五色祥雲。李氏得三根不壞。寶藏有童子出於頂上。公則有金色現於洛中。此身後示現之效也。生淨土者有進無退。直至於成佛。是勸一人修淨土。乃成就一眾生作佛也。凡作佛者必度無量眾生。彼所度之眾生。皆由我而始。故勸人修者。福德不可窮盡。大慈菩薩偈云。

能勸一人修。比自己精進。

# 緣因應報佛唵

勸至十餘人。福德已無量。  
如勸百與千。名為真菩薩。  
又能過萬數。即是阿彌陀。

又云

骨肉恩情相愛。難期白首團圓。  
幾多強壯亡身。更有嬰孩命盡。  
勤念阿彌陀佛。七寶池中化生。  
聚會永無別離。萬劫長生快樂。

古詩云。

萬般將不去。唯有業隨身。

已上詳見龍舒淨土文。王日休勸緣。

普勸修持

願同念佛人

盡生極樂國

南謨阿彌陀佛

見佛了生死

如佛度一切

藏經云。念此佛者。現世消災保壽。此  
佛有大誓願云。我作佛時。十方眾生。  
至心信樂。欲生我國。十聲念我名號而  
不生者。我不作佛。如每朝合掌向西。  
至誠念佛十聲。念上四句偈一遍。西方  
七寶池生蓮花一朵。他日於其中託生。  
衣食隨意化成。長生不老。  
龍舒淨土文說。感應甚多。王日休勸。

予為西方二圖。願發大菩薩心者。稍大寫刻板。小者印十。大者印  
一。小者循門而施。大者擇而與之。小者以勸僕妾之徒。大者以勸  
識字人。若能以全部刻板廣傳。其為福德不易量也。因附口業圖于  
後。若併以印施。使知所勸戒尤善。

# 口業勸戒

口誦佛名如吐珠玉。天堂佛國之報。  
 口宣教化如放光明。破人迷暗。  
 口談無益如嚼木屑。不如默以養氣。  
 口好戲謔如掉刀劍。有時傷人。  
 口道穢語如流蛆蟲。地獄畜生之報。

口說善事如噴清香。稱人長同。  
 口語誠實如舒布帛。實濟人用。  
 口言欺詐如蒙陷阱。行則誤人。  
 口稱惡事如出臭氣。說人短同。

人生不過身、口、意業。殺、盜、姪為身三業。妄言、綺語、兩舌、惡口為口四業。貪、瞋、癡為意三業。總謂之十惡。若持而不犯。乃謂之十善。據佛所言。口業果報多於身意二業。以發意則未必形於外。出口則遂見矣。舉身為惡。猶有時艱阻。不若口之易發故也。未問隔世之事。且以現世言之。今人有一言稱人。其人終身受賜。福及子孫者。有一言陷人。其人終身受害。累及子孫者。口業豈不重哉。出乎爾者。反乎爾。在彼固可畏矣。然在己。怨天者窮。怨人者無智。惟自戒慎可也。故述賢聖之意為勸戒圖。

重刻龍舒淨土文跋

今之學佛者有二途。曰參禪。曰修淨土。而淨土之法。尤直截簡易。此是如來以方便從凡夫超入聖位。故謂之圓頓法門。宋龍舒王居士作淨土文十卷普勸修持。其言廣博諄懇。有大乘氣象而辭旨明白洞達。雖愚夫愚婦可以曉解。其書久傳惜無善本。吾友張慎伯因重刻之。按藏經原文因作因俗字俾廣其傳。慎伯名守約。繡水人。端廉好義。蚤業操觚。按蚤通早。操觚意提筆作文以不樂仕進遂棄去攻古文辭。晚歲猶專心淨業。故刻是編。有志佛乘者。尚究心於此而無負慎伯津梁。按津梁係接引之意之意。萬曆癸巳八月望。按萬曆係明神宗年號。癸巳年合西元一五九三年。五臺居士。陸光祖識。

按中華藏龍舒增廣淨土文到此為止。

王龍舒國學傳

按自此傳起。其後各篇皆係錄自香港本。

雲棲沙門株宏撰（按即蓮池大師）

宋王日休。龍舒人。端靜簡潔。博極經史。一旦捐之。曰。是皆業習。非究竟法。吾其為西方之歸。自是精進念佛。年六十。布衣蔬食。日課千拜。夜分乃寢。作淨土文勸世。將卒。三日前。遍別親識。有不復相見之語。至期。讀書罷。如常禮念。忽厲聲稱阿彌陀佛。唱言佛來迎我。屹然立化。如植木矣。邦人有夢。二青衣引公西行者。自是家家供事云。

贊曰。龍舒勸修西方。最為激切懇到。非徒言之。亦允蹈之。至於臨終之際。殊勝奇特。照耀千古。嗚呼。豈非淨土聖賢。人廬垂手者耶。

王虛中傳 節錄 知歸子彭際清撰

王虛中。名日休。廬州人也。宋高宗時。舉國學進士。棄官  
 不就。著書名龍舒淨土文。自王公士大夫。下至屠丐僮奴阜  
 隸優妓之屬。咸以淨土法門。勸引皈依。其文淺說曲喻。至  
 詳至懇。若父兄之教子弟然。虛中嘗以無量壽經。稱讚西方  
 。義蘊深廣。而自漢迄宋。譯文晦塞。罕中倫節。致我佛說  
 經之旨不白。乃禱於觀世音。會四本而譯之。三年乃成。釐  
 為五十六分。文辭爾雅。條理燦然。遂得大行於世。乾道中  
 廬陵李彥弼有疾。垂死。夢一人自稱龍舒居士。謂曰。汝起  
 飲白粥。疾當瘳。且汝尚憶闕仲雅教汝修行捷徑否。彥弼曰  
 。每日念佛不輟。既覺索粥飲之。立愈。彥弼初未識虛中。

既而見其畫像。與夢合。使諸子往受學焉。虛中將卒。前三  
日。遍別道友。勛以精修淨業。云將有行。不復相見。及期。  
與生徒講書畢。禮誦如常。時至三更。忽厲聲稱阿彌陀佛數  
聲。唱言佛來迎我。屹然立化。彥弼聞而感之。爲刻虛中像。  
並述其事。傳遠近。自是廬陵人多供事之。

附錄 淨土指導

導師阿彌陀佛

林俠菴編述

△導師阿彌陀佛。於往劫中。發四十八願度脫眾生。第十八  
 願云。設我得佛。十方眾生。至心信樂。欲生我國。乃至十  
 念。若不生者。不取正覺。唯除五逆。誹謗正法。第十九願  
 云。設我得佛。十方眾生。發菩提心。修諸功德。至心發願  
 。欲生我國。臨壽終時。假令不與大眾圍繞。現其人前者。  
 不取正覺。第二十願云。設我得佛。十方眾生。聞我名號。  
 繫念我國。植眾德本。至心迴向。欲生我國。不果遂者。不  
 取正覺。阿彌陀佛。誓願度生。若眾生不求接引。佛亦無可

奈何。尙志稱名。誓求出離娑婆者。無一不蒙垂慈攝受。往生極樂國土。

釋迦世尊

△釋迦世尊說。從是西方。過十萬億佛土。有世界名曰極樂。其土有佛。號阿彌陀。今現在說法。又云。彼土何故。名為極樂。其國眾生。無有眾苦。但受諸樂。故名極樂。又云。若有善男子。善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。專持名號。以稱名故。諸罪消滅。即是多善根福德因緣。按劃線部分依淨土起信阿彌陀經脫文補入。其人臨命終時。阿彌陀佛與諸聖眾。現在其前。是人終時。心不顛倒。即得往生阿彌陀佛極樂國土。

觀世音菩薩大悲心陀羅尼經

△觀世音菩薩大悲心陀羅尼經云。稱我本師阿彌陀佛。常須

供養。專稱名號。得無量福。滅無量罪。命終往生阿彌陀佛

國。如來授手。摩頂告言。汝莫恐怖。來生我國。

大勢至菩薩

△大勢至菩薩說。十方如來。憐念眾生。如母憶子。若子逃

逝。雖憶何為。子若憶母。如母憶時。母子歷生。不相違遠

。若眾生心。憶佛念佛。現前當來。必定見佛。去佛不遠。

不假方便。自得心開。如染香人。身有香氣。此則名曰。香

光莊嚴。我本因地。以念佛心。入無生忍。今於此界。攝念

佛人。歸於淨土。佛問圓通。我無選擇。都攝六根。淨念相

繼。得三摩地。斯為第一。

淨土聖賢錄

△淨土聖賢錄說。唐。法照大師。蒙文殊師利菩薩威神力。攝入五台聖境。照見作禮。問諸修行要道。文殊告曰。汝今念佛。今正是時。諸修行門。無過念佛。供養三寶。福慧雙修。此之二門。最多善要。我於過去劫中。因觀佛故。因念佛故。因供養故。得一切種智。是故一切諸法。般若波羅蜜。甚深禪定。乃至諸佛。皆從念佛而生。故知念佛。是諸法之王。照問。當云何念。文殊言。此世界西。有阿彌陀佛。彼佛願力。不可思議。汝當憶念。勿令間斷。命終決定往生。永不退轉。語已。舒金色臂。摩照頂曰。汝念佛故。不久

當證無上菩提。照受記矣。歡喜作禮而退。

蓮池大師

△蓮池大師說。念佛者。有默持。有高聲持。有金剛持。然高聲覺費力。默念易昏沉。只是綿綿密密。聲在於唇齒之間。乃謂金剛持。又不可執定。或覺費力。則不防默持。或復昏沉。則不防高聲。雜念是病。念佛是藥。念佛正治雜念。而不能治者。因念佛不親切也。雜念起時。即用心加工念。字字句句。精一不二。雜念自息矣。

徹悟大師

△徹悟大師說。真為生死。發菩提心。以深信願。持佛名號。此十六字。為念佛一大綱宗。一切行門之中。求其最易下

手。最易成就。至極穩當。至極圓頓者。則無如以深信願。持佛名號矣。所謂執持名號者。即拳拳服膺之謂。謂牢持於心。而不暫忘也。稍或一念間斷。則非執持也。稍或一念夾雜。則非執持也。念念相續。無雜無間。是真精進。精進不已。則漸入一心不亂。圓成淨業。一心不亂。乃淨業之歸宿。淨土之大門。未入此門。終非穩妥。學者可不勉哉。○一真為生死。發菩提心。是學道之通途。二以深信願。持佛名號。為淨土正宗。三以攝心專注而念。為下手方便。四以折伏現行煩惱。為修心要務。五以專持四重律儀。為入道根本。六以種種苦行。為修道助緣。七以一心不亂。為淨土歸宿。八以種種靈瑞。為往生驗證。以上八事。各宜痛講。

修淨業者。不可不知。

善導大師

△善導大師說。大聖悲憐。直勸專稱名字者。正由稱名易故

。相續即生。若能念念相續。畢命為期者。十即十生。百即

百生。何以故。無雜緣。得正念故。與佛本願相應故。不違

教故。順佛語故。若捨專念。修雜念者。百中希得一二。千

中希得三四。

○凡人臨終。須不得怕死。常念此身。多苦不淨。若得捨此

幻身。超生善道。乃是稱意之事。

○凡有疾病。但念無常。一心待死。囑看病問候人。凡來我

前。為我念佛。不得說眼前閒雜之話。若病重將終之際。不

許有人哭泣。但同聲念佛。待氣盡方可舉哀。若得明解淨行之人。頻來策勵。實為大幸。用此法者。決定往生。○凡臨睡時觀西方勝境。或觀阿彌陀佛。相好光明。不得雜語。雜想。亦不得求見瑞相。但辦專心。自有見時。或但稱佛號而睡。行者專取一法。不得雜用。務在久遠行之。必於淨土。功不唐捐也。

覺明妙行菩薩

△覺明妙行菩薩說。心本無念。念逐想生。此想虛妄。流轉生死。當知此一句阿彌陀佛。不從想生。不從念有。不著內外。無有相貌。即是盡諸妄想。與佛法身。非一非異。不可分別。如是念者。無煩惱塵勞。無斷無縛。止是一心。必得

一心。方得名為執持佛號。方得名為一心不亂。

○念佛不能一心者。但息想定慮。徐徐念去。要使聲合乎心

。心合乎聲。念久自得諸念澄清。心境絕照。證入念佛三昧

。偈曰。

少說一句話。多念一句佛。打得念頭死。許汝法身活。

○念佛預先當發大願。願生極樂。然後至誠懇切。稱於阿彌

陀佛。必使聲緣於心。心緣於聲。聲心相依。久久不失。則

入憶念三昧。

紫柏大師

△紫柏大師說。念佛心真不真。勘驗關頭。只在歡喜煩惱處

取證。其真假之心歷然可辨。大抵真心念佛人。於歡喜煩惱

中。必然念念不間斷。是以煩惱也動他不得。歡喜也動他不得。二者既不能動。生死境上。自然不驚怖。今人念佛。些小喜怒到前。阿彌陀佛便拋在腦後矣。如何能得念佛靈驗。若依我念佛。能於憎愛關頭。不昧此一句阿彌陀佛。而現前日用。不能受用、臨終不得生西方者。我舌根必然破爛。若不依我法行。則念佛無靈驗。過在於汝。與我無干。○又問學者云。汝念佛常間斷否。答。合眼睡時便忘記了。師震威呵曰。合眼便忘。如此念佛一萬年也莫幹。汝自今以後。直須睡夢中。念佛不斷。乃有出苦分。若睡夢中。不能念佛。忘記了。一開眼時。就痛哭起來。直向佛前。叩頭懺悔。或念千聲。或念萬聲。盡自家力量便罷。如此做三二十

翻。自然大昏睡中。佛即不斷矣。

截流大師

△截流大師說。念佛貴在一心不亂。無間無雜。非必以快念多念為勝也。但不緩不急。密密持名。使心中佛號。歷歷分明。著衣喫飯。行住坐臥。一句洪名。綿密不斷。猶如呼吸相似。既不散亂。亦不沉沒。如是持名。可謂事上能一心精進者也。

印光大師

△印光大師說。念佛用功。最妙之方法。是都攝六根。淨念相繼。都攝六根者。即是念佛之心專注於佛名號。即攝意根。口須念得清清楚楚。即攝舌根。耳須聽得清清楚楚。即攝

耳根。此三根攝於佛號。則眼決不會亂視。念佛時。眼宜垂  
 簾。不可睜大。眼既攝矣。鼻也不會亂嗅。則鼻亦攝矣。身  
 須恭敬。則身亦攝矣。六根既攝而不散。則心無妄念。唯佛  
 是念。方為淨念。六根不攝。雖則念佛。心中仍然妄想紛飛  
 。難得實益。若能常都攝六根而念。是名淨念相繼。能常常  
 淨念相繼。則一心不亂。與念佛三昧。均可漸得矣。  
 ○欲心不貪外事。專念佛。不能專。要他專。不能念。要他  
 念。不能一心。要他一心。亦無奇特奧妙法則。但將一箇死  
 字。貼在額顱上。掛在眉毛上。心常念曰。我某人從無始來  
 。直至今生。所作惡業。無量無邊。假使惡業有體相者。盡  
 虛空界。不能容受。宿生何幸。今得人身。又聞佛法。若不

一心念佛。求生西方。一氣不來。定向地獄、鑊湯、爐炭、劍樹、刀山裏受苦。不知經幾多劫。雖欲出離。未由也已。

○念佛心不歸一。當攝心切念。自能歸一。攝心之法。莫先於至誠懇切。心不至誠。欲攝莫由。既至誠已。猶未純一。當攝耳諦聽。無論出聲默念。皆須念從心起。聲從口出。音從耳入。心口念得清清楚楚。耳根聽得清清楚楚。如是攝心妄念自息矣。

○所謂十念記數者。當念佛時。從一句至十句。須念得分明。仍須記得分明。至十句已。又從一句至十句。不可二十三十。隨念隨記不可掐珠。唯憑心記。若十句直記為難。可分為兩氣。則從一至五。從六至十。作兩氣念。念得清楚。記

得清楚。聽得清楚。妄念無從著腳。一心不亂久當自得耳。

道需大師

△道需大師說。念佛須信憶兩字。不離於心。稱敬二字。不

離於口。往生淨土。須要有信。千信即千生。萬信即萬生。

信佛名字。不離心口。諸佛即救。諸佛即度。心常憶佛。口

常稱佛。心常敬佛。始名深信。

○念佛務使字字分明。句句相續。蓋不分明即是昏。不相續

即是散。一句佛號。歷歷現前。久之自然成就念佛三昧也。

悟開大師

△悟開大師說。開眼念佛。心易散動。可閉目念。當念佛時

。將心放空。提起佛號。即念即聽。即聽即念。綿綿密密。

行之久久。必有相應時也。但要字字從念頭上著實。句句從求生西方裏出來。更有繫念一法。在不念佛時。將念頭常掛在阿彌陀佛身上。心常清淨。不動不搖便是得力處。

妙空大師

△妙空大師說。念佛之人。勿雜惡念。於必經之事。一過即捨。久之意地清淨。過事即有妙智觀察。此乃念佛。轉識成智之謂也。

○所謂隨順持名者。昏沉則經行持。散亂則端坐持。或立、或坐。皆隨己便。總使一句佛號不忘。此乃降伏心魔之要術也。

○病者死之機也。死者凡聖淨穢之關也。病中當作死想。勤

念佛名。決定待死。必有光明接引。往生西方。遂我往生之  
 願。若於病中。略一停念。則一切愛戀恐怖。煩惱安排。種  
 種雜念。一齊現前。生死關頭。如何濟事。若病危時。但記  
 取阿彌陀佛四字於心勿忘可也。左右侍奉之人。亦宜將此四  
 字。頻頻提醒。當知百劫千生。所有錯走之路。全在此時一  
 念。斷得清楚。何以故。六道輪迴。皆一念為主。若一念在  
 佛。則形雖敗壞。而神不散亂。即隨一念而往生淨土矣。嗚  
 呼。但記取阿彌陀佛四字於心勿忘可也。

△淨土雜詠

修途十萬一毫端。何謂西方路渺漫。

佛境不從心外見。眞容多在定中觀。

西方故國早回還。人命無常呼吸間。

有限光陰當愛惜。今生蹉過出頭難。

千劫升沈事可嗟。須彌散骨亂如麻。

於今始覺知慚愧。淚眼晨昏只憶家。

最怕臨終神識迷。舌根堅硬氣難提。

若非平日心專一。那得資糧助往西。

靜觀深時落日斜。了知極樂路非賒。

十年浪子無歸處。一念回光便是家。

（古溪禪師）

（一元禪師）

（蓮侶居士）

（西一居士）

（蘭臺居士）

輾轉出ル 出ス因緣一ル 二ル十二支ハ。塵沙劫チヤカ數了シ何時ハ。

空王路カク下勸ク稽首キウ。雙淚フタツル潛流カク不自知カ。(樂園居士)  
(注：空王即指阿彌陀佛)

稱一弘名イハ哭一聲ナク。聲聲コトコト哭向ナク大慈尊オホニギハヤヒ。

此回コノトキ若不歸家ナク去ク。六道ムツド何時ナニトキ得脫身トケ。(戀西大師)

說著イハシ無常ムジョウ事事コトコト輕カサ。饑餐ウツク渴飲カサ懶經營ヒナシ。

一心イツシン不退ヒナク思安養シヤウヤウ。萬善マンゼン同歸ドウキ憶永明オキエウメイ。(楚石老人)

說著イハシ蓮邦レンポウ兩淚リウレイ垂タラシ。閻浮エンプウ苦趣クシュ實堪悲シツカンヒ。

世間セカノ出世シュツセ思惟シユイ遍ヒロク。不念フネン彌陀ミダツ更念ミナシ誰ナニ。(夢東大師)

念念ネンネン彌陀ミダツ休背覺ユイハイカク。心心シンシン極樂キョクラク欲還鄉ヨクエンキョウ。

何時ナニトキ得受トケ清虛體シヨウキョ。壽極シユキョク河沙カサ不可量イカニシ。(省庵大師)

六時ロクジ叩問クツモン黃金父オウゴンフ。赤子セキジ飄零ヒョウレイ幾日キジツ歸キル。

話到輪迴無盡處。相看<sub>ト</sub>不覺<sub>ク</sub>淚沾衣。<sub>（中峰國師）</sub>

暫居此地非吾土。遙憶<sub>ト</sub>西方是我家。<sub>（實賢大師）</sub>

極樂人民無量壽。不將<sub>ト</sub>日月計年華。<sub>（實賢大師）</sub>

船上西來望故鄉。寶華池上晚風涼。<sub>（明本禪師）</sub>

飄零不耐歸心切。一片輕旛挂夕陽。<sub>（明本禪師）</sub>

夜長易得還鄉夢。歲暮難忘作客情。<sub>（恩齊老人）</sub>

十萬億程安養國。寸心耿耿掛長庚。<sub>（恩齊老人）</sub>

深宵倚檻窺殘月。薄暮推窗望夕陽。<sub>（寸香齋主）</sub>

客路玲竚久漂泊。苦求佛力早還鄉。<sub>（寸香齋主）</sub>

生死輪迴望攝提。心酸徹腑痛沉迷。<sub>（昱山法師）</sub>

回家不待蓮花放。先送神歸落日西。<sub>（昱山法師）</sub>

人生百歲七旬稀。往事回觀盡覺非。  
 每哭同流何處去。閒拋淨土不思歸。  
 日夜思歸未得歸。天涯客子夢魂飛。  
 覺來何處雁聲過。望斷故鄉書信稀。  
 白露秋分涼透窗。客途遊子憶蓮邦。  
 慈尊何日垂金臂。一片歸心夢不忘。  
 六道輪迴佛悲憐。特開方便念佛門。  
 都攝六根淨念繼。命終生西是真言。  
 娑婆八苦實堪悲。修行念佛求出離。  
 願我命終生極樂。喜能帶業往生西。  
 (梵琦禪師)  
 (楚石老人)  
 (昱山法師)  
 (無名居士)  
 (無名居士)

論飭終念佛助生之重要

人生大事。莫過於生死。念佛助生。關係至巨。蓋一息不來。  
 便屬後世。一念差錯。便墮輪迴。故臨終正念。為念佛人  
 往生極樂最要關頭。夫人臨命終時。四大分張。眾苦畢集。  
 若非三昧久證。誠恐不易得之。況眷屬不明利害。往往以世  
 情而破壞彼之正念。此飭終念佛助生之應早為提倡也。助念  
 云者。即助往生之謂也。蓋以行人當此時節。得人開導而輔  
 助之。則欣厭心生。貪愛情息。耳聞佛名。心緣佛境。自可  
 與佛感應道交。蒙佛接引。往生西方。譬如怯弱之人。欲登  
 高山。前有牽者。後有推者。左右有扶掖將護者。自不至半  
 途而廢耳。即使平素不聞佛法之人。臨終蒙善知識開導。令

生信心。又爲助念佛號。令彼隨大眾音聲。或出聲念。或心中默念。果能如法助念。無一破壞正念。亦可往生。以佛力不可思議。法力不可思議。心力不可思議。故得此殊勝利益也。須知飭終念佛助人往生。關係最大。我今爲他人助念。則他日人亦爲我助念。可得互助之益。彼人因我助念故。得生西方。他日以此善因緣故。彼人當從西方侍佛來迎。助我得力。善莫大焉。普願大眾同知此義。同依此行。同生極樂。同見彌陀。如是切禱也已。

林俠菴謹識

按：林俠菴居士所編淨土指導文中所節錄之弘一大師嘉言。因取得弘一大師講稿原文。故另作一篇。排於最後。特此註明。

# 人生之最後

釋演音 弘一

歲次壬申十二月。廈門妙釋寺念佛會請余講演。錄寫此稿。於時了識律師  
 臥病不起。日夜愁苦。按原文 夜作月見此講稿。悲欣交集。遂放下身心。屏棄醫藥  
 。努力念佛。併扶病起。禮大悲懺。吭聲唱誦。長跏經時。勇猛精進。超  
 勝常人。見者聞者靡不為之驚喜讚歎。謂感動之力有如是劇且大耶。余因  
 念此稿雖僅數紙。而皆撮錄古今嘉言及自所經驗。樂簡略者。或有所取。  
 乃為治定。付刊流布焉。弘一 演音記

## 第一章 緒言

古詩云。我見他人死。我心熱如火。非是熱他人。看看輪到我。  
 我。人生最後一段大事。豈可須臾忘耶。今為講述。次分六  
 章。如下所列。

第二章 病重時

當病重時。應將一切家事。及自身體悉皆放下。專一念佛。一心希冀往生西方。能如是者。如壽已盡。決定往生。如壽未盡。雖求往生而病反能速愈。因心至專誠。故能滅除宿世惡業也。倘不如是。放下一切。專一念佛者。如壽已盡。決定不能往生。因自己專求病愈。不求往生。無由往生故。如壽未盡。因其一心希望病愈。妄生憂怖。不但不能速愈。反更增加痛苦耳。

病未重時亦可服藥。但仍須精進念佛。勿作服藥愈病之想。病既重時。可以不服藥也。余昔臥病石室。有勸延醫服藥者。說偈謝云。阿彌陀佛。無上醫王。捨此不求。是謂癡狂。

一句彌陀。阿伽陀藥。捨此不服。是謂大錯。因早日既信淨  
 土法門。諄諄為人講說。今日患病。何反捨此而求醫藥。可  
 不謂為癡狂大錯耶。  
 若病重時。痛苦甚劇者。切勿驚惶。因此病苦。乃宿世業障  
 。或亦是轉未來三途惡道之苦。於今生輕受。以速了償也。  
 自己所有衣服諸物。宜於病重之時。即施他人。若依地藏菩  
 薩本願經如來讚歎品所言供養經像等。則彌善矣。  
 若病重時。神識猶清。應請善知識為之說法。盡力安慰。舉  
 病者今生所修善業。一一詳言而讚歎之。令病者心生歡喜。  
 無有疑慮。自知命終之後。承斯善業。決定生西。

第三章 臨終時

臨終之際。切勿詢問遺囑。亦勿閒談雜話。恐被牽動愛情。貪戀世間。有礙往生耳。若欲留遺囑者。應於康健時書寫。付人保藏。

倘自言欲沐浴更衣者。則可順其所欲而試為之。若言不欲。或噤口不能言者。皆不須強為。因常人命終之時。身體不免痛苦。倘強為移動。沐浴更衣。則痛苦將更加劇。世有發願生西之人。臨終為眷屬等。移動擾亂。破壞其正念。遂至不能往生者。甚多甚多。又有臨終可生善道。乃為他人誤觸。遂起瞋心。而牽入惡道者。如經所載。阿耨達王。死墮蛇身。豈不可畏。

臨終時。或坐或臥。皆隨其意。未宜勉強。若自覺氣力衰弱  
 者。僅可臥床。勿求好看。勉力坐起。臥時。本應面西右脅  
 側臥。若因身體痛苦。改爲仰臥。或面東左側臥者。亦任其  
 自然。不可強制。  
 大眾助念佛時。應請阿彌陀佛接引像。供於病人臥室。令彼  
 瞻視。  
 助念之人。多少不拘。人多者。宜輪班念。相續不斷。或念  
 六字。或念四字。或快或慢。皆須預問病人。隨其平日習慣  
 及好樂者念之。病人乃能相隨默念。今見助念者皆隨己意。  
 不問病人。既已違其平日習慣及好樂。何能相隨默念。余願  
 自今以後。凡任助念者。於此一事切宜留意。

又尋常助念者。皆用引磬及小木魚。以余經驗言之。神經衰弱者。病時甚畏引磬及小木魚聲。因其聲尖銳。刺激神經。反令心神不寧。若依余意。應免除引磬、小木魚。僅用音聲助念。最爲妥當。或改爲擊大鐘、大磬、大木魚其聲宏壯。聞者能起肅敬之念。實勝於引磬小木魚也。但人之所好。各有不同。此事必須預先向病人詳細問明。隨其所好而試行之。或有未宜。儘可隨時改變。萬勿固執。

#### 第四章 命終後一日

既已命終。最切要者。不可急忙移動。雖身染便穢。亦勿卽爲洗滌。必須經過八小時後。乃能浴身更衣。常人皆不注意此事而最要緊。惟願廣勸同人。依此謹慎行之。

命終前後。家人萬不可哭。哭有何益。能盡力幫助念佛。乃於亡者有實益耳。若必欲哭者。須俟命終八小時後。頂門溫暖之說。雖有所據。然亦不可固執。但能平日信願真切。臨終正念分明者。即可證其往生。命終之後。念佛已畢。即鎖房門。深防他人入內。誤觸亡者。必須經過八小時後。乃能浴身更衣。前文已言。今再詳囑。切記切記。因八小時內。若移動者。亡人雖不能言亦覺痛苦。八小時後著衣。若手足關節硬。不能轉動者。應以熱水淋洗。用布攪熱水。圍於臂肘膝彎。不久即可活動。有如生人。殮衣宜用舊物。不用新者。其新衣應布施他人。能令亡者獲福。

不宜用好棺木。亦不宜做大墳。此等奢侈事。皆不利於亡人。

第五章 薦亡等事

七七日内。欲延僧眾薦亡。以念佛為主。若誦經、拜懺、焰口、水陸等事。雖有不可思議功德。然現今僧眾視為具文。敷衍了事。不能如法。罕有實益。印光法師文鈔中。屢斥誠之。謂其惟屬場面。徒作虛套。若專念佛。則人人能念。最為切實。能獲莫大之利矣。

如請眾僧念佛時。家族亦應隨念。但女眾宜在自室或布帳之內。免生譏議。

凡念佛等一切功德。皆宜迴向。普及法界眾生。則其功德乃

能廣大。而亡者所獲利益。亦更因之增長。

開弔時。宜用素齋。萬勿用葷。致殺害生命。大不利於亡人。

出喪儀文。切勿鋪張。毋圖生者好看。應為亡者惜福也。

七七以後。亦應常行追薦以盡孝思。蓮池大師謂年中常須追

薦先亡。不得謂已得解脫。遂不舉行耳。

第六章 勸請發起臨終助念會

此事最為切要。應於城鄉各地。多多設立。飭終津梁中有詳

細章程。宜檢閱之。

第七章 結語

殘年將近。不久即是臘月三十。為一年最後。若未將錢財預

備穩妥。則債主紛來。如何抵擋。吾人臨命終時。乃是一生  
 之臘月三十日。爲人生最後。若未將往生資糧預備穩妥。必  
 致手忙腳亂。呼爺叫娘。多生惡業一齊現前。如何擺脫。臨  
 終雖恃他人助念。諸事如法。但自己亦須平日修持。乃可臨  
 終自在。奉勸諸仁者。總要及早預備才好。

發願文

三寶弟子某甲等。誠意倡印龍舒淨土文。廣宣流布。闡揚淨土。伏念我等  
 從無始來。迷本淨心。隨業流轉。六道輪迴。受苦無窮。雖得人身。去佛遙  
 遠。縱發道心。或進或退。皆由無明薰習。不自覺知。任貪瞋癡。障戒定慧  
 。雖知念佛。資糧未具。西方勝境。難得現前。今我等發願懺悔。痛念世間  
 諸有為法。虛妄不實。深知苦空無常無我。不生貪著。慧眼開明。勤修淨業  
 。期得正信正願正行。時時具足。專念阿彌陀佛萬德洪名。速獲一心。於此  
 法中。圓悟無量法門。圓證無生法忍。圓轉無礙法輪。圓度無邊眾生。  
 願  
 我等臨終無障礙。阿彌陀佛遠相迎。觀音甘露灑吾頭。勢至金臺安我足。  
 一剎那中離五濁。屈伸臂頃到蓮池。蓮華開後見慈尊。親聽法音可了了。  
 聞已即悟無生忍。不違安養入娑婆。善知方便度眾生。巧把塵勞為佛事。  
 我願如斯佛自知。畢竟當來得成就。

# 法照入竹林寺傳

唐釋法照。不知何許人。大曆二年。棲止衡州雲峰寺。勤修不懈。於僧堂內粥鉢中。忽睹五彩祥雲。雲內現山寺。寺之東北五十里已來。有山。山下有澗。澗北有石門。入可五里。有寺。金榜題云。大聖竹林寺。雖目擊分明。而心懷隕穫。他日齋時。還於鉢中五色雲內。現其五臺諸寺。盡是金地。無有山林穢惡。純是池臺樓觀。眾寶莊嚴。文殊一萬聖眾而處其中。又現諸佛淨國。食畢方滅。心疑未決。歸院問僧。有曾遊五臺山已否。時有嘉延曇暉二師言。曾到。言與鉢內所見。一皆符合。然尚未得臺山消息。

暨四年夏。於衡州湖東寺。內有高樓臺。九旬起五會念佛道場。

六月二日未時。遙見祥雲彌覆臺寺。雲中有諸樓閣。閣中有數梵僧。各長丈許。執錫行道。衡州舉郭咸見彌陀佛。與文殊普賢一萬菩薩。俱在此會。其身高大。見之者皆深泣血設禮。至西方滅。照其日晚。於道場外。遇一老人告照云。師先發願往金色世界。奉覲大聖。今何不去。照怪而答曰。時難路艱。何可往也。老人言。但亟去。道路固無留難。言訖不見。

照驚入道場。重發誠願。夏滿約往前。任是火聚冰河。終無退衄。至八月十三日。於南嶽與同志數人。惠然肯來。果無阻礙。則五年四月五日到五臺縣。遙見佛光寺南。數道白光。六日到佛光寺。果如鉢中所見。略無差脫。其夜四更。見一道光。從北山下來射照。照忙入堂內。乃問眾云。此何祥也。吉凶焉在。有僧答言。此大聖不思

議光・常答有緣。

照聞已・即具威儀・尋光至寺東北五十里間・果有山・山下有澗・澗北有一石門。見二青衣・年可八九歲・顏貌端正・立於門首。一稱善財・二曰難陀・相見歡喜・問訊設禮・引照入門。向北行五里已來・見一金門樓。漸至門所・乃是一寺・寺前有大金榜・題曰・大聖竹林寺・一如鉢中所見者・方圓可二十里・一百二十院・皆有寶塔莊嚴。其地純是黃金・流渠華樹・充滿其中。

照入寺・至講堂中・見文殊在西・普賢在東・各據師子之座・說法之音・歷歷可聽。文殊左右菩薩萬餘。普賢亦無數菩薩圍繞。照至二聖前作禮問言：「末代凡夫・去聖時遙・知識轉劣・垢障尤深・佛性無由顯現。佛法浩瀚・未審修行於何法門・最爲其要・唯願大聖・

斷我疑網。」「文殊報言：「汝今念佛。今正是時。諸修行門。無過念佛。供養三寶。福慧雙修。此之二門。最為徑要。所以者何。我於過去劫中。因觀佛故。因念佛故。因供養故。今得一切種智。是故一切諸法。般若波羅蜜。甚深禪定。乃至諸佛。皆從念佛而生。故知念佛。諸法之王。汝當常念無上法王。令無休息。」

照又問：「當云何念。」文殊言：「此世界西。有阿彌陀佛。彼佛願力不可思議。汝當繼念。令無間斷。命終之後。決定往生。永不退轉。」說是語已。時二大聖。各舒金手摩照頂。為授記莚：「汝以念佛故。不久證無上正等菩提。若善男女等。願疾成佛者。無過念佛。則能速證無上菩提。」語已。時二大聖。互說伽陀也讚美。照聞已。歡喜踴躍。疑網悉除。又更作禮。禮已合掌。文殊言：「汝可往詣諸菩

薩院・次第巡禮。受教已。次第瞻禮。遂至七寶果園。其果纔熟。其大如鉢。便取食之。食已。身意泰然。到大聖前。作禮辭退。還見二青衣。送至門外。禮已。舉頭遂失所在。倍增悲感。乃立石記。至今存焉。

復至四月八日。於華嚴寺西樓下安止。洎十三日。照與五十餘僧。同往金剛窟。到無著見大聖處。虔心禮三十五佛名。照禮纔十遍。忽見其處廣博嚴淨。琉璃宮殿。文殊普賢一萬菩薩。及佛陀波利。居在一處。照見已。惟自慶喜。隨眾歸寺。其夜三更。於華嚴院西樓上。忽見寺東山半有五聖燈。其大方尺餘。照咒言。請分百燈歸一畔。便分如願。重謂分爲千炬。言訖便分千數。行行相對。徧於山半。又更獨詣金剛窟所。願見大聖。三更盡到。見梵僧。稱是佛陀波利。引

之入聖寺。語在覺護傳即佛陀波利傳。

至十二月初。遂於華嚴寺華嚴院。入念佛道場。絕粒要期。誓生

淨土。至於七日初夜。正念佛時。又見一梵僧入乎道場。告云：「汝

所見臺山境界。何故不說。」言訖不見。照疑此僧。亦擬不說。翌日

申時。正念誦次。又見一梵僧。年可八十。乃語照曰：「師所見臺山

靈異。何不流布。普示眾生。令使見聞。發菩提心。獲大利樂乎。」

照曰：「實無心祕蔽聖道。恐生疑謗故。所以不說。」僧云：「大聖

文殊。現在此山。尚招人謗。況汝所見境界。但使眾生見聞之者。發

菩提心。作毒鼓緣耳。」照聞斯語。便隨憶念錄之。

時江東釋慧從。以大曆六年正月內。與華嚴寺崇暉明謙等三十餘

人。隨照至金剛窟所。親示般若院立石標記。於時徒眾。誠心瞻仰。

悲喜未已。遂聞鐘聲。其音雅亮。節解分明。眾皆聞之。驚異尤甚。驗乎所見不虛。故書於屋壁。普使見聞。同發勝心。共期佛慧。

自後。照又依所見化竹林寺題額處。建寺一區。莊嚴精麗。便號竹林焉。又大曆十二年九月十三日。照與弟子八人。於東臺觀白光數次。有異雲靉黓。雲開見五色通身光。光內有圓光紅色。文殊乘青毛師子。眾皆明見。乃霏微下雪。乃五色圓光。徧於山谷。其同見弟子純一。惟秀。歸政。智遠。沙彌惟英。優婆塞張希俊等。照後篤鞏其心。修鍊無曠。不知其終。

絳州兵掾王士詹。述聖寺記云。

念佛方能消宿業

竭誠自可轉凡心

釋印光書  
年七十八



佛法修學成就之秘  
訣只在一門深入長時  
薰修八字果能不懷  
疑不爽雜不間斷吾有  
不成就者

淨空



南無阿彌陀佛



一  
一  
一



## 修行從改心做起

淨空老法師指出：改變命運的方法是靠轉變——轉惡為善、轉迷為悟、轉凡成聖。

同修都知道：「種善因得善果」，可是如果業報沒有轉過來，就容易怨天尤人，怪佛菩薩不靈，神沒有保佑，必須虛心檢討它的原因，俞淨意遇灶神記很值得我們研究參考。行善不只是做表面的功夫，除了「口善、身善」，更重要的是「心善、意善」。

古大德教人：「修行要從根本修」，根本是心，是念頭，只要你的心善，念頭善，沒有轉不過來的業報，也沒有化解不開的災難！就像一棵大樹，心是根，念頭是本，身是枝，口是葉，你在枝葉上修行，而根本都爛掉了，還是沒有救啊！把根本救過來，枝葉就不難轉變。

阿彌陀佛

# 南無阿彌陀佛

回向偈

願以此功德  
莊嚴佛淨土  
上報四重恩  
下濟三途苦  
若有見聞者  
悉發菩提心  
盡此一報身  
同生極樂國

〈免費結緣 · 敬請愛護珍惜〉  
〈歡迎翻印 · 功德無量〉

## 龍舒增廣淨土文

印贈者—香光淨宗學會

電話：(02) 8511-0955

傳真：(02) 8511-0953

地址：台北縣三重市中興北街179號1樓

淨空法師—淨空法師專集網站 <http://www.amtb.org.tw>  
影音網址

淨空法師專集簡體網站 <http://www.amtb.cn>


淨空法師英文網站 <http://www.chinkung.org>

排版承印—和裕出版社

電話：(06) 2454-0231-7

中華民國九十五年三月恭印壹仟冊結緣  
佛曆二五五〇年

真誠  
清淨  
平等  
正覺  
慈悲



看破  
放下  
自在  
隨緣  
念佛

本會法寶·免費結緣·絕無託人募款義賣·敬請明察·愛護珍惜

Printed in Taiwan(This book is not to be sold.)  
FOR FREE DISTRIBUTION